


廣陵覽古



序

余幼承家學性喜編輯遺文弱冠遨遊四方足跡遍天下所見
名山大川達人哲士無不咨訪故實搜羅掌故以得廣見聞爲
快仲夏應伊墨卿太守之招協修揚州圖經僑寓淮海樓曾有
句云飽看雲山原是福祇譚風月亦因緣蓋紀實也顧君謝唵
居址甚近時相過從初不知爲同志友也及過研經室見所著
周易名物疏考核詳明義理融貫太史公所謂好學深思心知
其義者謝唵有焉至廣陵覽古七卷本爲塾課子弟而作其於
郡內人文故實有資古學者採錄成書綜其凡例古蹟人物斷

序

自元代而止其餘概不備載從覽古之義也是書專便初學凡
無書傳可証及有証而不雅馴者雖自元以上亦不濫登備採
用也引証諸書惟取發明大義不分撰者古今但文長難以備
錄詩多不能全載未免畧爲刪擇簡卷帙也古蹟分隸八屬而
人物以江都統甘泉泰州統東臺雍正府志雜記例也古蹟以
名類相從人物以朝代爲次便檢閱也間有旁徵載籍加以考
証者以鑿按二字別之此編纂成例也嗚呼簡而能該華而不
雜謝唵此書可謂約而精矣惜余向編元和郡縣補志於淮南
道之揚州未見此書以匡不逮余因勸其速付梨棗而謝唵猶

以小品爲辭益見其學之純而心之虛矣嘉慶十二年仲冬月
江寧嚴觀謹識

序

二

廣陵爲古邗溝名勝甲天下竹西歌吹至今傳焉余與謝吟先世同居海上之板橋後伊祖徙廣陵于今已百餘年矣歲戊辰相見於白下同寓周孝侯讀書臺畔朝夕過從謝吟掃徑投轄一一有古人風范謝雲霞雷陳膠漆未嘗不嘆先世比鄰今生交際陸法和所謂香火因緣斷不誣也日者雨牕夜話翦燭論文出所著廣陵覽古七卷起周訖元人文碑碣考核靡漏想見下帷攻苦總校虛實寸晷是惜益珍裘非一腋焉方

今八表同風三霄零露海內文人和聲鳴盛是書出可爲名勝之記攷志書之遺雕今潤古絕非斤斤風雲月露詞章之爲是謝吟之元覽洞照而慧心秀明也是廣陵之山水清音而蕪城文選樓之嗣響也金石消沉文章千古是書傳是人傳也榮名爲寶詎有涯哉嘉慶十三年八月綺邨愚弟周長泰撰

廣陵覽古目錄

第一卷

江都縣古蹟

第二卷

甘泉縣古蹟

第三卷

儀徵縣高郵州興化縣古蹟

第四卷

寶應縣泰州東臺縣古蹟

卷五卷

江都縣甘泉縣人物

第六卷

江都縣甘泉縣儀徵縣人物

第七卷

高郵州興化縣寶應縣泰州東臺縣人物

目錄



廣陵覽古卷一

江都顧鑾謝陰氏述

浮山

在江都縣治西禹王廟內有石出地高三尺二寸長四丈五尺闊一丈一尺其狀如鐵不生草木以其浮於地故名

桃花岡

在府城南十五里永貞沙太平寰宇記云上有吳王廟隋氏置也

皂角林

廣陵覽古卷一

在城南三十里

宋楊萬里詩云水漾霜風冷客襟苔封戰骨動人心河邊獨樹知何木今古相傳皂角林

鑾按王象之輿地紀勝紹興中金主亮南侵宋制置使劉錡自淮陰回軍瓜洲金將高景山以師十萬擣瓜洲錡伏兵皂角林斬之

婁河

在城南十五里

唐李白新河餞族叔舍人賁詩齊公鑿新河萬古流不絕

豐功利生人天地同朽滅兩橋對雙閣芳樹有行列愛此
如甘棠誰云敢攀折吳關倚此固天險自茲設海水落斗
門潮平見沙沈我行送季父弭棹徒流悅楊花滿江來疑
是龍山雪惜此林下興愴爲山陽別瞻望清洛塵歸來空
寂蔑

變按輿地紀勝伊婁河卽揚子鎮以南至江之運河也隋
以前揚子鎮尙臨江至唐江濱積沙至二十五里開元間
潤州刺史齊澣奏開此河李白謂爲新河以其新開也江
都志別有新河在城南二里係明巡鹽御史楊光訓奏發
帑金開浚從姚家港入舊官河者

東塘

或云卽今灣頭或云在揚州之東或云卽下雷塘無的據
變按通鑑唐淮南節度使高駢檄四方兵討黃巢出屯東
塘諸將數請行期駢托風濤爲阻不發後秦彥在廣陵與
楊行密戰不利自開化門出奔東塘卽此地也然其里址
亦莫攷於今矣

瓜洲

在城南四十五里卽今瓜洲鎮詩多集隘不能備載僅錄

二首後皆倣此

唐張祜瓜洲聞曉角詩寒耿稀星照碧霄月樓吹笛夜江
遙五更人起烟霞靜一曲殘聲遍落潮 宋王安石泊船
瓜洲詩京口瓜洲一水間鍾山祇隔數重山春風自綠江
南岸明月何時照我還

鑿按名勝志謂之瓜洲渡卽陸放翁詩所謂樓船夜雪瓜
洲渡也雍正府志云江中積沙爲洲形如瓜故云又云漕
河至此分爲三支形如瓜字又按唐劉展設疑兵取潤州
田神功討之皆於此宋劉錡金主亮元阿朮亦嘗屯此自
昔爲南北襟喉屯戍之地洵重鎮也

古邗溝

在城東南卽今運河

鑿按左傳哀公九年吳城邗溝通江淮杜預注云於邗江
築城穿溝東北通射陽湖西北至末口入淮孟子曰排淮
泗而注之江淮本不入江自邗溝鑿而孟子時淮已入江
矣卽今廣陵韓江是水經注元和郡縣志皆與左傳杜注
同

張綱溝

在城東三十里俗呼張網溝又呼張王溝

鑿按漢書張綱爲廣陵太守濟惠百姓勸課農桑於東陵村東開此溝引岱石湖水灌田以此立名

茱萸灣

在縣東北十里今名灣頭

宋賀鑄茱萸灣晚泊詩冷雲拋雪未成花過埭東風凍著沙荻浦漁歸初下雁楓橋市散只啼鴉舊聞南國饒春事行見東風換物華老病心情亦何有藥囊詩卷是生涯

鑿按周韓令坤克揚州守之敗南唐兵於灣頭堰宋詔毀

廣陵覽古卷一

四

灣頭港口以遏金兵令不得積水通舟李全叛攻揚州至灣頭立寨元攻揚州以兵屯灣頭皆是此地

輿浦

江都昔爲輿縣故以名浦

鑿按宋書符瑞志元嘉中廣陵太守范邈上言所領輿縣前有大浦常淤濁比來源流清潔纖鱗呈形古老相傳以爲休瑞

鬪鴨池

雍正志未詳所在

鑿按漢景帝封易王非爲江都王王好佚遊嘗與寵妃李陽華爲鬪鴨之戲王故陽華之姑嫁馮大力陽華老後歸馮氏猶蓄鬪鴨於池上苦獺嚙鴨時下朱里芮姥求捕獺狸以獻芮告陽華狸不他食但飯以鴨陽華怒絞殺其狸志云未詳所在然今府治西楊家廟旁舊有地名鴨塘者疑卽在此

隋隄

隋大業初詔發民夫十萬開邗溝入江旁築御道樹以楊柳謂之隋隄今不可考

廣陵覽古卷一

五

唐杜牧詩夾岸垂楊三百里祇應圖畫最相宜自嫌流落西歸疾不見東風二月時 羅隱詩夾道依依十里遙路人回首認前朝春風未惜繁華意猶費工夫長柳條

鑿

按南部烟花錄煬帝築隄詔民間植柳一株賞一縑錦帆過處香聞十里

龍舟堰

在城南二十里魏文帝臨江試龍舟於此因名

揚子津

在城南十五里卽揚子橋一名揚子渡又名揚子鎮

唐祖詠泊揚子津詩纔入維揚郡鄉關北路遙林藏初過
雨風退欲歸潮江火明沙岸雲帆礙浦橋客衣今日薄寒
氣近來饒 孟浩然揚子津望京口詩北固臨京口夷山
近海濱江風白浪起愁殺渡江人

二十四橋

在西門外二里許

唐杜牧詩雲山隱隱水迢迢秋盡江南草木凋二十四橋
明月夜玉人何處教吹簫 宋歐陽修詩綠菱紅蓮畫舸
浮使君那復憶揚州都將二十四橋月換作江南十頃秋

廣陵覽古卷一

六

鑿按方輿勝覽云二十四橋并以城門坊市爲名自韓令
坤築城分部阡陌別立橋梁或存或廢不得而考沈括補
筆設分析二十四橋之名又甚詳然據明沈德符詩云佳
名二十四最好擣衣橋而此橋名又不在補筆設之中何
也今出揚城西郭二里許有小橋石欄塼甃題烟花夜月
四字名曰二十四橋相傳煬帝月夜偕宮女二十四人吹
簫于上故名正與杜樊川詩意相合隋唐相去甚近以樊
川詩爲証而羣議可息矣

萬歲橋

橋在萬歲樓之下今圯

唐李益揚州送客詩南行直入鷓鴣羣萬歲橋邊一送君
聞道望鄉聽不得梅花暗落嶺頭雲

萬里橋

隋置久廢

宋晁補之詩皂角村南二里許春江不隔一程遙雙隄闌
起如牛角知是隋家萬里橋

中泠泉

在揚子江心卽南溇水也唐張又新品爲第一温庭筠採

廣陵覽古卷一

七

茶錄云代宗朝李季卿刺湖州至維揚逢陸鴻漸李曰陸
君別茶聞南溇水又殊絕今者二妙千載一遇命軍士入
南溇俄而水至陸以杓揚之曰江則江矣非南溇也旣而
傾諸盆至半陸遽止之又以杓揚之曰自此南溇者矣使
者蹶然馳白某自南溇齋至岸舟蕩覆過半懼其渺挹岸
水增之處士眞神鑒也又中朝故事載李德裕作相有奉
使京口者命勺金山中泠水各置一壺其人忘之至石城
方汲一瓶歸獻之李飲之曰此頗似建康城下水其人謝
過不敢隱二事頗相類

曲江濤

漢枚乘七發云以八月觀濤於廣陵之曲江卽此

鑿按吳綺揚州鼓吹詞序云濤在城東利津門之南庚申秋官河水涸下露二泉其水上湧瀾翻不竭謂之曰濤信有然矣又按黎紅館筆談云曲江辨証聚訟不已汪明經容甫作廣陵曲江證力詆錢朱之非阮中丞建亭於翠屏洲以證之又陝西會城東南有曲江乃司馬相如所謂臨曲江之澧州者也廣東韶州府城北亦有曲江因以名縣唐張九齡家焉故稱張曲江又江西豐城縣東北十里有

廣陵覽古卷一

八

曲江雲南臨安府東北九十里有曲江然浙不聞有曲江也據此曲江爲揚之曲江在枚叔本自不誣而錢朱必歸之浙者亦繆矣

吳王城

漢書地理志廣陵爲吳王濞所都城周十四里半水經注云城卽吳王濞所築景帝三年徙汝南王非王江都武帝元狩六年立子胥爲廣陵王皆都濞城

唐孟暹廣陵故城詩紅繞高樓綠繞城城邊春草傍牆生隋家不向此中盡汴水應無更去聲

變按古廣陵城在蜀岡上邗溝城東北溧城乃更築于蜀岡下也至三國時魏移廣陵郡治淮陰以故城爲邊邑魏主丕伐吳登廣陵故城臨江觀兵賦詩而還卽此

蕪城

在府西北蜀岡下卽吳王濞故都也宋竟陵王誕居廣陵亂後城邑荒墟後臨海王子琪事同於濞參軍鮑昭作蕪城賦以諷遂名

賦曰瀟迤平原南馳蒼梧漲海北走紫塞雁門拖以漕渠軸以崑岡重江複關之奧四會五達之莊當昔全盛之時

廣陵覽古卷一

九

車挂轄人駕肩廛閉撲地歌吹拂天孽貨鹽田鏹利銅山才力雄富士馬精妍故能參秦法佚周令劃崇墉劓溝洫圖修世以休命是以版築雉堞之殷井幹烽櫓之勤格高五岳表廣三墳萃若斷岸矗似長雲製磁石以禦衝糊頰壤以飛文觀基扃之固護將萬祀而一君出入三代五百餘載竟瓜剖而豆分澤葵依井荒葛罨塗壇羅虺蝥階闢磨颯木魅山鬼野鼠城狐風嘯雨嘯昏見晨趨饑鷹厲吻寒鴟嚇雛伏蔬藏虎乳血餐膚崩榛塞路崢嶸古堦白楊早落塞草前衰稜稜霜氣兢兢風威孤蓬自振驚沙坐飛

灌莽沓而無際叢薄紛其相依通池旣已夷峻隅又以頽
直似千里外唯見起黃埃凝思寂聽心傷已摧若夫藻扃
黼帳歌堂舞閣之基璇淵碧樹弋林釣渚之館吳蔡齊秦
之聲魚龍爵馬之玩皆薰歇燼滅光沈響絕東都妙姬南
國麗人蕙心紈質玉貌絳唇莫不埋魂幽石委骨窮塵豈
憶同輿之愉樂離宮之苦辛哉天道如何吞恨者多抽琴
命操爲蕪城之歌歌曰邊風急兮城上寒井徑滅兮邱隴
殘千齡兮萬代共盡兮何言

唐李端詩昔人登此地邱隴已前悲今日又非昔春風能

廣陵覽古卷一

十

幾時風吹城上樹草沒城邊路城裏月明時精靈自來去
宋嚴羽詩平蕪古堞暮蕭條歸思憑高黯未消京口寒
烟鴉外滅歷陽秋色雁邊遙清江水落長疑雨暗浦風多
欲上潮惆悵此時頻極目江南江北路迢迢

宋行宮

宋靖康元年二月徽宗至揚州吏民乞駐蹕時定議南渡
留后如諸王於行宮又建炎元年十月高宗幸淮甸隆祐
太后至揚州入城駐於州治名州之正衙日車駕巡幸駐
蹕之門

凝暉殿

殿在揚子津臨江宮內

鑾按隋大業雜記大業七年春二月帝幸臨江宮百僚集凝暉殿酺戲數日時羽葆初成霜戈花斨羽飾龍旂橫街塞陌二十餘里輝翳雲日前代羽衛無盛于此

崇政殿

宋建炎二年高宗駐蹕揚州州治策進士於此殿蓋借署名之也

迎仙樓

廣陵覽古卷一

十一

唐淮南節度使高駢建其黨呂用之以妖術惑駢云神仙好樓居於解邸跨河爲迎仙樓半歲方就自成至敗竟未一遊局鏞儼然以至灰燼

唐羅隱詩鸞音鶴信杳難迴鳳駕龍輿早晚來仙境是誰知處所人間空自造樓臺雲侵朱檻應難到蟲網閒窗永不開仔細思量成底事露迎風擺作塵埃

卷書樓

北山集云宋高宗駐蹕揚州以提點刑獄公廨爲尙書省禮部在西北隅卷書樓下

宋程俱寓值詩三入南宮更白頭夜寒持卷萬書樓那知
躡足徧天下投老浮山省舊遊

十三樓

基址莫考

宋蘇軾揚州遊賞詞云山與歌眉歛波同醉眼流遊人都
上十三樓道是竹西歌吹古揚州 菰黍連昌歎瓊彝倒
玉舟誰家水調唱歌頭聲繞碧山飛去晚雲留

淮海樓

宋州守郭棣卽南城爲淮海樓高郵陳造爲之賦

廣陵覽古卷一

三

鑾按明一統志作鎮淮樓今作鎮海樓

雁行樓

基址莫考元宋无揚州卽事詩連營縹騎宅重柝雁行樓
延和閣

廣陵雜志云高駢建此閣於廳事之西高八丈皆飾以珠
玉綺窗繡戶殆非人工每日焚名香列異寶以祈王母之
降及畢師鐸亂人有登之者於藻井垂蓮之上見二十八
字云延和高閣上干雲小語猶疑太上聞燒盡降眞無一
事開門迎得畢將軍此近詩妖也

鑾按舊志載此爲羅隱作未知何據

東閣

因杜甫詩東閣官梅動詩興還如何遜在揚州故名

鑾按楊用修丹鉛錄辨揚州無東閣遜未爲揚州法曹宋

張邦基墨莊漫錄謂杜詩不詳遜在揚州之說以本傳考之梁南平王嘗引遜掌書記室後見別本南平王爲中權將軍揚州刺史望高右戚實曰賢王東閣一開競收楊馬遜詞藝早聞引爲掌文書記室少陵所以謂遜在揚州也但由東晉至梁陳皆以建業爲揚州隋始以廣陵爲揚州

廣陵覽古卷一

三

則遜所在之揚州乃建業耳此說最明晰而舊志相沿者以宋有假東坡名注杜詩者云遜在揚州法曹解有梅一株日吟咏其下後居洛思之請再任揚州云云故也

孔融臺

城東南有高士坊相傳卽孔融故宅

鑾按寰宇記融墓亦在高士坊西北又按融本傳爲曹操

令路粹枉狀所奏被收許下揚州有墓未知何據

煬帝釣臺

在揚子津

鑾按大業雜記煬帝初造釣臺運石者駕舟至江東岸下取石壘構釣臺之基忽有大石如牛自山飛下直入船內如人安置船無損傷當時以爲瑞大業七年二月上升釣臺臨揚子津大會百僚卽此地也

玉鈎亭

在城西南唐元和中李夷簡鎮淮南見新月如鈎因以名亭皇甫湜爲記

唐竇鞏登玉鈎亭獻李相公詩西南城上高高處望月分明似玉鈎朱檻入雲看鳥滅綠楊如薺繞江流定知有客

廣陵覽古卷一

古

懸陳榻從此無人上庾樓今日捲簾天氣好不勞騎馬看揚州

碧筠亭

鄭廷誨廣陵雜志云唐高駢鎮淮南日立碑刻石迎置此亭

延賓亭

五代楊吳時徐知誥以兵入廣陵定亂遂爲淮南節度副使於府署內立茲亭以延四方之士宋齊邱爲記

宋蘇舜欽延賓亭詩亂蟬咽咽柳霏霏獨上危樓俯落暉

江上山從林下見城中人向渡頭歸風烟遠近思高遜豺
虎縱橫歎息機出處兩垂空自撓傷心吾道欲何依

觀風亭 遡渚亭

地址莫考

鑿按歐陽修于役志景祐三年七月至揚州遇秀才廖倚
及子聰飲觀風亭又云七月在揚州飲遡渚亭會者集賢
校理王君玉大理寺丞許元太常寺太祝唐詔祠部員外
郎蘇儀甫云云亭皆久圯廢不可攷矣

四柏亭

廣陵覽古卷一

五

宋元豐中鄒浩教授揚州著四柏賦序云廣陵學宮廳舊
爲夫子廟庭植四柏皆凌雲合抱後莫究其所淳熙中重
建學宮文學掾彭方仍植四柏於廳事之南因以名亭

宋孔夢斗詠鄒道鄉植四柏詩道鄉探芹暇手植四株柏
相對有正味愛此歲寒格忠言賈其禍幾削諫臣跡柏亦
助道鄉每號風雨夕柏死公不死大名日皦白後人補種
之存棠思召伯亭亭儼相持撐雲空百尺是柏出雖晚風
致猶古昔我來跂遺芳清坐假一席徘徊竟難舍猛抱鬪
干拍寄語景行人用意謹勿窄

南麗亭

在南門外宋元豐中詔京東淮南築高麗館以待貢使亭
在館內建炎間廢紹興中郡守向子固重建扁其門曰南
浦易其亭曰瞻雲以爲飲餞之所

明月亭

基址莫考

宋孔武仲明月亭詩杳杳蕪城起暮鐘亭亭華月照秋容
便疑碧海依墻塹雲水情知隔萬重

迎波亭

廣陵覽古卷一

六

在縣南瓜洲鎮

宋王令迎波亭詩海面清風萬里寬偶來如已脫塵關自
嗟客世無虛日却被斜陽占盡山海鳥不來青障靜漁師
歸去暮江閒從來雲水有期約只待功成是厚顏

江風山月亭

在瓜洲鎮

元張翥瓜洲與成居竹王克繩登江風山月亭詩風起西
津斷客艘熊家亭子獨凭高雲移鳥影沈江樹雨帶龍腥
出海濤開闢自天留壯觀登臨惟我老英豪放舟擬就金

山宿一夜清風襲錦袍

鑾按此亭係元揚州路總管熊漢卿別墅鎮南王嘗避暑於此

水館

基址莫考

唐李紳宿揚州水館詩舟移淺浦參差合橋映晴虹上下連輕櫂過時搖水月遠燈繁處隔秋烟卻思海嶠嘗淒歎近涉江濤更凜然閒傍闌干指星漢尙疑軒蓋在樓船爭春館

廣陵覽古卷一

七

在郡圃內

鑾按名勝志云圃多杏花唐開元中太守張宴每杏一株立一伎於其旁遂題其館曰爭春宴罷夜闌或聞花有歎息聲

秋聲館

基址莫考

鑾按陶穀清異錄云余銜命渡淮入廣陵維舟野次縱步至一村圃碧蘆方數畝中隱小室榜曰秋聲館時甚愛之不知誰氏之別墅意主人名雅士也

四并堂

在郡治內慶元中趙鞏於杏花村重建堂取韓公舊名四并題額

鑾按宋韓魏公琦居廣陵圃中忽開金帶圍芍藥四朶時王岐公珪為郡守王荆公安石為幕官及陳秀公升之來謁公命開宴折花分簪各得一朶因建四并堂後四人相繼入相蓋花瑞也

平野軒

元倪瓚寫圖並系以詩相傳在揚州郭外

廣陵覽古卷一

六

居竹軒

基址無考

元成廷珪詩定居人種竹居定竹依人新笋甜於肉長竿健似身

鑾按此軒成廷珪隱居廣陵植竹庭院因扁其燕息之所曰居竹軒

芝室

鑾按宋秦觀芝室記河南張倪老以父宣義君命奉母彭城君喪殯於廣陵石塔寺與弟曼老冲老廬於殯側數月

有芝生於廬余聞而往觀蓋附上而出者數本其色正赤澤而堅悍若傅髹形張氏兄弟服除而歸廣陵士大夫因號其廬曰芝室而屬觀爲記云云則芝室當在今石塔寺中然已不可攷矣

孔融宅

唐李德裕金松賦序謂松得於廣陵孔北海故臺賦內有云訪孔子之舊宅卽指此

呂僧珍宅

梁建武時僧珍世居廣陵宅前有督郵廨旣貴或勸其徙

廣陵覽古卷一

九

廨以益宅僧珍不從相傳宅在州市北今莫可考

丞相王播宅

在瓜洲鎮

王播游瓜洲故居感舊詩昔年獻賦去江湄今日行春到却悲三徑僅存新竹樹四鄰惟見舊孫兒壁間猶記偷光處川上寧忘結網時更見橋邊名字在始憐題柱免人嗤

李德裕和詩云千騎風生大旆舒春江重到五侯廬共懸龜印銜新綬同憶鸚庭訪舊居取履橋邊啼鳥喚釣璜溪畔落花初今來却笑臨邛客人蜀空馳使者車 許渾

和詩云碧油紅旆想青衿積雪窗前盡日吟巢鶴返時雲
樹老臥龍歸去石潭深道旁苦李猶垂實城外甘棠已布
陰賓御莫辭巖下醉武丁高枕待爲霖

鑾按唐相王播先世太原人父恕爲揚州倉曹參軍遂家
江都之瓜洲

淳于棼宅

在城東十里

鑾按唐李公佐南柯記棼宅南古槐一株嘗夢槐安國王
召尙金枝公主大獵龜山出守南柯寵貴二十年及覺乃

廣陵覽古卷一

三

悟入古槐蟻穴耳

崔秘監宅

唐溫庭筠有過揚州崔秘監舊宅詩昔年曾識范安成松
竹風姿鶴性情惟向舊山留月色獨聞幽澗似琴聲乘舟
覓吏經輿縣爲酒求官得步兵玉署寂寥嘉客散却尋池
閣淚縱橫

相國李藩宅

在參佐橋

鑾按盧肇逸史唐李相藩嘗寓東洛年近三十未有宦名

挈家往揚州居於參佐橋數年張僕射建封鎮揚州奏爲
巡官校書郎職

郝氏園

唐方干有旅次揚州郝氏園詩舉目縱橫非我有思量似
在故山時鶴盤遠勢投孤嶼蟬咽殘聲過別枝涼月照窗
欹枕倦澄泉繞石泛觴遲青雲未得平行去夢到江南身
旅驛

朱氏園

宋王觀芍藥譜云揚州朱氏園最爲冠絕所種五六萬本

當花盛開飾宇以待來遊者逾月不厭

佛狸祠

在瓜洲城

元王暉詩江山照眼舒清眺千古興亡墮眼前瓜步市長
連野戍佛狸祠古慘荒烟柂樓看取平吳日父老空傳飲
馬年此日不須開濁浪好風都屬往來船

鑿按南史宋元嘉二十七年十二月魏太武率衆至瓜步

聲欲渡江明年正月退歸佛狸者太武小字也因以名祠
聳隅先生祠

在城南揚子橋宋江都令羅適建祀宋寓賢黃晞

鑿按宋蘇頌聲隅先生祠堂記先生建安黃氏諱晞字景微少講學閩中仿論語法言著書十篇自題爲聲隅子欬獻瑣微論景祐中年四十隨鄉貢至禮部上五十策求應直言詔科以後時不得與試遂僦居京邸又著揚庭新論十篇時韓魏公以國子監直講保薦之辭不勝任詔授太學助教致仕從其志也嘉祐二年卒於僦舍蘇頌爲治殯殮事韓魏公爲文祭之其畧曰先生之道德不用於朝宰相之過也云云其子至挈旅櫬過江都藁攢於揚子寺後

廣陵覽古卷一

三

旣而交遊復土就葬其地蓋亦宋理學儒也其命曰聲隅者旡物以顯志也

山光寺

在今灣頭鎮

宋梅堯臣山光寺詩古橋經廢寺蒼蘚舊離宮柏殿秋陰冷蓮塘暮色空烏啼山靄裏僧語竹林中寂寞蕪城近蕭蕭牧笛風 米芾詩竹圍沙徑晚風清又入山光寺裏行 一一過僧談舊寺遲遲繞壁認題名仙來石畔懷灰劫鶴語池邊勸後生三十年間成底事空叨閒祿是身榮 蘇

軾山光寺回次芝上人韻詩鬧裏清閒似隙光醉時真境
發天藏夢回拾得吹來句十里南風草木香

鑿

按隋大業間建先寺爲煬帝北宮帝筮得山火賁卦惡

之因以宮爲寺名山火後名山光唐張祐詩禪智山光好
墓田宋王觀詩不須談賁卦興廢古今同蓋卽指此宋天
禧中改爲勝果寺僧請山光舊額更建於郡東南第三港
沙河岸側

開元寺

在縣東五十里唐時建後遷傳李橋

廣陵覽古卷一

三

唐劉長卿冬夜宿開元寺送侍御之江東詩遷客投吳越
窮陰淮海凝中原馳困獸萬里接饑鷹寂寂蓮宇下愛君
心自宏空堂來霜氣永夜明清燈此去復何恨近名予未
能蘆峰若便道爲訪東林僧 盧綸雨後登開元寺南樓
因寄西巖警上人詩過雨開樓看晚虹白雲相逐水相通
寒蟬噪暮野無岸古樹傷秋天有風數穗遠烟凝隴上一
枝繁果憶山中何言暫別東林友惆悵人間事不同 羅
隱開元寺閣上作詩滿檻山川漾落暉檻前前事去如飛
雲中雞犬劉安過月裏笙歌煬帝歸江蹙海門帆散去地

吞淮口樹相依紅樓翠幕知多少長向東風有是非

孝感寺

唐大師佛於貞元中客廣陵居此寺

鑿按牛僧孺幽怪錄載明皇廣陵觀燈事廣陵奏云上元夜有仙人乘綵雲自西來臨孝感寺卽此

古木蘭院

卽今石塔寺在縣西

宋蘇軾石塔寺戒衣銘石塔得三昧初從戒定入是故常保護登壇受戒衣吾聞得道人一物不苟畱云何此法衣

廣陵覽古卷一

十四

補緝戒百衲諸法念已逝此衣非昔在此法非生滅衣益無壞者振此無塵衣洗此無垢人壞則隨他去是故終不壞 又題譏王播詩餓眼眩西東詩腸忘早晏雖知燈是火不悟鐘非飯山僧異漂母但可供一莞胡爲三十年記憶作此訕齋厨養若人無益祇遺患乃知飯後鐘闍黎真巨眼

鑿按木蘭院舊爲蒙因顯慶禪院宋元嘉中爲慧照寺又曰高公寺唐先天初爲安國寺乾元中爲木蘭院唐王播少孤貧寄食於院僧厭苦之飯後始鐘播題詩於壁有上

堂已了各西東慚愧闍黎飯後鐘之句後二紀出鎮揚州
向題處僧已碧紗籠矣乃續云三十年前塵撲面而今始
得碧紗籠播此時亦可謂得意矣開成中建石塔藏古佛
舍利遂改爲石塔寺

國朝雍正七年知縣陸朝璣復木蘭院舊額

紫極宮

通鑑紀事云揚州紫極宮有唐明皇像楊行密每有封拜
於像前陳制書再拜然後下

白鶴宮

廣陵覽古卷一

五

在戲馬臺下玉鈞斜路

變按陳後山詩話唐高宗東封有一鶴翔焉因詔諸州爲
老氏築宮名曰白鶴趙靈均金石林載揚州有唐白鶴廟
池碑

黃公冢

黃公不知何許人

變按劉敬叔異苑云廣陵郡有黃公冢高墳二所前有一
井每旱不竭有人於其中得銅鑼及釜各一又云冢於陰
天恒聞鞞角之聲

尉遲恭墓

在郡之永貞鄉

變按唐書尉遲敬德名恭以字行顯慶三年卒給班劍羽

葆陪葬昭陵則揚州之墓存疑可也

以上江都縣

廣陵覽古卷二

江都顧鑾謝陰氏述

甘泉山

在城西三十五里

鑾按山有七峰聯絡如斗平地錯落諸圓岡凡二十八若星拱然第一峰環視諸山在江南者巖巖如列坐山高二十五丈周二里上有井甚甘故名

盤古山

在城西三十里上有廟其神披髮席地而坐蓋本漢興平

廣陵覽古卷二

初成都太守高朕所繪禮殿聖賢圖

鑾按志載城西盤古冢冢上有廟豈此山卽其冢耶

小金山

在北門外

鑾按宋賈似道重建雲山閣於此卽環碧亭址治亭臺精舍俱備掘其下爲深沼又爲平野堂卽觀稼堂舊址春日卉木競發揚人遊觀不絕

蜀岡

在城西四里一名崑岡鮑昭蕪城賦軸以崑岡是也相傳

地脉通蜀故名寰宇記云蜀岡有茶園其茶甘香如蒙頂
蒙頂在蜀故名岡焉

宋蘇軾次韻伯固遊蜀岡送叔師奉使嶺表詩新苗未沒
鶴老葉初翳蟬綠渠浸麻麥白板燒松煙笑窺有紅頰醉
卧皆華顛家家機杼鳴樹樹梨棗懸野無佩犢子府有騎
鶴仙觀風嶠南使出相山東賢渡江弔狼石過嶺酌貪泉
與君步徙倚望彼修連娟願及南枝謝早隨北雁翩歸來
春酒凍共看山櫻然

蒙谷

廣陵覽古卷二

二

在城東北五里竹西亭之北

宋歐陽修詩一徑崎嶇入谷中麥條紅刺罨春叢花深時
有人相應竹密初疑路不通 梅堯臣詩茗園葱蒨與山
籠一夜驚雷發舊叢五馬留連未能去土囊深處路微通

召伯湖

在縣治北四十五里東接艾陵湖西接白茆湖南通新城
湖北接甓社湖春夏湖水漲漫民田滄沒晉謝太傅安鎮
廣陵時修築湖埭田始獲歲民被其澤比之召伯甘棠因
名湖與埭焉

宋陳造召伯停舟避雨詩窗度荷芰風舟艤鴛鴦浦落帆
憩篙師辟此白淙雨長征取愜快留滯不云苦適喜懸麻
勢爲盪爍石暑去年舟繫柳卧看虹飲渚龍公會事發尙
記跳珠語崎嶇不諧俗似爲龍所予一杯酬新涼開餅先
酌汝

小新塘

在上雷塘東北由淮子河東入漕河長廣共二里

鑿按祝穆方輿勝覽云宋紹定間以張燈之夕敗逆賊李
全於此

廣陵覽古卷二

三

雷塘

在城北十五里煬帝每攜宮人來遊唐書貞觀十八年長
史李襲譽引渠又築勾城塘以溉田八百頃

鑿按羅江東詩君王忍把平陳業祇換雷塘數畝田今坵
墓已平莫攷所在

薔薇溝

在城東六十里今名薔薇港方輿勝覽云薔薇溝接高郵
永正港

公路浦

在城西嚴觀元和郡縣補志引初學記云袁術自九江東
奔袁譚於下邳由此浦渡因名

九曲池

在城北七里蜀岡麓煬帝嘗建木蘭亭於池上作水調九
曲每遊幸時按之故名

宋王琪詩越調誰家曲當年亦九成哀音已亡國廢沼尙
留名儀鳳終沈影鳴蛙祇沸聲淒涼不可問落月背蕪城
蠻按鮮于侁詩序云煬帝嘗奏樂於此池初帝欲幸江都
命樂府撰水調九曲工人王令言謂其子曰此曲無回聲

廣陵覽古卷二

四

汝行必不返矣故唐白居易詩云五言一遍最辛勤調少
情多似有因不會當時翻曲意此時腸斷爲何人蓋指此
也

召伯埭

卽今召伯鎮謝太傅事解見前召伯湖

宋徐鉉召伯埭寄高郵陳郎中詩故人相別動經年候館
相逢倍慘然顧我飲冰難輟棹感君扶病爲開筵河灣水
淺翹秋鷺柳岸風微噪暮蟬欲識酒醒魂斷處謝公祠畔
客庭前 蘇轍召伯埭別少遊詩濛濛春雨濕邗溝篷底

安眠晝擁裘知有故人家在此速將詩卷洗閒愁 秦觀
次子由韻召伯埭見別詩孤篷短榜沂河流無賴寒侵紫
綺裘召伯埭南春欲盡爲公重賦伴牢愁

月明橋

在禪智寺前今廢

唐張祜詩十里長街市井連月明橋上看神仙人生只合
揚州死禪智山光好墓田

小市橋

在北水關外一名宵市橋相傳煬帝於此開夜市

廣陵覽古卷二

五

董井

董仲舒宅古江都縣基也仲舒爲江都王相宅內有井今
爲兩淮鹽運使署故井在廳後

鑿

按大東門外北柳巷董子祠旁有董子義井明董其昌
題二井以在運司署者爲的北柳巷董子祠乃前明正德
間建也

蜀井

在蜀岡上禪智寺側其泉脈通蜀故名

宋蘇轍詩信脚東遊十一年甘泉香稻憶歸田行逢蜀井

恍如夢試煮山茶意自便短綆不收容盥濯紅泥仍許置
清鮮早知鄉國勝爲客遊宦何須更著鞭

鑿

按元和郡縣補志引藝文類聚云蜀岡上有井曰蜀井
茶品天下有二十種此水第七又按李日華紫桃軒又綴
云楊州蜀岡上井與蜀江通有老僧洗鉢江中失之從井
浮出爲禪智僧所得置佛前後數年老僧過而見之驚曰
何緣到此脫衲衣贖去

玉勾洞天井

在蕃釐觀

廣陵覽古卷二

六

鑿

按名勝志及汪懋麟玉勾洞天記唐時有黃冠持畫軸
謁守帥畫中字皆雲章鳥篆不可識旣去使人尾其後至
后土井而沒乃使獄囚縋下視之見一洞署曰玉勾洞天
復使入則水漫不可尋矣

青龍泉

舊屬天寧寺自築新城後泉界在天寧門內相傳泉有青
龍能興雲雨凡郡守禱雨濟民屢著靈驗

第五泉

在城西北大明寺側唐張又新煎茶水記品大明寺井爲

第五泉宋歐陽修有大明寺水記明御史徐九皋立石書
第五泉

鑿按郡人汪應庚於乾隆二年平山堂右鑿池得古井井
大於常甃甃堅瑩鑄殿司監造字井壘景福錢盈貫水清
冽而甘聞者爭攜鐏滄茗謂此乃古第五泉云

隋江都宮

在城西七里大儀鄉隋書大業元年敕長史王宏大修江
都宮卽此

煬帝江都宮行樂歌云揚州舊處可淹留臺榭高明復好

遊風亭芳樹迴蚤夏長皋麥隴送餘秋淥潭桂檝浮青雀
果下金鞍躍紫騮碧觴素蟻流霞飲長袖清歌樂戲舟

杜牧詩龍舟東下事成空蔓草萋萋滿故宮亡國亡家爲
顏色路桃猶自恨春風 李商隱詩紫泉宮殿鎖煙霞欲

取蕪城作帝家玉璽不緣歸日角錦帆應自到天涯於今
腐草無螢火終古垂楊有暮鴉地下若逢陳後主豈宜重

問後庭花 金元好問隋故宮行渭川楊柳先得春二月
鶯啼百轉新長春宮中千樹錦暖日晴雲思煞人君王半
醉唱吳歌絳仙起舞鬢翠蛾吳兒漫說曾尋樂三十六宮

能幾多千秋萬古金銀闕海沒三山一毫髮繁華夢覺人
不知留得寒蟿泣秋月

十宮

寰宇記云在城北五里長阜苑內並煬帝建也

鑿按十宮舊志謂歸雁迴流松林楓林大雷小雷春草九

華光汾九里凡十名

水精殿

在江都宮內

鑿按馬縞中華古今注云煬帝於江都宮置水精殿令宮

人戴通天百葉冠子插瑟瑟鈿朶皆垂珠翠披紫羅帔把
半月雉尾扇鞞瑞鳩頭履謂之飛仙

章武殿

在城北建隆寺內

鑿按舊志謂宋太祖征李重進後以御營建寺所御之榻
留焉僧徒建殿崇奉名曰章武且請降御容景德二年遣
中使奉御容於寺靖康閒徽宗至揚州詣殿謁拜建炎初
殿圯寶祐中賈似道鎮揚州復修

隋苑

在城西北九里大儀鄉亦名西苑

鑾按通鑑大業元年於長安築西苑周二百里則江都止
隋苑耳而名勝志謂亦名西苑並引杜司勳紅霞一抹廣
陵春句謂卽指此想沿長安西苑之名以稱隋苑事或有
之相傳苑址僅三里

螢院

在大儀鄉隋苑南三里唐杜牧有秋風放螢苑句卽指此
鑾按隋書大業十一年煬帝至東都十二年五月於景華
宮徵螢火得數斛夜出遊山放之至七月甲子幸江都宮

則螢苑固不在揚州也然義山詩欲取蕪城作帝家下云
於今腐草無螢火唐去隋甚近而樊川義山所詠皆然必
有據也

甲仗樓

晉謝安建在步邱之新城

唐張籍新城甲仗樓詩云謝氏起新樓西臨城角頭圖功
百仗利藏器五兵修締構豐固虛名戶檻幽魚龍卷旗
幟霜氣積戈矛暑雨歊蒸隔涼風宴笑留城高形出沒山
靜氣清悠睥睨斜光徹欄干宿靄浮芊芊秔稻色脈脈苑

溪流郡化王丞相詩成沈隱侯居茲良景得殊勝峴山遊
文選樓

相傳在太平橋北旌忠寺乃其故址祀梁昭明太子像於
寺

鑾按大業拾遺記云帝幸昭明文選樓先命宮娥數十人
昇樓迎侍宋王觀揚州賦云帝子去兮空文選之樓此外
無指昭明文選樓在揚州者惟明一統志辨之最悉謂隋
祕書監曹憲江都人以文選教授生徒李善魏模皆出其
門所居號文選巷樓蓋以憲得名今阮中丞元宅卽憲故

廣陵覽古卷二

十

址於家廟後建樓兩江鐵制軍保書額曰隋文選樓
迷樓

在城西北七里

唐杜牧詩煬帝雷塘上迷藏有舊樓誰家唱水調明月滿
揚州

鑾按古今詩話浙人項昇進新宮圖於煬帝令揚州依圖
營建旣成帝幸之日使眞仙遊此亦自當迷乃名

摘星樓

名勝志云寶祐城樓故摘星樓也江淮南北一覽可盡賈

似道置額曰三城勝處紹聖間晁補之坐修摘星樓不覈實支省錢左遷

騎鶴樓

在府東北大街大平廣記云昔有四人各言所願甲願多財乙願爲揚州守丙願爲仙丁曰腰纏十萬貫騎鶴上揚州蓋兼三人之願也後人因以名樓

明月樓

在府東北大街

鑾按語林云揚州趙氏好客有明月樓一時題咏甚多咸

未當意趙子昂過揚州主人乞作楮帖索筆題云春風闌苑三千客明月揚州第一樓主人喜甚撤酒器爲贈蓋唐徐凝之有句云天下三分明月夜二分無賴是揚州子昂意實本此

彭城閣

舊爲彭城村煬帝因以名閣先是開皇末有泥彭城口之謠迨後果驗

唐李益詩故國歌鐘地長橋車馬塵彭城閣邊柳偏似不勝春

雲山閣

在城西北宋陳升之建

宋秦觀詩雲山簷楹接低空公宴初開氣鬱葱照海旌旗
秋色裏徹天簫鼓月明中香槽旋滴珠千顆歌扇驚圍玉
一叢二十四橋人望處台星正在廣寒宮

鑿

按寶祐志閣建於陳升之後呂公著嘗遊其上值中秋
燕客時秦觀以舉子入謁呂素聞其才命卽席爲樂語觀
作此詩一坐歎服淳熙間郡守鄭興裔增大之名雲山觀
後圯賈似道鎮淮之五年復雲山觀於小金山

廣陵覽古卷二

三

吳公臺

在城西北四里通鑑武德元年八月隋江都太守陳稜求
得煬帝之柩改葬於江都宮西吳公臺下卽此

唐劉長卿登吳公臺詩古臺搖落後秋入望鄉心野寺人
來少寒峰水隔深夕陽依舊壘寒磬滿空林惆悵南朝事
長江獨至今

鑿

按方輿紀要宋沈慶之攻竟陵王誕築臺以弩射城中
故名弩臺陳大建中吳明徹圍北齊東廣州刺史敬子猷
增築之亦以射乘堞之士故號吳公臺又名雞臺昔隋煬

帝常於此遊恍惚遇陳後主後主指其女侍曰此張麗華也每憶桃葉山前乘戰艦與此子北渡時麗華方倚臨春閣試紫毫筆書小研紅綃作璧月詞未終見韓擒虎躍青驄擁萬甲直來衝入人都不存就至今日大抵人生各圖快樂曩時何見罪之深耶帝悟叱之恍然不見

崑邱臺

在禪智寺側取蕪城賦軸以崑岡故名舊有此臺非歐公築也

宋歐陽修詩訪古高臺半已傾春郊誰從綵旗行喜聞車

廣陵覽古卷二

十三

馬人同樂慣聽笙歌鳥不驚

鬪雞臺

唐杜牧揚州詩春日鬪雞臺又趙嘏廣陵道中詩鬪雞臺邊花照塵或云卽吳公臺

風亭 月觀 吹臺 琴室

宋書廣陵城北有陂澤水物豐盛徐湛之更起風亭月觀吹臺琴室招集文士極遊觀之盛

鑿按大業招遺記煬帝至江都選殿脚女吳絳仙等給事月觀卽徐之舊址一夕烟景晴明帝乘月來幸左右皆寢

帝凭蕭后肩話東宮時事

新亭

在蜀岡上南史宋竟陵王誕舉兵廣陵沈慶之進軍新亭
逼之卽此

木蘭亭

隋煬帝建在九曲池上

宋徐鉉重遊木蘭亭詩繚繞長隄帶碧潯昔年遊此尙青
衿蘭橈破浪城陰直玉勒穿花苑樹深宦路塵埃成久別
仙家風景有誰尋那知年長多情後重凭欄干一獨吟

廣陵覽卷二

古

摘星亭

卽迷樓故址

宋蘇轍詩闕角孤高特地迷迷藏渾忘日東西江流入海
情無限暮雨連山醉似泥夢裏興亡應未覺後來愁思獨
難齊只堪留作遊觀地看遍峰巒處處低

賞心亭

唐咸通中丞相李蔚移鎮淮南於戲馬臺西連玉鈎斜路
開闢池沼構亭臺以爲遊觀之地時浙右小校薛陽陶監
運度支米入城召與同遊問及蘆管之事陶因獻奏一曲

其管絕微聲如天際自然而來公大佳賞贈詩有云虛心
織質雁銜餘鳳吹龍吟定不如亭因以賞心名之東坡云
路失玉鈎芳草合卽其地也

變按白孔六帖作賞心樓

水亭

在城北隅

變按名勝志云唐獨孤及建以汎舟望月宴集賦詩後徐
知誥夜引宋齊邱於水亭置火爐相向不言畫灰爲字隨
卽滅去所謀甚秘人莫得知

廣陵覽古卷二

五

九曲亭 波光亭

宋藝祖破李重進駐蹕蜀岡寺有龍鬪於九曲池命立九
曲亭以紀其事後圯乾道二年郡守周淙重建易以波光
亭額已而亭廢池塞慶元五年郭杲命工濬池引注諸塘
之水建亭於上遂復舊觀又築風臺月榭東西對峙繚以
柳陰亦一時勝境也宋陳造有波光亭賦

竹西亭

舊址在禪智寺側取杜牧誰知竹西寺歌吹是揚州句命
名宋郡守向子固易爲歌吹亭紹興中燬郡守周淙重建

復舊名歲久圯廢復建於北岍皂角樹側

宋歐陽修詩十里樓臺歌吹繁揚州無復似當年古來興廢皆如此徒使登臨一慨然 梅堯臣詩結雨竹西若若川揚州歌吹似當年劉郎若向風前唱夢入青樓事惘然 蘇軾詩竹西失却上方老石塔還逢惠照師我亦化身東海去姓名莫遣世人知 呂本中詩十年走塵土重上竹西亭草木新榮態江山舊典型狂風掃毒暑落月伴疏星認取揚州路荒城一抹青

春貢亭

廣陵覽古卷二

夫

在蜀岡上蜀岡產茶甘香如蒙頂宋時入貢有春貢亭

宋歐陽修和劉原父春貢亭詩崑邱蒙谷接新亭畫舸悠悠春水生欲覓揚州使君處但隨風際管弦聲 梅堯臣詩蒙谷浮船穩且平泊登岡頂看茶生始從官屬二三輩時聽春禽一兩聲

無雙亭

一統志謂蕃釐觀內瓊花天下無雙宋歐陽修守揚州作無雙亭聞見雜錄謂宋郊構亭花側榜曰無雙未知孰是宋歐陽修無雙亭荅劉發運詩瓊花芍藥世無倫偶不

題詩便怨人曾向無雙亭上醉自知不負廣陵春 劉敞
無雙亭觀瓊花贈聖民詩東風萬木競紛華天下無雙獨
此花那有靈英凌暖日不爲琪樹隔流沙祠城寂寂春空
老江雨冥冥日易斜仙品國香俱妙絕少傾高興盡流霞
鑿按齊東野語云揚州后土祠瓊花無二本仁宗朝嘗分
植禁苑輒枯復載還敷榮如故淳熙中壽皇亦嘗移植南
內逾年憔悴仍送還之杜遊瓊花記謂紹興辛丑金人揭
本而去其小者剪而誅之明年根旁復生三葉道士金大
寧培護久之暢茂如故元至元十三年忽枯道士金丙以

聚八仙代之是兩移於宋一揭於金卒枯於元而瓊花之
種絕矣

斗野亭

在召伯鎮梵行院之側宋熙寧二年建揚州於天文屬斗
分野故名紹興元年郡守鄭裔更造於迎恩橋南嘉定間
崔與之改題曰江淮要津而移斗野扁揭於北門外
宋蘇軾次孫覺韻斗野亭詩落帆謝公渚日脚東西平孤
亭得心憩暮春含餘清坐待斗與牛錯落掛南甍老僧如
夙昔一笑意已傾新詩出故人舊事疑前生吾生七往來

送老海上城逢人輒自哂得魚不忍烹似聞續溪老復作
東都行小詩如秋菊艷艷霜中明過此感我言長篇發春
榮

玉立亭

在蕃釐觀內觀本古后土祠

宋嘉定中郡守崔與之任滿有辭后土祠題玉立亭詩天
上人間一樹花五年於此駐高牙不隨紅藥矜春色爲愛
霜筠耐歲華四塞風清天籟寂半庭月冷市塵賒臨行更
致平安福一炷清香十萬家

廣陵覽古卷二

六

時會堂

在蜀岡上乃宋時造貢茶之所

宋歐陽修和劉原父詩積雪猶封蒙頂樹驚雷未發建溪
春中州地暖萌芽蚤入貢宜先百物新 憶昔嘗修守臣
職先春自探兩旗開誰知白首來辭禁得與金鑿賜一杯

平山堂

在蜀岡法淨寺側宋歐陽修建

宋劉敞登平山堂寄歐陽內翰詩蕪城此地遠人寰盡借
江南萬疊山水氣橫浮飛鳥外嵐光平墮酒杯間主人留

賞來何暮遊子消愁醉不還無限秋風桂枝老淮王仙去
可誰攀 歐陽修和詩督府繁華久已闌至今形勝可躋
攀山橫天地蒼茫外花發池臺草莽間萬井笙歌遺俗在
一樽風月屬吾閒遙知爲我留真賞恨不相隨暫解顏

王安石詩城北橫岡走翠虬一堂高視兩三州淮岑日對
朱熹曲江岫雲齊碧瓦浮墟落耕桑公愷悌杯觴談笑客
風流不知峴首登臨處壯觀當時有此不 蘇軾平山堂
次王居卿祠部韻詩高會日陪山簡醉狂言屢發次公醒
酒如人面天然白山向吾曹分外青江上飛雲來北固檻

廣陵覽古卷二

九

前修竹憶南屏六朝興廢餘邱隴空使姦雄笑寧馨

鑿按宋慶歷八年廬陵歐陽修守揚州時建以南徐諸山
環拱望與堂平故名夏月修每宴客堂中走人召伯湖折
荷插壁命妓以花行酒載月而歸後糜師且才約周濂鄭
興裔趙師古史巖之先後修葺之張懷古沈括洪邁樓鑰
各有記

國朝

列聖臨幸欽頌

宸翰名山賢守遭遇殊榮矣

谷林堂

在蜀岡上法淨寺側宋元祐中建

宋蘇軾谷林堂詩深谷下窈窕高林合扶疎美哉新堂成
及此秋風初我來適遇雨物至如娛予稚竹正可人霜節
已專車老槐苦無賴風花欲填渠山雅爭呼號谿蟬獨清
虛寄懷勞生外得句幽夢餘古今正自同歲月何必書

董仲舒宅

明洪武間改爲今兩淮鹽運司公署見前董井

太傅謝安宅

廣陵覽古卷二

三

在府城運司治之南今謝太傅祠是也晉寧康間安鎮廣
陵居此手植雙檜至宋猶存

唐劉禹錫詩雙檜蒼然古貌奇含煙吐霧鬱參差晚依禪
客當金殿初對將軍映畫旗龍象界中成寶蓋鴛鴦瓦上
出高枝長明燈是前朝焰曾照青青年少時 張祜詩謝
家雙植本圖榮樹老人亡地變更朱頂鶴知雙蓋偃白眉
僧見小枝生高臨月殿秋雲影靜入風簷夜雨聲縱使百
年爲上壽綠陰終借暫時行 溫庭筠詩晉朝名輩此離
羣相對濃陰去住分題處尙尊王內史畫時應是顧將軍

長廊夜靜聲疑雨古殿秋深影似雲一下南臺別人世晚
泉清籟更誰聞

東嶽廟

今在新城洗馬橋舊在拱辰門外有高阜名太山者其故
址也

元成廷珪廣陵嶽宮黃籙壇詩濛濛雲氣濕霓旌小隊紅
綃鳳蠟明鸞鶴舞隨行道影魚龍出聽步虛聲淮南高士
青毛節句曲仙人碧玉笙一路天風吹不斷此身今夕在
蓬瀛

廣陵覽古卷二

三

關帝廟

在府城三元巷後武廟元馮子振作廟記蘇昌齡爲之製
起語趙孟頫書丹稱爲三絕碑

鑿按鹽法志云元馮子振在揚州作廟碑文起欲壯語而
構思未就蘇昌齡時甫弱冠代起云大丈夫忠憤不酬於
尺寸而廟食磅礴於九州功名不留於須臾而義烈感慨
於千古馮大喜足成之趙孟頫爲之書碑今在三元巷廟
壁間

司徒廟

在平山堂右搜神記云神五人異姓茅許祝蔣吳也又南史載揚州茅智勝等五人竊忠臣王琳之喪於陳送之建鄴後人謂卽五人事又傳五人約爲兄弟好畋獵地舊多虎五人捕除其害人思其德歿爲立廟隋追封司徒加侯爵宋紹定間李全寇揚州禱於廟不吉怒剖神像全奪敗走新塘衆磔殺之人以爲神之報也守帥趙范奏新其廟賜額曰英顯賈似道鎮揚州請加王號歷世靈爽頗著

露筋祠

在召伯鎮北三十里地與高郵分界祠祀高郵貞女宋紹聖元年十月米芾書碑立於祠歐陽修憎蚊詩有傷哉露筋女萬劫讐不復句舊志姓氏時代皆莫考

國朝乾隆丁丑壬午恭逢

高宗純皇帝南巡兩邀

宸翰

欽定露筋爲唐時烈女冰霜之操萬古增輝矣

鑿

按隨園詩話云高郵露筋祠說部有四解或云鹿筋梁地名也有鹿爲蚊所囓露筋而死故名或云路金者人名也五代時將軍戰死於此故名或云有遠商二人分金于

此一人忿爭不已一人悉以贈之其人大慚置金路上而去後人義之以其金爲之立祠故名路金訛爲露涇所云姑嫂避蚊者乃俗傳一說耳云云然歐陽文忠公爲大宋名儒亦主避蚊之說必有所據隨園之論借資博辨可也
梵行院

在召伯鎮河西今梵行教寺相傳晉康寧間僧行密建寶祐志作楊行密建或以僧名同楊誤傳宋時院有山茶東坡詩以紀之

宋蘇軾詩山茶相對阿誰栽細雨無人我獨來說似與渠渠不會爛紅如火雪中開

棲靈寺

在平山堂左乾隆三十年

賜名法淨寺舊有塔九級今無

唐李白秋日登棲靈寺塔詩寶塔凌蒼蒼登攀覽四荒頂高元氣合標出海雲長萬象分空界三天接畫梁水搖金刹影日動火珠光鳥拂璫簾度霜連繡拱張目隨征路斷心逐去帆揚露洗梧楸白霜催橘柚黃玉毫如可見於此照迷方 白居易詩半月騰騰在廣陵何樓何塔不同登

其憐筋力猶堪任上到棲靈第九層

鑿

按隋仁壽元年詔海內清淨處立塔三十所棲靈其一也後塔燬相傳空中見祥雲擁一塔而去有使自高麗回見一僧手擎一塔問之曰揚州棲靈寺塔也至揚而塔已焚又傳唐武宗時劉隱之遊明州夢汎海見塔東渡僧懷信立塔第三層與語謂暫送塔過東海後隱之歸揚訪懷信信曰憶海上相見否隱之了然省記不數夕而塔焚俱盡宋景德中僧可政復募金建塔七級名曰多寶郡守王化基爲請賜名晉惠旣而塔寺俱圯明萬歷間郡守吳秀

廣陵覽古卷二

寺

卽故址建寺崇禎中鹺使楊仁願修之

國朝卽塔故址增建僧寮殿閣恭迓

列聖臨幸寺本名利得此益壯煙雨樓臺之景色矣

法華寺

在召伯鎮東隋大業間建一名來鶴寺寶祐志作法華禪院周世宗征淮南駐蹕於此宋開寶中賜寺額內有銅鐘重千斤僧子惠募鑄

宋蘇軾銘其鐘曰無量智慧火燒此無名銅戒定以爲模鑄成無漏鐘以汝平等手執彼慈悲撞聲從無所出遍漏

無邊空

上方寺

卽禪智寺一名竹西寺在城北五里蜀岡上每天氣清朗南徐諸山蒼然襟帶間隋煬帝幸江都令合東西南北四寺爲一更名上方禪智寺寺內有石刻吳道子畫寶誌公像李白作讚顏真卿書謂之三絕碑又有蘇軾送李孝博詩石刻唐碑宋碣今並砌於寺東廊之壁

唐杜牧禪智寺詩雨過一蟬噪飄蕭松桂秋青苔滿階砌白鳥故遲留暮靄生深樹斜陽下小樓誰知竹西路歌吹

廣陵覽古卷二

五

是揚州 趙嘏和杜侍郎題禪智寺南樓詩樓畔花枝拂檻紅露天香動滿簾風誰知野寺遺鈿處盡在相如春思中 羅隱春日獨遊禪智寺詩遠樹連天水接空幾年行樂舊隋宮花開謝還如此人去人來自不同鸞鳳調高何處酒吳牛蹄健滿車風思量只合騰騰醉付與平陳一夢中 宋韓琦荅袁陟節推遊禪智寺詩春去惜餘景偶來郊外觀蕪城千古恨一顧殊悲酸荒祠枕大道尙記吳城邗遠近綠陰合水襯紅蕖殘隴麥齊若剪隨風轉波瀾罷農喜有望守臣心粗寬蕭疎禪智寺壞址不甚完叢花

亂芍藥籬竹摧琅玕空有亭亭柏成行如筆端供帳具朝
餽僚案成清歡小杜詩板暗樂石曾未刊乘興詣茶圃百
步登平巒摘焙試烹啜甘挹零露溥午過倦微暑隄路騰
歸鞍天子憂歲旱引咎古所難列郡承新詔朝夕弗敢安
況此行春意固不在遊盤朝廷責吏治莫若久其官政和
氣亦應災沴無由干願循三載舊庶幾酬素餐 蘇軾歸
宜興留題竹西寺詩三首十年歸夢寄西風此去真爲田
舍翁剩覓蜀岡新汲水要攜鄉味過江東 道人勸飲雞
蘇水童子能煎鴛粟湯暫借籐牀與瓦枕莫教辜負竹風
涼 此生已覺都無事今歲仍逢大有年山寺歸來聞好
語野花啼鳥亦欣然 米芾竹西寺詩竹西桑柘暮雅盤
特地霜風滿倦顏不用使君相料理都緣塵土蔽青山

白塔寺

在宜陵鎮東白塔河

唐顧况酬揚州白塔寺永上人詩塔上是何緣香燈續細
煙松枝當塵尾柳絮替蠶絲浮草經行遍空花義趣圓我
來雖爲法暫借一牀眠

華林寺

在城西北大儀鄉神僧傳云揚州華林寺內有張遼墓寺僧多爲鬼物惑亂元和中釋靈坦居之寂然無事

鐵佛寺

舊在縣西北堡城東本楊行密故宅光化間改爲光化寺宋建隆中於寺鑄鐵佛故名天聖間復爲光化寺寺有塔後塔與寺俱圯淳熙中重建於城北威烈王廟東今仍名鐵佛寺

宋韓琦鐵佛寺會僚友詩寺枕隋家廢苑邊登高還此會僚賢凭欄莫賦悲秋事剩撚黃花送酒船 誰言秋色不

廣陵覽古卷二

七

如春及到重陽景自新隨分笙歌行樂處菊花萸子更宜人 蘇轍題光化塔詩山頭孤塔闕真人云是僧伽第二身處處金錢追晚供家家蠶麥保新春欲求世外無心地一掃胸中累劫塵方丈近聞延老宿清朝留客語逡巡

秦觀次韻子由題光化塔詩古佛悲憐得度人應緣來現比丘身水流月落知何處花發鶯啼又一春方外笑談清似玉夢中煩惱細如塵老僧自說從居此卻悔平時事遠巡

按舊志云僧伽嘗現示於此釋徒所謂顯化第二處也

子由詩第一句卽此義

建隆寺

宋王禹偁有碑記事見前章武殿

宋梅堯臣建隆寺詩荒臺殘壘舊名邦曾說王師此受降
西漢衣冠拜原廟五天龍象護經窗蜀岡井味人猶品隋
帝宮基闕尙雙自古興亡不須問風鈴閒聽響幢幢 釋
參寥建隆秋夜詩梵唄聲沈香霧銷月明金殿影岩堯夜
深惟有龕燈在風露滿庭人寂寥 娟娟雲月照窗扉紙
帳行開夢覺時庭下風篁自成韻吹簫安用玉人爲

廣陵覽古卷二

六

龍興寺

一名龍興講院宋王觀芍藥譜序云花品舊傳龍興寺山
子羅漢觀音彌陀四院爲冠

宋韓琦和袁節推龍興寺芍藥詩廣陵芍藥正奇美名與
洛花相上下洛花年來品格卑所在隨人趁高價接頭着
處騁新妍輕去本根無顧藉不論姚花與魏花祇供俗目
陪妖姘廣陵之花性最高得地不移歸造化大豪大力或
強遷費盡壅培無艷冶東園固是花之主千苞萬萼從榮
謝似矯東君汎愛心狂殺春風不肯嫁遂令天下走香名

彷彿丹青競誇詫以此揚花較洛花自合揚花推定霸其
間絕色可粗陳天工着意誠堪訝仙家冠子鏤紅雲金線
粧治無匹亞旋心體弱不勝枝寶髻欹斜猶墜馬冰雪肌
膚一纈斑新試守宮明似赭雙頭兩兩最多情象物更呈
鞍面窳樓子亭亭欠姿媚特有怪狀堪圖寫見者方知畫
不真未見直疑傳者詐前賢大欲巧賦詠片言未出心先
怕天上人間少其比不似餘芳資假借我來淮海涉三春
三訪龍興舊僧舍問得龍興好事僧每歲看承不敢暇後
園栽植雖甚蕃及見花成由取捨出羣標致必驚人方徙

廣陵覽古卷二

完

矮壇臨大廈客來祇見軒檻前國艷天姿相照射因知靈
種本自然須憑精識能陶冶君子果有育材心請視維揚
種花者

蕃釐觀

卽古后土祠在大東門外漢元延中建唐高駢更崇大之
祠神肖女像本漢書所謂后土富媪也政和間賜蕃釐觀
額內舊有瓊花一株艷絕於世故又名瓊花觀

宋韓琦后土祠瓊花詩維揚一株花四海無同類年年后
土祠獨比瓊瑤貴中含霰冰芳外團蝴蝶戲茶蘼不見香

芍藥慚多媚扶疏翠蓋圓散亂珍珠綴不從衆格繁自守
幽姿粹嘗聞好事家欲移金轂地既違孤潔情終誤栽培
意洛陽紅牡丹適時名轉異新榮託舊枝萬狀呈天麗天
工借顏色淡淡隨人智三春愛賞時車馬喧如市草木稟
賦殊得天豈輕議我來首見花對月聊自醉

鑾按瓊花古未有稱至宋始盛傳多有謂煬帝因瓊花幸
揚州者於載籍無徵也齊東野語云花類聚八仙色微黃
而香甚宋景文筆記曰揚州后土祠有花名玉蘂王禹偁
愛賞之稱之曰瓊花尤延之全唐詩話又謂揚州有唐昌

廣陵覽古卷二

三

觀是以明洪武成化維揚志皆云蕃釐觀一名唐昌瓊花
一名玉蘂不知唐昌觀在陝西長安光業坊因唐昌公主
得名公主手植玉蘂康駢劇談載神女來遊事時王建白
居易等各有所詩此與揚州蕃釐觀遠不相涉然沿誤已久
卽東坡亦以瓊花爲玉蘂引用唐昌故實惟葛常之韻語
陽秋云瓊花天下無二本惟揚州后土祠有之其他皆聚
八仙花近似而非此足以破羣誤矣然瓊花所從來究皆
失考

玉鉤斜

在城西吳公臺下一名宮人斜乃隋葬宮人處

唐竇鞏宮人斜詩離宮路遠北原斜生死深恩不到家雲
雨今歸何處去黃鸝飛上野棠花

以上甘泉縣

廣陵覽卷二

三

廣陵覽古卷二終

男朝生校字



廣陵覽古卷三

江都顧鑾謝吟氏述

大銅山

在儀徵縣西北二十五里十道志云揚州有大銅山吳王
濞鑄錢之所又有冶山亦其地也下有鑪鞴遺跡

宋鮑照過銅山掘黃精詩土肪闕中經水芝韜內策寶餌
緩童年命藥駐衰歷矧蓄終古情重拾烟霧迹羊角栖斷
雲榭口流隘石銅溪晝沈森乳竇夜涓滴旣類風門磴復
象天井蹠蹠寒葉離濃濃秋水積松色隨野深月霧依

廣陵覽古卷三

草白空守江海思豈愧梁鄭客得仁古無怨順道今何惜

城子山

在縣北六里狀如城岡阜靡迤二十餘里西迎大江北走
天長宋兩京故道也魏文帝臨江觀兵築東巡臺於此

雞留山

在縣西名勝志云伍子胥旣得志欲報浣沙女而不知其
處乃留雞於此以祀之謂浣沙女葬此山也

小山

在縣西北十五里方輿勝覽云宋大中祥符六年京師建

玉清昭應宮擇地範鑄司天言建安軍西小山有王氣堪以鑄象及成迎奉赴闕詔卽其地建天慶儀真觀

鑿按九朝通畧謂建安軍自此陞爲州於州起儀真觀後遂名真州

橫山

在縣西三十五里與方了二山相鼎峙元魏於此置橫山縣山之陽有禪證寺梁天監中建相傳昭明太子讀書堂也僧神堅以爲太子院後黃巢兵過以刃加神堅不能動膜拜而去

廣陵覽古卷三

二

新城鎮

在縣治東十里元至元中移揚子縣治此今爲鎮土人喜植桃春花最盛

宋貢奎詩一雨淮南霽新城喜暫登江平流浩浩山遠路層層大舶連檣發高樓列檻凭北來殊覺久眼畏火雲蒸老鸛嘴

在城南宋德祐初元阿朮攻真州州守苗再成與戰於老鸛嘴敗績卽此地

歐陽戍

在城東北十里宋大明三年詔沈慶之討竟陵王誕慶之
進至歐陽齊延興元年蕭鸞使王廣之襲南兖州廣之至
歐陽遣部將先驅入廣陵梁太清二年蕭正表叛附侯景
景以爲南兖州刺史正表乃於歐陽立柵以斷援軍蕭會
理遣兵襲破之卽此地

珠金沙

在縣東南十里珠金里元將張宏範以兵船掠珠金沙及
宋將馮都統與元朮戰處文天祥詩我作珠金沙上遊是
也

廣陵覽古卷三

三

長風沙

在縣六都歐陽修集錢鏐傳載周世宗征淮南詔錢俶攻
李璟師渡江俶乃益兵使邵可遷以舟師出瓜步至長風
沙與周師會

白沙州

在城南卽白沙鎮齊建武初魏人南侵詔於白沙置一軍
長蘆分置三軍唐至德二年永王璘作亂其將馮季康奔
白沙降於李成式上元元年劉展據廣陵軍於白沙五代
吳楊溥如白沙觀樓船改爲迎鑾鎮周顯德五年周主如

迎鑾鎮至江口屢破唐水軍

靈潮堰

在城南運河西與新河接大中祥符間鑄金像成將迎赴京時潮水已涸而忽溢舟遂及岸因得以濟故名

建安渡

在縣西南

鑾按宋史建隆元年淮南節度使李重進據揚州帝親征拔其城遂命諸軍習戰艦於鑾江口南唐臣杜著偽作商人同薛良由建安渡來獻平南策帝疾其不忠誅之

廣陵覽古卷三

四

煉丹井

在縣西故儀真觀壇上井深百尺俗呼煉丹井東序有石刻天篆蓋帝所賜許旌陽詔書古松一株立殿陛百年物也

慧日泉

在天寧寺宋蘇東坡嘗於寺寫經名其泉曰慧日

賦詩臺

在城子山一名東巡臺相傳魏主丕立馬賦詩於此

白沙亭

建始於唐宋建於江北岸嘉定間知州方信孺卽注目亭
故址再建今皆不存

唐韋應物白沙亭逢吳叟歌龍池宮裏上皇時羅衫寶帶
香風吹滿朝豪士今已盡却話舊遊人不知白沙亭上逢
吾叟愛客脫衣且沽酒問之執戟亦先朝零落艱難却負
樵親觀文物蒙雨露見我昔年侍丹霄冬狩春祠無一事
歡遊洽讌多頒賜嘗陪夕月竹宮遊每返溫泉灞陵醉星
歲再周十二辰爾來不語今爲君盛時急去良可恨一身
坎壈何足云

廣陵覽古卷三

五

鸞鶴亭

在儀真觀

鸞按九朝通略宋大中祥符鑄金像時有青鸞白鶴景雲
盤繞之異乃爲亭以祀之

拂雲亭

在東園內見歐陽修記今梓潼墩其故址也

宋洪興祖詩黃雲收盡綠針齊江北江南水拍堤野老攜
扶相告語兒童今始識鋤犁

壯觀亭

在縣北三里北山之巔宋政和中郡守詹度建米芾書扁作壯觀亭賦及詩劉燾爲記紹興淳熙間廢而復建者再開禧後莽爲荒榛亭與石刻俱不可復識

宋米芾賦曰米元章登北山之宇徘徊四顧慨然而歎曰壯哉江山之觀也開闢夙古邈矣邈矣帝德所被北幽南趾王功未宣六合阻異明翳視其消長來叛從而間起去古無章水濱莫委此世所悼晉裂漢髦披榛刈莽且代且盜豈地具而天設特資獯而附暴者乎乃物偶然而人乘以智巧爾若夫真符秉中萬派朝宗稽顙納質不黷兵鋒

廣陵覽古卷三

六

版圖入而地合氛祲擴其天同遠琛近賈千里不風鑑滹一色折葦可通其或弱吹砌鱗疾森湧山九地出沒千峯上攢如嶺并亘連雲俱還長鯨齒巨天吳腹斑閨運未至生民道艱宜乎曹郎託詞以按甲怫鬱而永嘆也吾每登是宇覽是土當日杲天清嵐開練布邀太平君子引吳醇舞越女破千歲之長憂擲森然之萬古有杞初登山儀載旅至甚醉而去也

又詩云扶筇上瑤臺一笑領清絕如何夜來風獨下前村雪邀賓壯觀不辭寒玉立風神氣上千欲識謝公清興

處千山萬嶺雪漫漫

鑑遠亭

舊在潮閘西宋米芾書扁江流齧岸而廢乾道初知州張
郊建於水巷西淳熙末趙師龍更名曰注目建於城之西
南慶元中吳洪又建於頰江樓前仍曰鑑遠

谿陰亭

在縣東范氏園

宋蘇軾詩白水滿時雙鷺下綠槐高處一蟬吟酒醒門外
三竿日卧看谿南十畝陰

廣陵覽古卷三

七

天開圖書亭

舊在西城上宋淳熙中郡守姚恪建蓋取黃魯直天開圖
畫卽山川句爲名後因楚城亭廢以其名揭於頰江樓嘉
定間知州吳機別建於朝宗門外江濱揭以舊額又創水
竹喜涼漣漪聞凱轉幽五亭各繫七絕一首

宋吳機水竹亭詩一泓清水數竿竹消得詩人爲品題今
我公餘無俗事不妨領客暫提携 喜涼亭詩小亭新築
藕花邊爲愛陂塘五月天最好一番風雨過瓊枝無數落
清泉 漣漪亭詩回環流水漾清波一葉扁舟逸興多寄

語遊人恣觀覽豐年相與樂中和 聞凱亭詩調發今年
迥不同折衝果在笑談中若非制閫規模定安得兼全戰
守功 轉幽亭詩從容得樂興無涯地轉清幽亦可佳須
信居塵塵不染竹風飄拂爽人懷

鏡薌亭

元國信使郝經留儀徵所居之亭也

元郝經詩云薄薄輕雲似霧沉陰陰江氣冷侵人一庭芳
草留連客兩樹天桃斷送春檻外流鶯仍語巧梁間旋燕
又巢新東城欲伴西湖柳寒食中間入夢頻

廣陵覽古卷三

八

鑿按元中統元年郝經奉使告登位於宋居此
讀書堂

見前橫山

快哉堂

在子城東宋慶元中州牧吳洪經始後牧張頴成之取宋
玉蘭臺賦風之語宋陳造有記

張南史宅

南史字季直唐大歷間寓居儀徵今莫可考
唐郎士元贈張南史詩雨餘深巷靜獨酌送殘春車馬雖

嫌僻鶯花不棄貧蟲聲黏戶網鼠跡印牀塵借問山陽會
如今有幾人

孫學士宅

名錫江都人隨父遷家真州宅內有歸來亭

宋王安石歸來亭詩彭澤陶潛歸去來素風千歲出塵埃
明時儁老心無累故里高門子有才更作園林負城郭常
留花月映樓臺却尋五柳先生傳柴水區區但可哀

呂榮公寓宅

東萊詩話云崇寧末東萊公迎侍榮陽公居真州船場晁

以道赴官明州來訪公留連數日而去別後以詩寄公

鑿按東萊公者榮公子好問非伯恭也

東園

宋皇祐四年施昌言許元爲發運使馬遵繼爲判官因真
州廢營地爲之歐陽修記蔡襄書人謂園與記書爲三絕
久圯廢無考

宋蘇軾詩並序館寓東園一日睡起米元章冒熱到園急
送麥冬飲因賦此詩一枕清風值萬錢無人肯買北窓眠
開心暖味門冬飲知是東坡手自煎 黃庭堅病起游東

園詩主人心安樂花竹有和氣時從物外賞自益酒中味
劇枯蟻改穴掃籜竹迸地萬籟寂中生乃知風雨至
變按舊志云在漕臺東翼城內是爲今之東門內也明隆
慶初知縣申嘉瑞建東園書院在今資福寺東萬歷中歐
陽照欲復東園得小教場地建屋三楹石刻東園二字於
壁今亦久廢

新園

廣陵覽古卷三

十

宋職方朱廷臣築今失其址

宋梅堯臣詩青蔥江上樹杳靄宮前道道側有新園園中
無惡草松隴方在望茅屋聞已考朝廷正急才何得言歸
老

梅園

在縣西十五里內有古意亭宋嘉定間州牧吳機建
宋方信孺詩十里低平路千株雪作堆不須驅小隊祇伴
一筇來

崇因永慶寺

在北山上宋靖康初丞相吳敏請爲功德院後徙於城內
元大德間復徙還故址亦稱北山寺後有池深莫測相傳
爲龍湫西南有白蓮泡花開時香遍北郊人謂之香國俱
久淤廢

宋王令北山寺詩上人合動山間興吾恨衰遲學謝安約
屐操筇那有限吹雲落雨謾無端先憑報信春枝動預想
分題雪屋寒林下不諳人世苦笑將霜髻與君看

儀真觀

解見前小山並鸞鶴亭

廣陵覽古卷三

十一

宋張舜民留題儀真觀詩聞說仙鄉接瀨鄉閑遊詩侶禮
虛皇三朝寶派通前浦萬葉靈杉蔽蜀岡天地杳冥供寫
像江山回合助靈祥五雲送入蓬萊島留與人間作道場

鑿

按陸游入蜀記云初問儀徵觀在城南里許方怪與國
史異及歸往游則信城南也有老道士年七十餘出迎自
言能述儀真本末云舊觀在城西北小山之麓祥符所鑄
乃金銅像每座高三丈以黃麾全仗道門幢節迎赴京師
皆與國史合故當時樂章曰范金肖像申嚴奉宮館狀翬
飛萬靈拱衛瑞烟披堤柳映黃麓又言賜號瑞應福地則

史所不載也今所謂儀真觀者昔黃冠入城休憩道院耳
按此觀在小山者與方輿勝覽九朝通略同而在城南里
許者非

宋屯田員外柳耆卿墓

舊志云在儀徵縣西七里近胥浦橋

鑿按王士徵詩云殘月曉風仙掌路何人爲弔柳屯田其
所著分甘餘話亦云柳耆卿卒於京口王和甫葬之今儀
徵西地名仙人掌有柳墓則是葬於真州非潤州也然仙
人掌在郡城西十里儀徵四郊無此名不知王何所據也

廣陵覽古卷三

三

以上儀徵縣

神居山

在高郵州西六十里新安村高二十五丈周十五里

宋陳造次韻楊宰遊神居山詩峯頂留雲一鷺翥山腰涵
碧老蛟蟠鯤鵬翻海十洲近江漢分流三楚寬曾得乘閒
上埃靄小留舒嘯倚高寒想君緩憇雙鳧不羨冲霄吳
彩鸞

鑿按輿地廣記云謝安曾煉丹於此又云南齊亘公嘗結
庵此山煉丹種藥歲久仙去方輿紀勝云山有排牙石人

欲數之自始至終其數必增自終而始其數愈甚竟無能
知其數之的者南兗州記云山頂有石井石曰井大可五
尺深倍之一名石塘水清冽大旱不竭舊志云山頂有爽
氣每遇二八月間則見見時望五十里外如鏡行人鬚眉
城中西墪磚縫皆可睹

三塚鎮

在城東四十里宋建炎中金人攻楚州詔通泰鎮撫岳飛
援之飛屯軍三塚鎮爲楚州聲援及敵至三戰三捷卽在
此

北阿鎮

在城西北八十里亦曰三阿東晉嘗僑置幽州於此太元
四年苻秦將俱難彭超圍幽州刺史於三阿去廣陵百里
謝元自廣陵馳救難超戰敗退保盱眙卽在此

宋陳造次宿北阿詩聞道籃輿去遙岡復近阿詩應弔孝
逸碑或贊頭陀靜者官餽口公朝禮作羅憐君日阡陌塵
土撲陰何

鑿

按元和郡縣補志高郵縣有下阿溪引通鑑光宅元年
九月徐敬業聞李孝逸將自潤州回軍拒之屯高郵之下

阿溪今陳詩有詩應弔考逸之句是北阿卽下阿溪也
界首鎮

在城北六十里與寶應分界

元薩都刺過界首驛詩清氣撲人湖面水幽聲到耳樹頭
風人家蠶老櫻桃熟恰是淮南四月中 平湖過雨天開
鏡落日放船人打魚野老柳陰沽黍酒行人馬上得家書
嵇莊

在城東南十五里宋末嵇聳保聚於此鄉人從義不肯背
宋也

廣陵覽古卷三

古

宋文天祥詩小泊嵇莊月正弦莊官驚問是何船今朝哨
馬灣頭出正在青山大路邊

丁村

在城南卽丁志村宋德祐二年揚州圍久食盡州將姜才
聞高郵運米將至出步騎與元軍戰於丁村潰還卽此

新開湖

在州西北三里東南通運河凡天長縣以東諸水匯此而
達於淮湖長濶一百五十餘里晴霽則水光澄澈或風雨
則洪濤洶湧多損舟楫

宋楊萬里過新開湖詩遠遠人烟點樹梢船門一望一魂
消數行野鴨數聲雁來爲湖天破寂寥

甓社湖

在州西三十里宋孫莘老家湖陰夜讀書覺窗明如晝循
湖求之見大珠其光燭天是年莘老登科王觀揚州賦云
馳甓社之湖兮夜駭乎明珠之光怪卽指此

宋黃廷堅呈孫莘老詩甓社湖中有明月淮南草木借光
輝故應剖蚌登王府不若行沙弄夕暉 楊萬里詩爲愛
湖中似掌平忽逢巨浸却心驚怪來萬頃不生浪凍合五

廣陵覽古卷三

五

湖都是冰碧玉湖寬容我到白銀地滑沒人行茲遊只道
清無價清殺詩人老不勝

平阿湖

在州西八十里通天長縣桐城河

元薩天錫詩秋風吹白波秋雨敗鳴荷平湖三十里過客
感秋多 雨濕鼓聲重風勻湖面平官船南北去帆影掛
新晴

五湖

在州西六十里平阿東村通桐城河

宋黃魯直詩九陌黃塵烏帽底五湖春水白鷗前扁舟不爲鱸魚去收取聲名四十年

玉女井

在州西南迎仙橋東郊公與女鍊丹處宋蔣之奇詩郊家女子已仙去尙有故井存通衢卽指此

淮春樓

名勝志云州西北城樓也宋郡守趙不慚建

宋陳造淮春樓落成詩步帳高牙置下方華筵雲影入風裳西山爽氣珠簾外北海芳樽錦瑟旁賓主前聞無勝事

廣陵覽古卷三

六

簪鈿明日賸餘香一天和氣誰拘檢付與邦人作醉鄉

文遊臺

在城東二里宋淳熙初王訥起其廢嘉泰三年吳鑄重新之開禧中復圯慶元戊午州牧張革重建應武爲記

鑿按輿地紀勝云宋蘇軾昔過是邦與孫覺王鞏秦觀會

集於臺上州牧名其臺曰文遊以紀其盛李伯時作文遊

臺圖刻之石

釣魚臺

名勝志云甓社湖西有釣魚臺舊傳宋熙寧中有道人於

湖濱築臺朝夕垂釣自言有二大魚自西來潛入此水當
爲釣之以免生民害

華胥臺

在州治東衆樂園後

宋楊蟠詩歌舞飄飄百尺臺半天龍麝散香煤初愁翠袖
凌風去却駭飛綃下月來雲杪一聲聞玉笛露華千點落
金杯我緣衆樂狂方盛園鎖從教日日開

雲峰臺

在州城西

元成廷珪詩雲峰臺上今宵月奇絕平生在此行天水光
搖秋萬頃星河涼轉夜三更謫仙被酒騎鯨去遊女吹簫
學鳳鳴明發星槎上河漢定傳詩話到蓬瀛

神遊臺

在州境里址未詳

元周北山神遊臺詩淮南古奇勝瀟漫雲水麗郵城枕其
中喧喧擁闐闐壯覽城之臯飛臺翼雲際濼濼白銀盆沉
沉水晶界玩心神明表引與天地外把酒一憑欄天風落
襟袂懷哉淮海翁落日爲三醉

天壁亭

在新城多寶橋西宋時建秦觀詩有云粘天四無壁因以天壁名亭

玩珠亭

在樊良鎮沈存中筆談云甓社湖有一珠甚大初微開其房光自吻中出如橫一金線俄頃忽張殼其大如半席珠大如拳白光似銀爛然不可正視十餘里間林木皆有影如初日所照行舟至此往往維數宿以待因起玩珠亭於岸邊

九里亭

在北門外九里

宋楊萬里過九里亭詩水渚纔容足漁家便架椽屋根些子地簷外不勝天岸岸皆垂柳門門一釣船五湖好風月乞與不論錢

高沙館

在州西南州號高沙因以名館卽信國監司之行衙也宋文天祥曉發高沙館詩曉發高沙卧一航輕烟漠漠水茫茫舟人指點荒村外南北今年幾戰場

瞻衮堂

在北城上宋紹興四年都督丞相張浚撫臨侯衛次於淮東時人因以瞻衮名堂

豐瑞堂

宋郡守王訥建

宋楊蟠詩吏隱孟城九十旬豐年日日是佳辰五千芍藥齊教放何處揚州更覓春

鑿按輿地紀勝云堂以芍藥得名淳熙三年夏四月郡圃芍藥一枝五色時郡守王訥名其燕寢之堂爲豐瑞仍作

廣陵覽古卷三

九

五花圖於上

秀野堂

州郡圃內舊有是堂宋慶元間州牧吳鑄修建

鑿按陳造秀野堂記略曰池荷動而儵魚舳木蔭濃而鳥鳥樂北垣挺竹千箇微風披拂舞翠幢而嘯饑鳳儼乎坡仙所謂秀而野也

四達齋

方輿勝覽云高郵使君趙晦之作齋東圃戶牖四達因以名之

眉山蘇軾爲之銘曰有藏於中必謀於外惟慢與謹皆盜之誨孰知此間空洞無物戶牖開闔廣焉四達擊去盜易使無盜難我無可攘以守則全趙侯無心得法赤溪四出其齋以達民迷

衆樂園

在州治東一名東園宋朝會要云元祐元年詔復州爲軍賜帑金葺軍治兼修衆樂園經始於州牧毛漸落成於後牧楊蟠蟠於園內起堂臺亭閣一二所自爲記並繫以詩

郡圃

廣陵覽古卷三

三

卽衆樂園明一統志云內有夢草亭宋人詩云今日池塘見春草永嘉精魄獨依然

齊亘公廟

在神居山舊傳南齊時有亘姓者菴於此山煉丹種藥昇仙而去後人立廟祀之

樊良廟

在州北樊良溪邊俗傳爲樊噲張良廟廟有二像一稱侯一稱真人其由來皆不可考

康澤侯廟

在州西北十里湖中洲上俗呼爲耿七公廟相傳侯姓耿名裕德東平人或云以女歸州之茆氏來遊或云卽茆氏甥死而棲神湖中屢顯靈異嘗夜懸燈於波濤洶湧間爲人拯溺捍患遇旱潦疫厲蟲蝗禱之立應宋哲宗時肇建立廟加封號焉明宣德中平江伯陳瑄奏請始入祀典

四賢祠

在文遊臺上祀宋蘇軾孫覺秦觀王鞏又有四賢堂祀孫覺秦觀喬執中朱壽昌見舊府志

宋王磐四賢祠詩誰排閭闔借天風滿地塵埃一洗空萬卷文章光海嶽千年神爽積鴻濛蘭亭舊逸浮雲外甓社濃春細雨中一瓣心香初奠罷倚闌呼酒送飛鴻

紹興三鉅公祠

在州廨西祀宋張浚韓世忠岳飛宋寶慶初郡守戴桷創建

鑾按建炎時巡留蹕吳會淮左爲畿甸藩翰高郵爲淮右

心膂審伸縮察虛實者必盡心於此故張忠獻越江督師憑高寄懷有鷹揚徐郵電掃雲朔之志則瞻袞堂其徙倚之地也韓忠武馘黠寇之首矜僞劉之兵域土峙糧則郡

城其版築之遺也岳忠武親援丈矛靖忠報國土名三塚
則其結寨之址也後戴桷守是邦爰於解西築祠祀之並
爲記

醴泉寺

在州舊城西南或云卽光孝寺寺有醴泉井故名宋秦觀
有開堂疏

張墩寺

在塘下村宋大觀間建

宋王磐詩幾年傳偈到空門今日來叅老法髡流水五湖

廣陵覽古卷三

三

清入寺白雲千古結成墩欲將詩話咀禪味願借機鋒斷
俗根古衲向予輕一指潭中水月淡無痕

乾明教寺

在中市橋西宋淳熙間建

宋陳造遊乾明寺詩竹風清如水浣我塵埃顏老禪貧無
錐小破蔬筍慳短轅下鴟夷共此半日間住筆訊鶯燕把
杯屬江山老夫病止飲苦語澁莫刪揆予郊島輩着君季
孟間江柳未遽折園花且同攀後夜短亭夢漫寄東風還

天王禪寺

在新城遐觀橋東宋淳熙間建明自洪武景泰中皆增修之壯麗稱江左巨刹嘉靖時倭寇燬之香聞數十里火三月不滅

鑿按志載寺有吳道子畫觀音像曾爲盜竊渡江病作夢大士斥之盜懼復送還寺

五百羅漢院

在州南焦里村宋時建一名華龍寺

宋秦觀爲五百羅漢圖記曰五百羅漢圖一軸入定於龕中者一人蔭樹趺坐而說法者一人左右侍聽者八人說

廣陵覽古卷三

三

經者六人課經者六人課已而收經與誦而倚杖者各一人環坐指畫而議論者塵揮手杖支頤相嚮而談者各六人歸依寶塔者五人和南合坐者六人稽首舍利光者八人飯餓鬼者四人食烏鳶者施魚鼈者各五人雲升者六人指現五色光者鉢現白光者泉湧於頂者火燃於踵者袒而洗耳金環手隨求而立者各一人受齋請者七人受龍女珠獻者六人受兩猊花獻者四人受往生花獻者七人受衣冠從三牛謁者五人受胡輪贖者七人受胡從兩橐駝而致琛者四人受海神跪寶者五人騎龍者跨虎者

乘馬者象駕者獅子馭者各三人爲犀說法者一人後座者三人植錫而座巨蟒上者一人背樹矚山鵲者六人注猿升者仰鳳集者閱麋鹿者各四人俛伏獬者翫舞鶴者各五人擷菑者一人從後者五人書蕉葉者五人持蕉葉而涉筆者二人焚香而茗飲者六人臨流而滌鉢者三人滌已而持歸者一人浣衣者就樹絞衣者浣已而歸者將浣而進者隔岸而覘者各一人洗屨者後洗而納屨者振衣而去者各一人削髮者爲削髮者沐而待者解衣者旣解收衣者各一人補毳者二人操刀尺者一人治綫者

廣陵覽古卷三

十四

三人泉涌於石遠近而觀者十六人度石梁者三人欲度者四人行杖錫者二人導者二人贊者三人芒屨擔簦而歸者三人束裝而行者一人或坐或行或立踟躕欵欠杖拄筥負數珠白紉山曲水隈塗觀而卒遇者十八輩合一百二十有三人或坐或行或立背樓觀憑欄楯據危迫險俛瞰仰睇直視轉盼側睨旁顧近相目遠相望者二十八輩合一百三十九人凡羅漢五百人而佛處其中焉佛之旁又有寶冠珠絡持如意執蓮花座猊象者菩薩二右袒徒跣曲拳和南而後侍者弟子十瞻贊而前謁者十六甲

冑椎髻挺劍秉鉞立左右者善神二別三十有一焉又童子有抱經室主茶奩荷策持瓶典湯徹器凡十有六鬼有馭龍馭馬象受施食送齋書鱗身鳥味衣短後隱樹而窺者凡十有四雜人物有白衣胡跪獻花香珍怪衣冠而謁驅牛以從載犀象挈筐篚而進被甲服弓矢愕而瞻歎者凡十有九鳥獸有鳳鶴鵲烏龍虎犀象獅子馬牛橐駝蟠蟒戲猓猿獠大小四十有三然以羅漢爲主故號五百羅漢圖世傳吳僧法能之所作也筆畫雖不甚精絕而情韻風趣各有所得其緜密委曲可謂至矣昔戴逵常畫佛像

廣陵覽古卷三

三

而自隱於帳中有人有所藏否輒竊聽而隨改之積數年而就余意法能亦當研思若此然後可成非率然而爲之決也余家旣世崇佛氏又嘗覽韓文公畫記愛其善序事該而不煩縟詳而有軌律讀其文恍然如卽其畫心竊慕焉於是倣其遺意取羅漢佛之像而記之顧余文之陋豈能使人讀之如卽其畫哉姑致叙之私意云爾元豐二年正

月十五日

以上高郵州

陽山

在興化縣西四里楚令尹昭陽食邑於此歿葬其下因以
名山

孤山

在縣東南七十里以縣境皆水獨此一山最高因名

芙蓉鎮

在城東北三十五里元至正十四年董搏霄戍鹽城興化
勦大縱得勝兩湖賊巢卽其地築芙蓉砦賊入輒迷故道
盡殲之自是不敢復犯卽此地今爲鎮

陵亭鎮

廣陵覽古卷三

三

在城南三十五里唐大順元年朱全忠將龐師古略淮南
下天長高郵引兵深入與賊將孫儒戰敗於陵亭乃退
得勝河

在縣東十里古名率頭湖宋建炎中張榮賈虎孟威鄭握
率山東義軍由梁山泊與金人轉戰南下至承楚間榮以
舟師設伏揜擊金將於率頭湖大敗其衆因更名得勝湖
大觀圖經又載湖心有潭白龍居之

平望湖

在縣北二里因湖四方平衍故名

鑿按古志云中有古墓有人於湖中得一劍屈之首尾相就識者曰此繞指柔也

南溪

在縣南半里許宋范仲淹築滄浪亭於此有南溪馴鶴詩
蓮花六十四蕩

在縣東南半里許自蘆洲接得勝湖紅蓮彌望浩無涯
極一縣奇觀後被洪水所損

旗干蕩

在縣東十三里蘆洲之南宋岳飛駐師於此

捍海堰

卽范公堤在縣東一百二十里與泰州相接唐黜陟使李承創築宋開寶中知泰州王文祐增修後圯天聖中范仲淹監西溪鹽倉議更築發運副使張綸上其事且自請知泰州以仲淹令興化董修築之役越三年堰成障蔽潮汐民得安居農事鹽課兩受其利因稱爲范公堤淳熙初待制張子正加修元興化令詹士龍復請發九郡人夫大加修築自通州呂四場迄於鹽城廟灣場亘三百餘里先是得仲淹石記上鐫遇詹再修至是乃驗明成化中又修我

朝疊沛

皇恩軫念蒼黎發帑修築永慶安瀾矣

濯纓亭 滄浪亭

俱在舊稅務前宋天聖間知縣范仲淹建

宋范仲淹詩素心愛雲水此日東南行笑解塵纓處滄浪無限情 滄浪清可愛白鳥檻中飛不見遊京洛風塵戀客衣

文會堂

在南津里范仲淹建一時學者雲集如滕子京查道許元

廣陵覽古卷三

三

周孟陽諸賢皆遊於此

鑿按秦州亦有文會堂則滕子京所建而文正嘗唱和有

詩

仲二舍人宅

在縣西北十五里仲家河名勝志云仲氏兩舍人世掌絲

綸縣北界鳳凰河因之得名

鑿按舊志云仲氏死於亂軍宋太祖以銀裝首葬之爲疑冢十餘處今縣治長安鄉墓址尙存

昭陽廟

在縣治西陽山祀春秋時楚將昭陽一名山子廟

鑿

按昭陽楚昭奚恤之後也戰襄陵有功裂海濱地爲食邑歿而葬於城西之高阜後人遂以陽山名之而並立廟焉

三閭大夫廟

在縣治東祀楚屈原年代無攷

蘇秦廟

舊在橫塘涇年代無攷

東廣福教寺

廣陵覽古卷三

三

在縣東北唐元和間建

鑿

按志載明嘉靖間寺火佛腹中有紅紙凌烟而出則建寺時塑像疏也殿脊上有小鐵塔相傳吳越王錢宏俶所造

木塔寺

在縣東鄉六十里唐長慶間建寺有古梅人以其花之盛

衰占歲豐歉

西寶嚴教寺

在縣西迎恩里碑目云興化舊縣治寶嚴院中塔基甃石

俱有鐫刻爲唐大順九年物寺尙存

開元觀

在縣治大街來范里卽華陽洞天別業唐大歷間建元至正中兵解其殿之左柱有血流出又水火二神現示殿脊乃止

蓮花雙塚

在安仁鄉年代失攷

按舊志云舊傳有姑嫂共刈稻姑墮深溝中嫂急拯之俱溺死葬於溝側築二邱焉墓上忽各生蓮花里人驚異

啟棺視之花皆從口出人稱蓮花塚

以上興化縣



廣陵覽古卷四

江都顧鑾謝唵氏述



雲山

在寶應縣西南一百二十里侯村鄉高十八丈長二里上有白龍潭水四時不竭潭後有白龍廟廟西有仙人寺仙人洞長十二丈廣八丈有門可容人行山下雲起卽雨澤滂沛故名雲山

白田舖

古鎮在城南十里

廣陵覽古卷四

唐李白白田馬上聞鶯詩黃鸝啄紫葢五月鳴桑枝我行不計日誤作陽春時蠶老客未歸白田已縲絲驅馬又前去捫心空自悲

汜光湖

在縣西南十五里

宋楊萬里詩雨裏樓船卽釣磯碧雲便是綠蓑衣滄波萬頃平如鏡一隻鷗鷺貼水飛 天上雲烟壓水來湖中波浪打雲回中間不是平林樹水色天容拆不開

精湖

在縣南六十里水通運河及汜光湖

鑿按三國魏志黃初六年魏主自廣陵還至精湖水涸船滯卽此地

射陽湖

在縣東六十里湖東屬鹽城西至固晉屬山陽東至上射陽屬寶應唐大歷三年與洪澤並置官屯後以所收歲減並廢

宋范仲淹詩渺渺指平湖烟波入望初縱橫皆釣者何處得嘉魚 元薩天錫詩飄蕭樹梢風浙瀝湖上雨不見打

廣陵覽古卷四

二

魚人菰蒲雁相語 霜落大湖淺漁家懸破罾此時生計別小艇買秋菱

鑿按元和郡縣補志引太平御覽百六十九云廣陵王胥有過其相勝之奏奪其射陂草田賦與貧人張晏曰射水之陂在射陽縣卽此

白水塘

在縣西八十五里一名白水陂

鑿按三國魏志鄧艾鑿塘屯田積穀以制吳人曾溉田一萬二千頃宋元嘉中決塘水灌魏軍南唐時大興屯田楚

州刺史田敬屢請修塘不果宋嘉定六年朝議欲復濬治
下本州相度事未及行後遂淤淺

黃浦堰

自黃浦至界首長八十里卽李吉甫所築平津堰相傳吳
王渙置以捍鹽通商今廢

嘉定橋

舊名孝仙橋在縣東跨市河唐尉遲恭建宋嘉定間改今
名

廣惠橋

在儒學東跨市河唐尉遲恭建

瑞芝橋

在東門內宋元豐三年建時產芝五莖因名

石鼈城

在縣西八十里

鑿按方輿紀要云魏鄧艾築以營田晉永和中荀羨鎮淮

陰屯田於石鼈北齊乾明初蘇珍芝議修石鼈等屯歲收
數十萬石淮南軍防足食後周置石鼈縣隋初廢入安宜
安宜寶應故名又太平寰宇記邑有石鼈山產石鼈因名

金牛城

在縣東南十五里孝義鄉宋熙寧間王將軍築

鑿按城冢記云此城土色正黃形似牛故名

韓王城

在縣東南四十里射陽陂陰相傳宋紹興中韓世忠鎮淮

陰時築

八寶亭

在縣西南唐上元中尼真如於縣地獲寶以獻肅宗爲之
改元後人因侈其事以名亭

廣陵覽古卷四

四

鑿按唐刺史鄭輅寶應錄云肅宗上元三年楚州刺史崔

侁表安宜縣尼真如以天賜寶玉十三枚獻詔改安宜縣
爲寶應縣

雙烈士祠

在縣城西祀漢東郡太守臧洪東郡丞陳容

齊興寺

在磨旗墩南唐保泰間建宋乾德中賜額梁武帝曾讀書
於此

靈芝寺

在孝義鄉宋紹定間因產芝建寺

龍竿院

在射陽鎮唐大歷間建初名文殊院院有竹成龍形遂易名或作龍竿寺

甫里院

在侯村鄉唐天祐間建屹立湖中望之如孤嶼相傳水溢則浮

蜺墟院

在永寧鄉唐太和間建有塔高二丈

廣陵覽古卷四

五

漢袁術墓

在縣治南三百步墓門舊有碑鐫漢時衣冠人物甚工今不存

魏司空軍諮祭酒陳琳墓

在縣東六十里射陽村

唐溫庭筠過陳琳墓詩曾於青史見遺文今日飄零過古墳詞客有靈應識我霸才無主始憐君石麟埋沒藏秋草銅雀荒涼鎖暮雲莫怪臨風倍惆悵欲將書劍學從軍
以上寶應縣

泰山

在泰州治西城內宋紹興十年開東西市河壘土而成因以州爲名登山四望距城百里舉在目前京口諸峯隱約可見寶慶二年州牧陳垓浚山下湖礫爲往來泊舟之次祀胡瑗於山左明萬歷中兵備舒大猷建岳武穆廟於山巔以飛嘗知泰州故特祀焉

天目山

在州治東四十五里寰宇記作六十里高二丈三尺周二百三十步有雙井如目相對因名舊傳東晉道士王冶嘗

隱此山昇舉時藏靈寶五符杖履水襪隱形帽於井封鏽甚密宋元豐二年發運使蔣之奇致禮請禱開右井得鹿角數十丈又獲金龍七玉璧三十六有仙翁手植披頭皂莢合抱匠者睨視則山怒木嘯

鑿按明胡紉天目山記又謂仙翁居山日有五色鹿產女於山左草莽中聞啼聲往視之見鹿乳焉因挈之菴鹿日凡三至女七歲造鹿女臺居之仙翁飛昇後女欲南渡邑人餞之橫浦云後百年復來履江水而去景雲二年十一月山忽鳴吼聲聞遠邇乃敕遣天台女道士王妙行行名

山大川洞天福地投金龍玉璧王妙行卽鹿女計百年矣
又唐永徽中有道士楊文稜預言逝期又有王元真絕粒
五十年至八十四逝就窆空棺隻履皆在天宇七年賜額
興安觀元豐二年蔣之奇開右井得鹿角等物與通判何
琬等重治堂廡百餘間具以聞賜額集真觀宣和七年邑
民顧仲文治殿基得丹爐鼎著其土赭赤服之愈疾

羅浮山

在州治西北五里高一丈周一里七十八步在藪澤中洪
水不能漫遙望如羅浮故名

鳳山

在海安鎮高三丈周百步山前谿路環繞傍山爲橋有鳳
形焉故名

駱駝嶺

在州治西南登仙橋平地隆起如駱駝形建千戶所於上
海安鎮

在城東百二十里南北朝戍守處也陳大建五年師克齊
海安城唐景龍二年置海安縣開元十年省入海陵明初
徐達攻江北駐軍海安尋進圍泰州使孫興祖畱鎮於此

以斷賊援軍相傳常遇春於此築城嘉靖時倭亂巡撫唐順之亦於此築土城今皆圯

港口鎮

在城北十八里

宋文天祥詩王陽真畏道季路漸知津山鳥喚醒客海風吹黑人乾坤萬里夢烟雨一年春起看扶桑曉紅黃六六鱗

雞雀湖

在州東北五十里昔多雞雀飛集因名

廣陵覽古卷四

八

包家湖

一名包老湖在州東北四十里清而無滓雖與他水會而澄澈不雜挈壺氏常以此水供滴漏焉

小西湖

在州治泰山下宋紹定二年州牧陳垓重濬周一百八十七丈爲長堤植芙蓉桃李彷彿如西湖云

太子港

在州西南登仙橋古市河之西梁大同間昭明太子同邵陵王綸由此港往天目山宋嘉泰間州牧陳茂英重濬今

淤塞

藕花洲

在州治圃內宅堂之旁舊爲水村茅茨十間環水植蓮宋
紹興十年州牧王喚建嘉泰三年牧陳茂英撤而新之爲
屋三間跨小橋以渡寶慶間牧陳垓重修

唐灣

在州東三十里宋文天祥早發泰州詩驚傳趕馬在唐灣
卽此地

蝦子灣

廣陵覽古卷四

九

今莫詳其處

宋文天祥過泰州蝦子灣詩飄篷一夜落天涯潮濺清沙
日未斜好事官人無勾當呼童上岸買青蝦

賣魚灣

亦莫詳其地

宋文天祥賣魚灣詩風起千灣浪潮生萬頃沙春紅堆蟹
子晚白結鹽花故國何時信扁舟到處家狼山青兩點極
目是天涯

太保潭

在州治西北隅廣袤數頃大旱不涸南唐保大中刺史郭載鑿以禦北兵太保其簡校官也

伏龍橋

在州西南舊傳宋太祖從周世宗兵至泰州避難橋下及太祖受禪遂名今僅存片石

宋方岳詩十勝街前事君王勇未消空餘一片石猶記伏龍橋

金蘭橋

在太子港相傳梁昭明太子同邵陵王綸建

廣陵覽古卷四

十

二小橋

在州堂後藕花洲中

宋曾致堯詩最愛碧池好平橋西與東烟中兩飛鵲波上二長虹偃蹇形相照浸淫路盡通晚來吟詠處徧歷思無窮

蓋湯橋

在州東三里相傳宋太祖兵至泰州民有獻蓋湯者啜而甘之遂名

七星井

井有七布列如斗形一州治東二里東禪寺前一州治西門內一州治東門內萬壽宮側一州治西市河之側一州治北歌舞巷內一州治北三里北山寺內卽卓錫泉一州治北五里祐聖觀中

鏡香井

在州儒學學正廳東宋井也湮廢已久正德間學正陳琦重濬得舊井欄上有文曲井三字

王仙翁井

在天目山解見前

廣陵覽古卷四

十一

卓錫泉

在州北開化院中卽今北山寺此七星井之一也

鑿

按唐寶歷間王屋禪師自蜀來駐錫開化寺臨化思飲蜀水令徒以錫杖卓後園中須臾泉水遂溢或云此泉與揚之蜀岡通

望京樓

在郡圃內宋咸平中州牧曾致堯建

曾致堯詩望京樓上望望久思躑躅境土連江徼人家匝海隅隈山川隱映負郭水縈紆雨過風生檻潮來岸浸蘆

雲昏迷候館樹闕辨溪湖烟暝藏汀鷺雲繁失廟烏浦遙
帆片小村迴笛聲孤輾轉觀風部徘徊想世途身爲州郡
主心在帝王都際會逢堯歷歡榮荷禹謨便當思慄慄敢
不盡區區冉冉年華至悠悠夕照徂常時思玉闕每夜夢
金鑪幾坐晚衙去重簷罷倚扶

清風樓

在舊治內一名清風閣一名清風堂方輿勝覽云自五代
時壘石爲山翼以兩徑爲登陟之所中爲滑石峻臺樓峙
臺上

廣陵覽古卷四

三

宋曾致堯詩樓號清風頗覺清玉壺冰室漫傳名並無塵
土當軒起只有松蘿繞檻生秋似玉霜凝戶牖夜宜素月
照檐楹我來滌慮搜吟坐惟恐蓼蓼暮鼓聲

景范樓

在迎恩門內范仲淹舊行衙也

起雲樓

在泰山上

鑾

按名勝志云宋州牧陳垓取杜詩西嶽雲峯起之句建
樓高四丈俯瞰方洲遠睇金焦爲淮南巨觀

望海樓

在城東南隅創於宋初廢於元兵火之後明嘉靖間州牧
鮑龍重建

芙蓉閣

在舊治內藕花洲上

宋曾致堯詩夏日芙蓉閣閣前何最殊參差紅齒皆迤邐
綠菰蒲浮藻青粘柱澄瀾碧照櫺木陰棲獨鶴波影浴雙
鳧烟動烹茶竈香微養藥爐靜疑江寺小幽笑石屏孤沙
鷺窺吟榻風蟬入座隅重簷常礙斗疊砌每生蘆炎暑微

廣陵覽古卷四

三

涼有塵埃定寂無傍軒黃蛺蝶縈隙白蜘蛛豈必居三峽
全勝汎五湖立寧憂岸峻宿不怕灣紆自愛資詩景雄憐
欲畫圖窗間雲縷細枕底浪聲麤戍客心如火行人汗似
珠此中涼冷與那得甞如吾

鹿女臺

王仙翁事見前天目山

鳳凰臺

在寧海門外背水朝陽有迴翔之勢相傳昔有鳳凰集其
上

浮香亭

在舊治內藕花洲上其額乃宋茂陵御書舊有小亭刻秦
觀古梅詩壁間紹定初州牧陳垓撤舊亭大書宸扁其上
刻秦觀蘇軾蘇轍參寥詩於石

秦觀詩云海陵參軍不枯槁醉意梅花愁絕倒爲憐一樹
傍寒溪水多情自相惱情淚斑斑知有恨恨春相逢苦
不早甘心結子待君來洗雨梳風爲誰好誰云廣平心似
鐵不惜珠璣恣揮掃月沒參橫畫角哀暗香消盡令人老
天分四時不相貸孤芳轉盼同衰草要須健步遠移歸亂

廣陵覽古卷四

十四

插繁華向晴昊 參寥和太虛詩朔風蕭蕭方振槁雲壓
茅齋欲欹倒門前誰送一枝梅問訊山僧少病惱強將筆
力爲摹寫麗句已輸何遜早碧桃丹杏空自妍嚼蕊嗅香
無比好先生攜酒傍玉叢醉裏雄詞驚電掃東溪不見謫
仙人江路還逢少陵老我雖不飲爲詩牽不惜山衣同藉
草要須陶令插花歸醉臥春風軼軒昊 蘇軾和詩西湖
處士骨應槁只有此時君壓倒東坡先生心已灰爲愛君
詩被花惱多情立馬待黃昏殘雪消遲月出早江頭千樹
春欲暗竹外一枝斜更好孤山山下醉眠處點綴裙腰紛

不掃萬里春隨逐客來十年花送佳人老去年花開我已
病今年花開還草草不知風雨捲春歸收拾餘香還冥昊
蘇轍和詩老夫毛骨日凋槁愁見米鹽惟醉倒忽傳騷
客賦寒梅感物傷春同懊惱江邊不識北風勁牆角知有
南枝早未開素質夜光明半落清香春更好隣家小婦學
閒媚靚妝惟有蛾眉掃孤芳已與飛霰競結子仍先百花
老相遭橫笛亂飛英不見幽人醉芳草可憐物性空自知
羞作繁華助穹昊

須友亭

廣陵覽古卷四

五

在舊治內與浮香亭對宋州牧陳垓種竹爲屋額曰須友
以竹必友梅亦茂陵御書也

香岳亭

在舊運司治內宋紹聖間茶鹽使徐正卿壘石爲山構亭
曰香岳治內又有君子愛山星槎問津四亭

積翠亭

在舊治內

宋曾致堯詩高高積翠亭積翠不虛名路小莓苔合墻低
薜荔生當軒攢竹柏繞檻列杉檉公退時來此吟情轉覺

清

歸鶴亭

在州東七里響林昇真觀內徐神翁瘞劍之所宋州牧陳
垓建歲二月勸耕延父老勞以酒果或引客觴詠竟日
陳垓詩出城七里近綠樹翁平野非谷響答鍾非波勢奔
馬固應地理家著阡藝松檟獨疑冲和翁生死皆幻假孰
云骨可蛻正爾亦土苴更憐兩翁仲爲客護瀟灑柏陰供
解鞍竹色入浮竿此翁言可人萬事帶一把壁門六尺影
月夜豈自寫向來華表鶴千載有歸者喚翁願一醉矮榼

廣陵覽古卷四

六

共傾瀉

玩芳亭

在州城西

鑿按宋劉放玩芳亭記云楚辭曰惜吾不及古之人兮吾
誰與玩此芳草自詩人比興皆以芳草嘉卉爲君子美德
無與玩者猶易井渫不食云爾海陵郡城西偏多喬木大
者六七尋雜花桃李山櫻丁香椒棣數十種萱菊薜荔莎
蘆芭蕉叢植穠生負城地尤良朱氏居之益種修竹梅杏
山茶橙梨異芳奇卉往往而在清池縈回多菱蓮蘋藻於

是築室城隅下臨衆卉名曰玩芳云云蓋建者州人朱氏
惜其名不傳

海春館

在迎恩門外以范仲淹海角亦逢春之句而名

文會堂

在舊治內宋天聖間滕宗諒爲郡從事時建與范仲淹富
弼胡瑗周春卿唱和其中

范仲淹詩東南滄海郡幕府清風堂詩書對周孔琴瑟祀
義皇君子不獨樂我朋來遠方芝蘭一相接豈徒十步香

廣陵覽古卷四

七

德星相聚會千載有餘光道味清可挹文思高若翔笙磬
相同聲精色俱激揚栽培盡桃李棲止俱鸞鳳琢玉作鎮
圭鑄金爲干將猗哉滕子京此意久而芳

三至堂

在舊治內宋紹聖間曾肇建

鑾按肇祖致堯牧泰父易占令如臯並肇三世官海陵故
名

觀衍堂

在舊運司治內取左思吳都賦觀海陵之倉紅粟流行句

爲名

淮東道院

在舊治大廳東宋左丞陸佃爲州牧謝表有云過客甚稀至有道院之號嘉定間李珙加以淮東二字寶慶中陳垓增修

夏侯乙宅

唐元和末海陵夏侯乙宅生百合花大於常品數倍因發其下得甕匣十三重各匣一鏡其第七者光不蝕照日中光環一丈

廣陵覽古卷四

六

南園

在州治南宋許子春建歐陽修爲許氏南園記

西園

在州治西一名方洲宋嘉定十年州牧李駿建因名李公園凡百畝堂亭十五曰水雲鄉曰醒翁堂曰小有洞天曰六宜曰知魚曰盟鷗曰公來遊曰一春佳趣曰瓢庵曰七一泉曰蘆荀林此嘉定間初創也曰青龍莊曰純節曰釣臺曰方洲外圃圃闢四亭乃寶慶三年後牧陳垓繕葺所增

山陰一曲

在舊運司治內宋嘉定間茶鹽使徐正卿壘石爲山號曰香巖中爲曲水環以修竹與客觴咏其間有山陰曲水之勝

湧金禪院

在州治西南相傳因掘地得金故名

仙源萬壽宮

在州治東南本樂真觀梁大同間以樂子長故宅爲觀在樂真橋唐大中間移建茲地宋大中祥符間天書降詔建

廣陵覽古卷四

九

天慶觀遂以樂真觀爲之崇寧中虛靜冲和先生徐守信赴闕有詔展修規屋至五百區大觀間賜仙源萬壽宮名建炎間遭兵燹後內侍李需重建於城東鋪土作基而泥沙不堅禱於虛靜像前其董役者夢神翁語以東南有隙地十畝可取土因更取是土深至及泉而功未竣方以爲憂忽有父老曰第休役三日自可濟如其言土果復滿工畢猶餘阜焉

大隱觀

在州之譙樓西宋建炎間海陵仙人高先生捨宅爲庵名

曰大隱後修真得道遂稱大隱觀後世又稱海仙觀

新城祐聖觀

在州治北一名新城觀舊有洗馬亭養龜池

宋方岳遊新城祐聖觀詩出郊便覺絕喧闐節物驚心歲
序遷圩岸有田多種秫野塘無處不生蓮白蘋洲畔回寒
雁青草湖頭臥釣船倒指重陽無幾日登高仍上碧山巔
劉萬春次韻詩當年歌管此轟闐豈料滄桑有變遷翠
縷尚牽橋畔柳紅衣已落渡頭蓮田疇處處皆儲水村市
家家可放船不向元都窮勝覽更於何地覓山巔

廣陵覽古卷四

二

南唐小兒冢

在州治東有數十邱南唐李昇遷楊行密子孫於海陵嗣
用宋齊邱謀無男女少長皆殺之葬此人皆呼爲小兒冢
後齊邱一小兒病有作詩書紙鳶上放入其第者詩云化
家爲國實良圖總是先生畫計謨一箇小兒拋不得讓皇
當日合何如

周處士墓

處士名恪歿葬徐仙翁墓西與唐道人同城人號曰三仙
墓

以上泰州

茅山

舊在州治東北六十里高二丈四尺周二百五十一步嘗
產香茅二丈有五尺因名阮勝之記云招遠東南六十里
有茅山俗名避災地今在縣治

中洲山

在東臺縣治西溪鎮之北

鑿按名勝志云宋范仲淹監鹽倉時壘土爲山東望滄流
西望沃壤竹木森翳形勝萃焉

廣陵覽古卷四

三

虎墩

在小海場宋范仲淹築捍海堤起虎墩卽此地

西溪鎮

在縣治一名晏溪宋晏殊嘗監西溪鹽倉也呂夷簡范仲
淹後亦官此相傳仲淹居政府時有詩云參知兩丞相曾
在此中來蓋謂夷簡與已也

忠義河

在縣治隋將賀若弼捕海寇有功立廟河側故名

角斜河

在縣治通角斜場

辭郎河

在西溪鎮相傳天女與董永相別處

玉帶河

在縣治小海場北草偃場南以玉帶名者取其紆迴曲折環抱縈旋

西溪

在縣治有西溪鎮晏殊嘗官於此又名晏溪

宋范仲淹西溪牡丹詩陽和不擇地海角亦逢春憶得上

廣陵覽古卷四

三

林色相看如故人

佛兒溝

在西溪鎮本唐時輝端寺後廢爲溝溝中屢獲銅佛故名

葦灣

在西溪鎮聖果院基址猶存

鳳凰池

在西溪鎮

溪光池

在西溪鎮廣福寺東

小海池

在西溪鎮未築捍海堰之前直逼海岸泛海者多聚此

鳳昇橋

在西溪鎮相傳天女與董永相別乘鳳而去故名

義鄉橋

在西溪鎮亦因董永孝義而名

鮮魚橋

在西溪鎮卽廣濟橋俗名八字橋

十軒井

廣陵覽古卷四

三

在西溪鎮東廣福寺一也海春軒寺二也潛軒院三也清軒寺四也靜軒寺五也寶相寺六也定軒寺七也溪光寺八也秀軒寺九也悟空寺十也

纒絲井

在西溪鎮廣福院相傳卽漢時曹長者故宅仙女偕董永往慵時纒絲處也井口小而下竇宏深水味甘冽每旱諸井水涸此獨如故蠶熟時井上生草根長丈餘如絲

鳳昇井

俗名雙井在西溪鎮南倉橋東西兩岸相向

鑿按府志云仙女與董永相別過此地以二釵插於舊地之東西以示不重會之意後人於插釵處鑿二井迨開市河後兩井遂隔河矣

南風亭

在西溪鎮宋天禧間知軍事晏殊建

思賢亭

在西溪鎮東寺塔院宋呂夷簡監西溪鹽場時嘗手植牡丹一本於此後人思之建思賢亭

溪光亭

廣陵覽古卷四

十四

在西溪鎮宋仲淹監鹽倉時所建

迎賓亭

同上

避湖亭

同上

奉先亭

同上

迎止亭

在西溪北中洲山上亦范仲淹遺跡

讀書堂

在縣治茅山莊景德寺東廊

宋韓駒題景德寺壁詩藤牀瓦枕快清風破悶文章亦慢
供鄉信未傳霜後雁旅懷生怕晚來鍾淹流已辨三年計
流落應無萬戶封猶有壁間詩句在他時誰爲寫真容

鑿按宋天聖中富弼隨父莅任讀書處後韓駒亦嘗寓此
讀書題詩僧壁

聖果院

在縣治東臺塲唐貞觀時建

廣陵覽古卷四

五

宋范仲淹詩千年人已化三昧語空傳唐世碑猶在高麗
鼓半穿

鑿按名勝志云院有高麗鼓南唐保大中隨海潮漂至者
漢董永墓

相傳在西溪鎮北一百四十步亦有永父墓
以上東臺縣

廣陵覽古卷四終

男朝生校字

廣陵覽古卷五

江都顧鑾謝唵氏述

漢

應曜

淮南人漢初與四皓同被徵不至時人爲之語曰商山四

皓不如淮南一老

嘉靖惟揚志

枚乘

字叔淮陰人爲吳王濞郎中吳王怨望謀爲逆乘奏書諫
不納去之梁從梁孝王遊景帝卽位御史大夫鼂錯損削

廣陵覽古卷五

諸侯吳王遂與六國謀反舉兵西鄉乘復說吳王王不能

用卒見禽滅乘由是知名

前漢書

鑾按乘七發云以八月觀濤于廣陵之曲江蓋謂爲濞郎

中時事也則曲江之在廣陵無疑

董仲舒

廣川人孝景時爲博士武帝卽位以賢良對策出爲江都
王非相王帝兄素驕好勇仲舒以禮誼匡正王敬重焉久
之王問仲舒曰粵王句踐與大夫泄庸種蠡謀伐吳遂滅
之孔子稱殷有三仁寡人亦以爲粵有三仁仲舒對曰粵

本無一仁夫仁者正其誼不謀其利明其道不計其功是以仲尼之徒羞稱五霸爲其先詐力而後仁義也王稱善後徙膠西王相去位歸居終不問家產業以修學著書爲事

漢書

廣陵王胥

王有勇力常於別囿學格能後遂能空手搏之莫不絕脰

西京雜記

張綱

字文紀蜀犍爲人漢安元年時廣陵賊張嬰等衆數萬人

廣陵覽古卷五

二

寇亂揚徐間積十餘年梁冀乃諷尚書以綱爲廣陵太守因欲以事中之綱單車之職將吏卒十餘人徑造嬰壘諭以順逆利害嬰深感悟明日率所部與妻子面縛歸降綱散遣部衆任從所之親爲卜居宅相田疇人情悅服綱被疾吏人皆爲禱祀祈福及卒老幼相攜赴哀者不可勝數嬰等五百餘人制服行喪送到犍爲負土成墳詔追褒之官其子續爲郎中賜錢百萬

後漢書

陳登

字元龍建安中爲廣陵太守明審賞罰威信宣布海賊薛

州之羣萬有餘戶東手歸命未及期年功化以就及遷東城太守廣陵吏民佩其恩德共拔郡隨登老弱襁負而追之魏志

鑿按萬歷志云登在郡時以休暇行城之西二十里濬源爲塘溉浸田疇用獲豐稔民名其陂曰愛敬陂卽陳公塘

袁綏

廣陵人爲漢太傅掾廣陵太守張超討董卓以綏領廣陵事子廸與陳國陳融陳留濮陽逸沛郡蔣纂皆就吳丞相陸遜弟瑁遊處瑁謂其單貧有志割少分甘與同豐約孫

廣陵覽古卷五

三

曄字思光作獻帝春秋魏志

三國魏

陳矯

字季弼廣陵人太守陳登辟爲功曹時廣陵爲孫權所圍登令矯求救於曹操矯說操曰鄙郡雖小形便之國也若蒙救援使爲外藩則吳人剽謀矣操奇矯欲留之矯辭曰本國倒懸奔走告急縱無申包之效敢忘宏演之義乎操乃遣兵赴救吳軍旣退操辟矯爲司空掾除魏郡西部都尉曲周民父病以牛禱神縣論棄市矯曰此孝子也表赦

之遷魏郡太守時繫囚千數至有歷年矯悉覽罪狀一時
盡決不立封高陵亭侯遷尙書令丕子叡立進爵東鄉侯
一日叡猝至尙書門矯跪問曰陛下欲何之曰欲案行文
書耳矯曰此自臣職非陛下所宜臨若臣不稱其職請就
黜叡慚而反其亮直如此

魏志

徐宣

字實堅廣陵人曹操辟爲司空掾屬會馬超亂操將西征
見官屬曰今當遠征宜得清公大德以鎮統之乃以宣爲
左護軍留統諸軍還爲丞相東曹掾出爲魏郡太守丕立

廣陵覽古卷五

四

爲御史中丞賜爵關內侯轉散騎常侍從至廣陵六軍乘
舟風浪暴起丕船回倒宣方病獨凌波而前丕壯之遷尙
書叡立封津陽亭侯加侍中光祿大夫嘗上疏陳威刑大
過又諫作宮殿窮盡民力皆手詔嘉納及卒遺令布衣疏
巾歛以時服追贈車騎將軍諡貞侯

魏志

吳

皇象

字休明廣陵江都人幼工書時有張子竝陳良甫能書良
甫道而子竝峻象斟酌於間甚得其妙一時善書者不能

及也官至侍中青州刺史人謂象章草入神八分隸入妙篆入能建業有吳時天發識及吳大帝碑在江寧府皆象書也 吳志

鑿按嚴觀江寧金石記天璽紀功碑在江寧縣學尊經閣下碑毀于晉季石凡三段形如覆臼字列三面而虛其一今考証舊搨連接三段實存二百一十六字又不全十一字辭意乃貫通可讀云云

國朝嘉慶乙丑尊經閣災碑燬于火今片石無存矣
衛旌

廣陵覽古卷五

五

字子旗廣陵人避難江東單身窮困淮陰步騭與同年相善俱以種瓜自給盡勤四體夜誦經傳旌後官至尙書 吳志

閔鴻

廣陵人仕爲吳尙書與丹陽薛兼紀瞻吳郡顧榮會稽賀循齊名號爲五俊 吳志

范慎

字孝敬廣陵人爲吳侍中出補武昌左部督治軍整頓孫皓移都甚憚之詔曰慎勳德俱茂朕所敬憑宜登上公以

副衆望以爲太尉慎自恨久爲將遂託老耄軍士戀之舉營隕涕慎初爲太子登賓客目之曰究學甄微游夏同科又云竭忠知己之君纏綿三益之友時人榮之著論二十篇名曰矯非

吳志

晉

劉頌

字子雅廣陵人厲王胥之後也少能辨物理咸寧中除淮南相嚴整有政績舊修芍陂年用數萬人豪強兼并孤貧失業頌使大小計功受分百姓歌其平惠在郡上疏言封

廣陵覽古卷五

六

建用人諸政優詔答之元康初從淮南王八朝詔爲三公尚書又上疏論律令爲時論所美

晉書

華譚

字令思廣陵人祖融父譚皆仕吳譚期歲孤母年十八守節鞠養及長好學不倦揚州刺史周浚引爲從事浚愛其才器待以賓友之禮太康中刺史嵇紹舉譚秀才至洛陽武帝親策之時九州孝秀策無逮譚者同郡劉頌時爲廷尉見之嘆息曰不悟鄉里乃有此才尋除郎中遷太子舍人本國中正後爲鄆城令過濮水作莊子贊永寧初爲郟

令於時亂後境內饑饉譚撫卹有政績再遷廬江內史加
綏遠將軍時石冰之黨屯據諸縣譚遣司馬討平之以功
封都亭侯建興初帝命爲鎮東軍諮祭酒譚博學多通著
書三十卷名曰辨道上牋進之帝親覽焉

晉書

戴淵

字若思廣陵人舉孝廉出補豫章太守加振威將軍以討
賊有功賜爵秣陵侯出爲征西將軍都督兗豫幽冀雍并
六州諸軍事假節加散騎常侍鎮壽陽帝親幸其營勞勉
將士臨發祖餞置酒賦詩至合肥而王敦舉兵詔淵還鎮

廣陵覽古卷五

七

京都進驃騎將軍尋石頭失守淵與諸軍攻石頭王師敗
績淵率麾下百餘人赴宮受詔與公卿百官於石頭見敦
敦問淵曰前日之戰有餘力乎淵曰豈敢有餘但力不足
耳又曰吾此舉天下以爲何如淵曰見形者謂之逆體誠
者謂之忠敦笑曰卿可謂能言參軍呂猗深憾淵說敦曰
周顛戴淵有高名足以惑衆近者之言曾無愧色公不除
恐爲將來憂敦以爲然俄收淵害之淵素有重望四海之
士莫不痛惜焉

晉書

謝安

字安石陽夏人太元中累官侍中都督揚豫徐兗青五州諸軍事秦苻堅率衆號百萬次於淮淝京師震恐安舉從子元帥師拒之大敗堅於淝水安進拜太保出鎮廣陵築壘曰新城以壯保障時城北湖水每漲輒沒民田安築平水埭隨時蓄洩歲用豐稔後人追思之名爲召伯埭云

晉書

曇詵

廣陵人幼從遠公出家勤修淨業註維摩經嘗著窮通論以明宿修述蓮社錄以記往生又能別識鳥獸毛色俊鈍

廣陵覽古卷五

八

之性洞曉草木枝幹甘苦之味妙盡其理元嘉十七年集衆謂之曰建寺以來至此五十年吾之西行最在其後卽跏趺念佛百聲閉息遂絕

蓮社十八高僧傳

蔡濟

與縣令時大旱濟乃剡臂然香率衆懇禱甘澍隨降一邑

霑足

萬歷江都縣志

按漢置廣陵江都二縣元封中又析二縣地置輿縣屬臨淮郡東漢改廣陵國爲廣陵郡江都廣陵輿縣隸之三國時江都城圯于江縣廢廣陵郡移治淮陰廣陵縣亦廢

歷吳魏皆未立晉太康元年置廣陵郡縣六年復置江都東晉江都省入輿縣宋元嘉十三年省輿縣入江都自是不復稱輿縣矣

劉宋

徐湛之

字孝源東海剡人元嘉二十四年出爲前軍將軍南兖州刺史湛之善於爲政威惠並行廣陵城有_舊有高樓湛之更加修整南望鍾山城北有陂澤水物豐盛湛之更起風亭月觀吹臺琴室果竹繁茂花藥成行招集文士盡游玩之

廣陵覽古卷五

九

適一時之盛也

宋書

鑾按宋元嘉八年以廣陵江都等四縣立南兖州治廣陵郡

沈慶之

字弘先吳興武康人大明三年竟陵王誕據廣陵反帝以慶之爲南兖州刺史加都督率衆討之誕遣客沈道愍齎書說慶之餉以玉環刀慶之遣道愍反數以罪惡慶之至城下誕登樓謂曰沈君白首之年何爲來此慶之曰朝廷以君狂愚不足勞少壯故使僕來耳慶之塞漸造攻道立

行樓土山并諸攻具時夏雨不得攻城誕餉慶之食提挈者百餘人慶之悉焚之誕於城上授函表令慶之爲送慶之曰我奉制討賊不得爲汝送表每攻城輒身先士卒上戒之曰卿爲統任當令處分有方何蒙栢城下身受矢石耶自四月至七月乃克城斬誕進慶之司空卒贈待中太尉諡曰襄

南史

史宗

常着麻衣號麻衣道人喜怒不常日往廣陵白土埭謳歌自適夜不知其宿處江都令檀祗召與語詞多無畔岸索

廣陵覽古卷五

十

紙賦詩曰有欲苦不足無欲卽無憂未若清虛者帶索披麻裘浮游一世間汎若不繫舟要當畢塵累棲息老山邱檀祗異之

高僧傳

南齊

荀伯玉

字弄璋廣陵人建元元年封南豐縣子世祖在東宮專斷用事任左右張景真其伎人皆著御衣乘畫舫坐胡牀觀者咸疑是太子內外祇畏莫敢言伯玉密啟上收景真殺之愈見親信軍國密事多委使之時人爲之語曰十救

五令不如荀伯玉命

南齊書

裴昭明

河東聞喜人建武初爲廣陵太守明帝以無所啟奏代還責之昭明日臣不欲競執關鍵故耳昭明歷部皆有勲績常謂人曰人生何事須聚畜一身之外亦復何須子孫若不才我聚彼散若能自立則不如一經故終身不治產業

南齊書

陸慧曉

字叔明子真之子建武中爲五兵尙書遷南兖州刺史慧

廣陵覽古卷五

七

曉清介正立不雜交遊張緒稱之曰江東裴樂也

南史

蕭梁

高爽

廣陵人工屬文齊永明中贈衛軍王儉詩爲儉所賞及領丹陽尹舉爽郡孝廉梁天監初歷官中軍臨川王參軍出爲晉陽令坐事繫治作鑊魚賦以自况其文甚工後遇赦免頃之卒

梁書

呂僧修

字元瑜東平范人世居廣陵天監五年僧珍以去家久表

求拜墓梁祖欲榮之授本州刺史僧珍平心率下兄子宏以販葱爲業僧珍至棄業欲求州官僧珍曰汝等自有常分豈可妄求叨越但當速返葱肆耳僧珍舊宅前有督郵廨鄉人勸徙廨益宅僧珍怒曰督郵官廨也豈可徙之姊適于氏在市西小屋與列肆雜處僧珍常導從鹵簿到其宅不以爲恥在州百日徵爲領軍將軍僧珍有大勲恩遇隆密性恭慎當直禁中盛暑不敢解衣侍御座屏氣鞠躬果食未嘗舉箸嘗因醉後取一柑食之梁祖笑謂曰便是大有所進祿俸外月給錢十萬賜賚不絕卒諡忠敬侯梁

書

吳元嗣

江都白沙村人子孫多壽百歲上下累業同居不分至吳琬惇義尤篤廣陵太守陳正平以事聞賜號義門置義順一臺以旌之

明南畿志

隋

來護兒

字崇善江都人幼好奇節讀詩至擊鼓其鏗踴躍用兵羔裘豹飾孔武有力舍書歎曰大丈夫當如是安能久事隴

畝羣輩壯其志賀若弼之鎮壽州也常令護兒爲間諜授
大都督平陳之役護兒有功焉進位上開府從楊素繫高
智慧於浙江大業六年從駕江都賜物千段令上千人家
宴父老州里榮之江都之難宇文化及忌而害之子整武
賁郎將右光祿大夫尤驍勇善撫士擊羣盜所向皆捷賊
甚憚之爲作長歌曰長白山頭百戰場十五五把長槍
不畏官軍十萬衆只畏榮公第六郎化及反皆遇害隋書
鑿按護兒本傳於大業七年楊元感作逆勒兵與宇文述
等擊破之封榮國公子整行六故云

廣陵覽古卷五

三

智聰

住揚州安樂寺大業末隱江荻中誦法華經七日不饑有
四虎遶之不食經十日聰曰吾命須臾卿須可食虎曰造
天立地無有此理忽有一公年可八十掖挾下船曰師欲
渡江棲霞住者可卽上船四虎一時目中淚出聰曰救危
拔難正在今日可迎四虎於是利涉往達南岸船及老人
不見聰領虎同住棲霞院中若有事一虎入寺大聲告衆
由此警悟每以爲式續高僧傳

唐

李襲譽

字茂實隴西狄道人通敏有識度高祖初擢揚州大都督府長史揚州江吳大都會俗喜商賈不事農襲譽爲引雷陂水築句城塘溉田八百頃以盡地利民歸本業召爲大府卿罷揚州載書數車嘗謂子孫曰吾性不喜財遂至窶乏然負京有賜田十頃能耕之足以食河內千樹桑事之可以衣江都書力讀可進求宦吾歿後能勤此無資於人矣

唐書

鑿

按嘉靖志云襲譽爲人嚴毅所得廩祿盡散之宗戚以

廣陵覽古卷五

十四

餘貲錄書

曹憲

江都人仕隋爲秘書學士教授數百人公卿多從之遊尤邃於小學自漢杜林衛宏以後古文亡絕至憲復興煬帝令與諸儒撰桂苑珠叢規正文字又註廣雅學者推其該博藏於秘書唐貞觀中揚州長史李襲譽薦之以宏文館學士召不至卽家拜朝散大夫當世榮之太宗嘗讀書有奇難字輒遣使者問憲憲具爲音註援驗詳復帝咨賞之卒年百餘歲

唐書

鑿按唐書憲以昭明文選授諸生時江都公孫羅魏模李善相繼傳授其學大行羅有文選註文選音義善博學淹貫人號爲書簾爲文選注六十卷

王紹宗

字承烈江都人少勤學徧覽經史尤工草隸家貧傭寫佛經以自給每月自支錢足卽止雖高價盈倍亦卽拒之徐敬業起兵揚州聞其高行徵之不起舊唐書

杜佑

字君卿京兆萬年人以工部郎中歷官尚書右丞出爲淮

廣陵覽古卷五

五

南節度使佑決雷陂以廣灌溉斥海瀕棄地爲田積米五十萬斛列營三十區士馬整飭四鄰畏之佑精於吏職爲治不皦察數斡計賦相民利病而上下之議者稱佑治行無闕佑廣劉秩政典爲通典二百篇儒者服其書約而詳唐書

鑿按劉賓客嘉話錄大司徒杜公在惟揚嘗召賓幕閑語我致政之後必買一小駟八九千者飽食訖爲跨之着一粗布襪衫入市看盤鈴傀儡足矣司徒深旨不在傀儡蓋居危地欲自污耳後致仕果行前志諫官上疏言大臣不

合入市公曰中吾計矣又萬曆府志佑爲揚州察訪使景雲三年改爲處置使題名八角石柱見存寶城興教寺內蓋先久沒於池水至明成化間大旱池涸復出也

李邕

字太和江都人善子也少謁李嶠願一見秘書嶠曰秘書萬卷豈時日能習耶邕固請乃假直秘書未幾辭去嶠試問奧篇隱帙了辯如響嶠嘆曰子且名家武后朝嶠爲內史薦邕可任諫諍召拜左拾遺御史中丞宋璟劾張昌宗等反狀武后不應邕立階下大言曰璟所陳社稷大計當

廣陵覽古卷五

六

聽后色解可璟奏中宗時召拜右臺殿中侍御史彈劾任職遷戶部員外郎明皇卽位爲御史中丞左遷括州司馬起爲陳州刺史貶遵化尉徙澧州司馬開元中起爲括州刺史復坐誣枉上識其名詔勿劾後歷淄滑二州刺史邕早有名重義愛士久斥外不與士大夫接及入朝人傳其眉目瓌異阡陌聚觀後生望風投謁門巷填溢復以讒媚出爲汲郡北海太守天寶六載宰相李林甫忌邕名盛因傳以罪遣羅希夷就郡杖殺之代宗時贈祕書監邕文長於碑頌官屢黜天下慕其名盧藏用嘗謂邕如干將莫邪

難與爭鋒但虞缺折耳

唐書

姚崇

字元之陝州硤石人以言事貶申州刺史移徐潞二州遷揚州長史政條簡肅人爲紀德於碑崇長吏道處決無淹思三爲宰相封梁公卒謚文獻

唐書

葉天師

唐開元十八年正月望日帝謂葉天師曰今夕何處最麗對曰廣陵帝曰何術以觀之師曰可俄而虹橋起殿前板閣架虛欄楯若畫帝步而上太真高力士及樂官數人從

廣陵覽古卷五

七

行步步漸高頃到廣陵寺觀陳設之盛燈火之光照灼殿基士女鮮麗皆仰面曰仙人現於五色雲中帝大悅敕伶官奏霓裳羽衣一曲後數日廣陵果奏云

幽怪錄

第五琦

字禹珪京兆長安人至德初謁肅宗於彭原言今之急務在賦賦所出以江淮爲淵若假臣一職請悉東南穀飛餉函洛惟陛下命帝悅拜監察御史勾當江淮租庸使琦隨事趣辦人不益賦而用以饒累封扶風郡公

唐書

劉晏

字士安曹州南華人廣德二年爲江淮轉運租庸常平使
晏始於揚子造轉運船每一船破錢千貫或譏其妄費晏
曰大國不可以小道理凡所創造須謀經久廼於揚子縣
置十船塲差專知官十人不數年間皆致富贍凡五十餘
年船無破敗餽運亦不闕絕晏理鹽鐵惟置官於出鹽之
鄉取鹽戶所煮鹽鬻於商任其所之不出鹽州縣不復置
官曰官多則民擾其始江淮鹽利不過四十萬緡季年六
百餘萬緡末年更逾十倍而人不厭苦古今稱善理財獨
晏云參唐書嘉靖惟揚志

廣陵覽古卷五

六

竇常

字中行京兆人大歷間及進士第隱居廣陵之柳楊著書
二十年不出後淮南節度使杜佑辟爲叅謀元和間自湖
南判官入爲侍御史轉水部員外郎出刺朗州固陵潯陽
臨川四郡入爲國子祭酒致仕卒贈越州都督弟牟羣庠
鞏皆工詞章時號五竇全唐詩小傳

李珣

字待價其先出趙郡客居淮陰累官至吏部尚書出爲淮
南節度使時江淮旱珣發倉廩賑流民以軍儲羨殺半價

與人及疾亟官屬見卧內惟以州有稅酒直而神策軍爲
豪商占利方論奏未見報爲恨一不及家事珽寡欲門無
餽餉淮南人德之立碑刻其遺愛卒贈司空諡貞穆

唐書

杜牧

字牧之京兆人牛僧孺鎮揚州牧在幕中夜多微服逸遊
公聞之以街子數輩潛隨護之以防不虞後牧之以拾遺
召臨別公以縱逸爲戒牧之始猶諱之公命取一篋皆街
子報杜書記帖乃大感服

芝田錄

李吉甫

廣陵覽古卷五

九

字宏憲贊皇人年少明練典故累官至檢校兵部尚書出
爲淮南節度使帝爲御通化門祖道居三歲奏蠲逋租數
百萬築富人固本二塘溉田且萬頃漕渠庫下不能居水
乃築隄閘以防不足洩有餘名曰平津堰江淮早有司不
爲請吉甫白以時救恤帝馳道使分遣賑貸吉甫雖居外
每朝廷得失輒以聞卒贈司空諡忠懿

唐書

杜悰

佑子爲淮南節度使武宗聞揚州娼女善酒令勅監軍選
十八人以獻監軍請悰同選悰曰監軍自受勅不敢與聞

監軍怒具奏其狀武宗曰杜悰得大臣體朕甚愧之勅勿選
明南畿志

王龜

字大年江都人起之子武宗知其名以左拾遺召不赴崔
璵觀察宣歙表爲副龜樂宛陵山水從之咸通中改太常
少卿同州刺史牙將白約素暴橫常譁言月廩薄以動士
心爲亂龜捕殺之人皆震慄唐書

鑾

按起爲王播之弟家江都之瓜洲

辛讜

廣陵覽古卷五

辛

太原尹雲京孫居廣陵性慷慨重然諾專務賑人之急咸
通十年龐勛亂徐泗時杜悛守泗州賊極力攻城讜聞往
勸悛避去悛不肯讜義之夜以小舟穿賊壘至洪源驛請
監軍郭厚本救泗厚本已諾淮南都將王公弁沮之讜拔
劒瞋目呼曰泗州陷在旦夕公等奉詔赴援逗遛不進欲
何爲卽欲揮刃向公弁厚本持之讜望泗州大哭帳下皆
流涕厚本義其心選士卒隨讜入泗夜半斬賊柵大呼由
水門入賊軍駭退人心遂固旣而賊益兵攻城以鐵鑊斷
淮流梯衝雲合凡周七月晝夜不息賴讜犯難仗義求救

淮北諸軍會馬舉以大軍至賊解圍去卒全一州皆讜力也舊唐書

劉白雲

江都人家富好濟人遇道士樂子長與兩卷書能役致風雨變化萬物於襄州隔江山上結紫雲幄化兵士數千人待衛連月不散節度使于頔疑其妖使兵馬使攻之弓矢不能及白雲乘馬走漢水蹙波起塵如履平地追之不得辰發靈州午已至湘潭須臾七百里復於江都值樂真人授以金液九丹之經乾符中猶在長安市賣藥尙有識之

廣陵覽古卷五

三

者康熙府志

李礪

字景雲鄜之孫也黃巢陷洛礪挾尙書八印走河陽時畱守劉允章爲賊脅遣人就礪索印拒不與襄王之亂礪流寓淮南高駉受僞命礪苦諫不納入爲翰林學士辭職歸乾寧元年召進禮部尙書同中書門下平章事後爲王行瑜所殺行瑜誅詔贈司徒諡曰文礪嗜學家有書至萬卷世號李書樓所著文章及注解諸書傳甚多唐書

五代

嚴可求

同州人隨父遷江都少爲吳幕僚吳王歿張顥欲自立厲聲謂諸將曰軍府誰當主者三問莫應可求前密啟曰方今四境多虞非公主之不可然今日則恐太急顥默然可求急趨出書一紙內袖中麾同列往使宅賀衆莫測旣出教宣之乃吳王母史太夫人教也大畧言隆演當次立諸將宜無負楊氏辭旨激切顥氣色皆沮以其義正不敢奪吳王隆演乃得立顥知爲可求所賣夜遣盜刺之可求度不免爲書辭府主盜執刀臨之可求操筆無懼色盜粗識

廣陵覽古卷五

三

字見其辭氣忠壯曰公長者吾不忍殺遂舍之去南唐時歷遷門下侍郎尙書右僕射同平章事

十國春秋

申漸高

事睿帝爲樂工常吹三孔笛賣藥於廣陵市乾貞時按籍編括而關司歛率尤繁商人苦之會都城亢旱中書令徐知誥謂左右曰近郊頗得雨都城不雨何也得非刑獄有寃乎漸高作諧語進曰雨畏抽稅不敢入城耳知誥大笑明日下教弛額外稅信宿大雨霑洽

十國春秋

毛貞輔

僞吳臣累爲邑宰應選之廣陵夢吞日旣寤腹猶熱以問侍御史楊廷式曰此夢至大非君所能當若以君而言當得赤烏場官也果如其言

徐鉉稽神錄

李德誠

廣陵人幼從吳武王征討積功至江南馬步軍使與諸將圍安仁義於潤州仁義就執德誠拜潤州刺史歷撫虔洪三鎮節度使平南將軍中書令李主受吳禪以佐命拜太師封趙王自洪州入覲命官人迎勞於路百官班謁於門朝堂設幄爲具每有大議遣執政就第諮問然爲人謙恭

廣陵覽古卷五

三

沉厚終始如一卒諡忠懿子二十八人皆右職

陸游南唐書

李建勳

字致堯德誠第四子少好學能屬文尤工詩家世將相然杜門不預世事所交皆寒賤裘馬取具而已李主昇鎮金陵預禪代之策拜中書侍郎同平章事璟嗣立以開國元勳又聯姻戚尊遇之與宋齊邱埒出爲撫州節度使建州之役諸將無復紀律建勳請官出金帛贖俘掠還其家召拜司徒致仕賜號鍾山公營別墅於山中放意泉石曰吾

自知不壽求數年間適耳疾革遺令勿封樹立碑遺他日
毀斲之禍贈太保諡曰靖

陸游南唐書

李貽業

廣陵人事南唐爲翰林學士李主昇殂大臣欲奉宋后臨
朝命中書侍郎孫昇草遺詔貽業曰此奸人所爲大行嘗
謂婦人預政亂之本也安肯自爲此若果宣行貽業當對
百官裂之議遂寢李主璟語貽業曰疾風勁草於卿見之
保大中以兵部侍郎卒諡曰簡

陸游南唐書

馮延巳

廣陵覽古卷五

十四

字正中廣陵人以文雅博瞻稱南唐時授祕書郎歷官至
左僕射同平章事延巳工詩雖貴且老不廢識者謂有元
和人氣格元宗樂府詞有句云小樓吹徹玉笙寒延巳有
風乍起吹皺一池春水之句皆爲警策元宗嘗戲延巳曰
吹皺一池春水干卿何事延巳曰未如陛下小樓吹徹玉
笙寒元宗悅

參馬令南唐書萬曆府志

潘祐

廣陵人文章瞻逸敏於議論南唐後主時爲史館修撰知
制誥自言其母方娠夢古衣冠人告曰我顏延之也與夫

人爲子及生七歲始能語曰兒悞傷白龍爲上帝所罰也
因吟詩曰只因騎折玉龍腰謫在人間三十六後果以三
十六歲卒

馬令南唐書

徐錯

字楚金廣陵人與兄鉉相友睦常共用墨一圭弟馬未歸
兄馬不肯茹草兄出亦如之鉉以直諫被逐錯思念涕泣
至失心其母請於李主曰法有兄弟相罪及今願錯與鉉
俱貶以緩其疾李主哀之爲召鉉鉉還而錯病已昏瞶不
識人家人反覆告之猶自記兄背有黑痣子發衣驗之遂

廣陵覽古卷五

五

抱持噬其痣號哭幾至氣絕錯嘗著說文解字韻譜十卷
說文解字繫傳四十卷

嘉靖惟揚志

韓令坤

磁州武安人少隸周祖帳下以功爲馬軍都指揮定武軍
節度世宗親征淮南聞揚州無備遣令坤等襲之令坤先
以精騎數百遲明馳入城中不之覺令坤繼至撫之民皆
安堵遂以令坤知州事顯德五年世宗復幸淮右揚州城
爲吳人所毀詔發丁壯別築新城命令坤爲修城都部署
宋初同平章事加侍中

宋史

劉元英

號海蟾子廣陵人仕燕主劉守光爲相一旦有道人來謁索雞卵十枚金錢十枚置几上累卵于錢若浮圖狀海蟾驚嘆曰危哉道人曰人居榮樂之場其危有甚於此者復盡以錢擘爲二擲之而去海蟾由是大悟易服從道歷游名山所至多有遺跡宋初于潭州壽寧觀題詩仍自寫真其旁

湖廣總志

鑿按海蟾二字其號也俗呼劉海更言劉海戲蟾舛謬之甚

廣陵覽古卷六

江都顧鑾謝吟氏述

宋

徐鉉

字鼎臣廣陵人十歲能屬文不妄游處仕南唐李煜爲吏部尙書宋師圍金陵煜遣求緩兵鉉旣行煜欲止上江援兵勿令東下鉉曰江南所恃者援兵奈何止之煜曰方求和解而復決戰豈利於汝乎鉉曰要以社稷爲計豈違顧一介之使煜泣而遣之及至雖不能緩兵而入見辭歸禮

廣陵覽古卷六

遇皆與常時同後隨煜入覲太祖責之聲甚厲鉉對曰臣爲江南大臣國亡罪當死不當問其他太祖歎曰忠臣也令爲太子率更令直學士院從征太原軍中書詔填委鉉援筆無滯辭理精當時論能之累遷左常侍卒鉉精小學好李斯小篆臻其妙隸書亦工有文集二十卷新定說文

質疑論稽神論

宋史

贊寧

揚州僧有文學洞古博物著書數百卷太祖禮之王禹偁輩嘗就質疑柳開守惟揚贈之詩有空門今日見張華之

句筍譜其所著之一也

嘉靖惟揚志

王禹偁

字元之濟州鉅野人至道間知揚州真宗卽位遷秩刑部應詔上疏言五事疏奏召還復知制誥咸平三年在黃州奏疏江淮諸州三大患上嘉納之

宋史

鑿按舊志謂禹偁在揚每政暇遊覽名勝諸蹟多有吟咏人咸重其辭云

潘聞

字逍遙江都人嘗居洛陽賣藥暇日負囊騎驢看山行吟

廣陵覽古卷六

二

隨意所適終日弗返好事者繪爲圖至道初有言其能詩者召見崇政殿賜進士及第授四門國子博士後坐盧多遜黨變名姓緇服入中條山嘗題詩鐘樓句奇崛僧疑而迹之逸去朝廷捕治急闖出首謫信州移太平結廬瀕溪吟咏不輟詩苦淡清勁劉放謂其不減劉長卿

姓譜

孫錫

字昌齡江都人天聖二年進士知舒州發常平廣惠倉以活陳汝穎蔡流人及歸計口量遠近給食遣之去者率錢買香焚於府門比去州人闔城門留之官至尙書度支郎

中以老致仕 宋史

方圭

性好爲惡詩仁宗朝宋庠知揚州圭來謁宴於蜀岡圭誦詩不已庠見野外有牛就木磨謂坐客晁詵曰青牛恃力狂挨木詵應聲曰妖鳥啼聲不避人圭悟其意宴散擊詵姓譜

杜衍

字世昌越州山陰人擢進士甲科補揚州觀察推官後知揚州章獻太后遣使安撫淮南使還未及他語問杜衍安

廣陵覽古卷六

三

否使者以治壯對太后歎曰吾知之久矣衍爲治謹密不以威刑督吏然吏民亦憚其清整不能爲姦清介不殖私產第室卑陋居之裕如也皇祐初進太子太傅封祁公卒

諡正獻

宋史

韓琦

字稚圭相州安陽人舉進士第二知揚州增學田奏請蠲無名之斂又請常平倉米以備賑荒揚民樂其愷悌愛慕之如父母爲肖像祀於雍熙院蔣之奇作記有云前出二府而領惟揚之麾後相三朝而建淮南之節雖十年之間

屢更旌鉞而終不易鎮則惟揚之人挹公之德宜何如哉

卒贈尚書令諡忠獻

參宋史嘉靖惟揚志

鑿按萬歷府志云琦知泰州時臥疾數日冥無所知倏然而甦語左右曰適夢以手捧天者再不覺驚悟其後授英宗於藩邸翼神宗於春宮捧天之祥已兆於此

歐陽修

字永叔吉州廬陵人舉進士慶歷八年知揚州寬閒不擾蒞政數日事十簡五六再閱月官府閒如僧舍或問故修曰吾寬不爲苛急簡不爲煩碎爾非廢事也後拜參知政

廣陵覽古卷六

四

事卒贈太子太師諡文忠

參宋史萬歷府志

鑿按嘉靖志云蜀岡大明寺前平山堂歐陽文忠公手植

柳一株謂之歐公柳公詞所謂手植堂前楊柳別來幾度春風者後薛嗣昌作守相時亦種一株自榜曰薛公柳人莫不嗤之嗣昌旣去爲人伐之不度德有如此者

包拯

字希仁廬州合肥人舉進士知揚州拯性剛毅人以其笑比黃河清童稚婦女亦知其名呼曰包待制舊制凡訟訴不得徑造庭下拯開正門使得至前陳曲直吏不敢欺累

遷樞密副使卒贈禮部尚書諡孝肅 宋史

俞紫芝

字秀老金華人寓居揚州少有高行不娶好浮屠學工詩王安石居鍾山紫芝數從之遊尤愛重之與弟清老俱爲黃庭堅友庭堅所書釣魚船上謝三郎一帖刻石金山寺

卽紫芝詞也 萬歷府志

陳升之

熙寧中高麗入貢所經州縣悉索地圖所至皆造送山川道路形勢險易無不備載至揚州牒州取地圖是時丞相

廣陵覽古卷六

五

陳秀公守揚給使者欲盡見兩浙所供圖倣其規模供造及圖至都聚而焚之具以事聞 沈括夢溪筆談

鮮于侁

字子駿閬州人舉進士元豐二年召對命知揚州神宗曰廣陵重鎮久不得人今朕自選卿往宜善治之司馬光嘗謂蘇軾日子駿福星也安得百子駿布之天下乎後除集賢殿修撰 參宋史東都事略

變按嘉靖志云侁命教授馬希孟探索境內簡帙撰爲揚

州集

呂公著

字晦叔夷簡子元豐間知揚州公著性勤厲在郡率未明而起秉燭視牘雖燕居如齋時接賓僚尤詳聽覽小吏賤胥咸得輸其情理官有繫重囚而置酒宴會者公著遣吏諭之皆逃懼由是上下咸修其職轉運司輦乳香萬觔配賣郡中悉停之郡庫雖符檄督迫不爲強配民尤德之元祐中入相封申國公卒諡正獻

萬歷府志

蘇軾

字子瞻眉州眉山山人元祐七年知揚州嘗奏揚民爲積欠

廣陵覽古卷六

六

所歷檢察本州宜縱而拘於法者六條乞往催理從之又自蔡京知揚州宴集爲萬花會用芍藥數十萬枝吏緣爲奸軾悉罷之

參宋史萬歷志

鑿按趙與峕賓退錄云東坡知揚州夢行山林間一虎來噬方驚怖有紫衣道士揮袖障公叱虎使去明旦道士投謁曰夜出不至驚畏否公咄曰鼠子乃敢爾正欲杖汝脊汝謂吾不知汝子夜術耶道士驚怖而退又按康熙志有戒禪師住揚州石塔寺蘇軾赴登州戒往見之軾曰吾欲一見石塔以行速不及也及軾守揚州戒欲歸西湖軾疏

留之有云渡口船回依舊青山之色秋來雨過一番鐘鼓之音

陳偕

廣陵人家故饒財喜學畫其後伎日進家日微遂以爲業士大夫往往稱之偕曰家貧無以給衣食聊復俯仰其間耳蘇軾最愛其畫雁贈之以詩云君從何處看得此無人態又云作書問陳子曉景畫茗雪

參秦觀淮海集萬歷志

晁補之

字无咎鉅野人通判揚州以文章著名太守蘇軾稱爲風

廣陵覽古卷六

七

流賢別駕旣而其弟詠之亦調揚州司法參軍軾雅重其能文顧坐客曰奇才也

明一統志

呂希哲

字原明東萊人少從焦千之胡瑗復從張載及程顥兄弟遊聞見益廣以廕入官王安石欲薦之固辭以范祖禹薦召爲崇政殿說書擢右司諫崇寧間坐黨籍貶知相州旋罷祠晚居真揚間衣食不給處之晏然坐一室家事一切不問不以毫髮事託州縣嘗作詩曰除却借書沽酒外更無一事擾公私間居日讀易一爻徧考古今諸儒之說默

坐沉思隨事解釋夜則與子孫評論古今商確得失久之
方罷

參宋史嘉靖志

鑿按希哲子好問字舜從崇寧初治黨籍好問以元祐子
弟坐廢司揚州儀曹

韓世忠

字良臣延安人以敢勇應募累遷淮南宣撫使建炎四年
金人與劉豫合兵分道入侵帝手詔命世忠飭守備圖進
取世忠受詔感泣遂自鎮江濟師俾統制解元守高郵候
金步卒親提騎兵駐大儀當敵騎伐木爲柵自斷歸路會

廣陵覽古卷六

八

遣魏良臣使金世忠撤炊爨給良臣有詔移屯守江良臣
疾馳去世忠度良臣已出境卽上馬令軍中曰視吾鞭所
嚮於是引軍次大儀勒五陣設伏二十餘所約聞鼓卽起
擊良臣至金軍中金人問王師動息具以所見對聶兒孛
堇聞世忠退喜甚引兵至江口距大儀五里別將撻孛孛
擁鐵騎過五陣東世忠傳小麾鳴鼓伏兵四起旗色雜出
金軍亂世忠令背鬼軍各持長斧上撻人胸下斫馬足敵
甲陷泥淖世忠麾勁騎四面蹂躪人馬俱斃遂擒撻孛孛
等二百餘人時解元至高郵遇敵設水軍夾河陣一日十

三戰未決世忠遣成閔將騎士往援復大戰俘其千戶等
世忠復親追至淮金人驚潰相蹈藉溺死甚衆論者以此
舉爲中興武功第一累進太保封咸平郡王孝宗朝追封
蘄王諡忠武王 宋史

劉錡

字信叔德順軍人紹興三十一年金主亮調軍六十萬自
將南來中外大震乃以錡爲江淮浙西制置使引兵屯揚
州建大將旗鼓軍容甚肅以兵駐清河口金人以氈裹船
載糧而來錡使善沒者鑿沉其舟自楚州退軍召伯鎮金

廣陵覽古卷六

九

人攻真州錡引兵還揚州帥劉澤以城不可守請退軍瓜
洲金萬戶高景山攻揚州錡遣員琦拒於皂角林陷圍力
戰林中伏發大敗之斬景山俘數百人捷奏賜金五百兩
銀七萬兩以犒師 宋史

仲并

字彌性江都人紹興進士歷光祿寺丞終朝請大夫淮東
安撫司參議幼好學強記每一展誦終身不忘其母嘗屏
所觀書几上惟臺歷一冊明且默記吉曜凶煞纖悉不悞
及長潛心問學力排王氏一偏之說唯六藝孔子孟是師爲

文閣肆而關鍵整密所著有浮山集十六卷

嘉靖志

彭方

字季正江西都昌人朱子守南康受業於白鹿洞開禧中
爲揚州教授建七賢堂祀韓忠獻等七人

江都縣舊志

王鑑

字仲明紹定三年李全犯揚州江淮大使司檄鑑從趙葵
往救鑑乘賊始至擊之賊識鑑旗幟曰淮東硬軍也四年
安撫使趙范戒朝食期翌日大戰葵曰非王都統不可約
鑑帥兵以往鑑擐甲待旦躍馬至北門或以非地分勸鑑

廣陵覽古卷六

十

徐行鑑揮之曰同舟遇風何地分爲全適宴北使於平山
堂意驕我軍鑑單騎直前相拒纜數百步厲聲呼逆賊全
汝在山東作殲賊歸宋得節度之旌乃背義孤恩昊天不
庇今日當盡子手全怒奔馬戰無幾塵埃漲天范葵遣兵
斷全歸路全爲鑑所敗偕十餘騎走而西至新塘墮水鑑
追至左右射全與其黨皆死捷聞特授左武大夫復州團
練使終京湖宣撫大使司諮議

嘉靖志

陸秀夫

字君實楚州鹽城人登進士第李庭芝鎮淮南辟至幕中

天下稱得士者以淮南爲第一號小朝廷秀夫才思清麗
一時文人少能及之性沉靜不求人知察其事皆治庭芝
益器之自就幕三遷至主管機宜文字咸淳十年庭芝制
置淮東擢參議官德祐元年邊事急諸寮屬多亡惟秀夫
不去庭芝上其名除司農寺丞後累官左丞相奉少帝居
厓山厓山破負少帝負海死

宋史

元

胡長孺

字汲仲婺州永康人至元間爲集賢修撰與宰相議不合

廣陵覽古卷六

十一

調揚州教授長孺誘引不倦一時學者慕之郡二千石聘
釋經義環聽者常數百人

嘉靖志

蘇大年

真定人年十五遊學廣陵因家焉文辭翰墨皆絕出時輩
而不受辟舉至正間上書於朝官以編修平生著述甚多

自號西坡又號林屋洞主

姓譜

江都王

王宴客忽大雪寒甚子主剪紅紙爲日帖壁上頃刻光生
射照一室煖於三夏坐客解衣

伊世珍娜嬛記

以上江都甘泉縣

周

浣紗女

女馮氏白沙人楚伍員亡奔吳追兵在後遇女子浣紗因囑之曰後有追者勿言女赴水死以絕口後員滅楚還欲報其家不得乃卽其地留雞祀之而去人因名其山曰雞留立廟山側

雍正府志

宋

孫侔

廣陵覽古卷六

三

字少述吳興人與王安石曾輩遊名傾一時早孤事母盡孝志祿養屢舉進士及母病革誓終身不求仕客居江淮間士大夫敬畏之劉敞知揚州言其孝弟忠信足以扶世矯俗詔以爲揚州教授辭英宗時沈遘及王陶韓維連薦之授忠武軍推官常州判官皆不赴少與王安石友善安石爲相過眞州與相見侔待之如布衣交初王回王令常秩與侔皆有盛名回令不壽秩爲隱不竟唯侔以不仕始終

宋史

孫洙

字巨源儀真人隨父錫官京東嘗至登州謁東海神廟密
禱於神欲知他日科第及官位所至夜夢有告之曰汝當
一舉成名位在雜學士上既覺頗喜然年尚幼未識雜學
士何官問諸人人曰吉夢也子必且爲龍圖閣學士後擢
第入朝歷清近眷注隆異數以夢語人元豐二年拜翰林
學士賓客皆賀孫愀然曰曩固相告矣翰林班冠雜學士
吾其止此矣今日之命宜弔不宜賀纔越月省故人城外
於坐上得疾神宗連遣太醫診視幸其愈且以爲執政後
果愈上喜使謂曰何日可入朝卽大用矣省吏聞絡繹展

廣陵覽古卷六

三

謁冠蓋填門孫私語家人曰我指日至二府神言何欺我
哉臨當朝顧左右曰我病久恐不堪跪起爲我設茵褥且
肄習之方再拜疾作不能興遽扶掖之已絕矣

夷堅志

杜嬰

字大醇儀真人好讀書爲人曠達而精於醫王安石嘗云

與杜君語久而不厭

萬歷府志

張汝明

字舜文汝賢弟也先世廬人徙居真州少有聲太學元祐
中登進士第歷簿丞參軍滯州縣者二十年未嘗一語干

進大觀中召寘學制局充檢閱文字預考貢士不悅者誣以背王氏學詔究之徽宗覽其去取錄曰考校盡心寧復有此特擢監察御史嘗攝殿中侍御史即日劾蔡京市恩招權且謂京卞親兄弟京中書執政卞樞密秉兵文武兩權盡出其手一日不虞措社稷何地帝獎其直京憚之徙司門員外郎出通判寧化軍謫監壽州麻步場遇赦簽書漢陽判官田法行受牒按境內躬親閱實雨雪不渝吏不得通賕謝而稅均晚知岳州卒於官汝明事親孝母病疽更數醫不効汝明刺血調藥傅之而愈其學精研象數貫穿經史百家所著有易索書張子卮言大究經傳於世

廣陵覽古卷六

古

史

吳敏

字元中真州人大觀二年試辟雍首選蔡京喜其文欲妻以女敏辭擢祕書省校書郎京薦之充館職除右司郎官升中書舍人同修國史改給事中鄭居中秉政敏數言其失居中銜之坐駁盜當死者罷爲右文殿修撰提舉南京鴻慶宮久之復爲給事中權直學士院徽宗將內禪定計東幸命戶部尚書李棪先出守金陵敏詣都堂言曰朝廷

便爲棄京師計何理也此命果行雖死不奉詔稅遂罷行
皇太子除開封尹上去意益決敏因奏對薦李綱帝遂召
綱入議命敏草傳位太子詔欽宗旣立敏遷知樞密院事
拜少宰與太宰徐處仁不合遂俱罷

宋史

鑾按儀徵志云敏欽宗時請褒贈司馬光范統仁罷元祐
學術之禁又奏蘇軾言祖宗重臺諫乃是察大臣之爲奸
者臣雖任相事願開言路以通下情又言漢文帝用醇厚
長者天下富安武帝用材能天下多事本朝王安石用材
能急功利風俗以是壞又言爲天下者當視爲一物近年

廣陵覽古卷六

五

以來有御錢有朝廷錢有有司錢人材亦然有親擢有大
臣薦引一天下而自爲分別如此臣願陛下視天下爲一
則事可成帝皆嘉納又上疏言王安石廢春秋非是願詔
立春秋學官以貢舉取士從之

傅集

儀真人以行義文學爲鄉里推重徽宗時勅舉入行刺史
郡守以集應詔屢勸就道堅卧不起時人高之

萬歷府志

米芾

字元章在真州嘗謁蔡攸於舟中攸出右軍王略帖示之

元章驚歎求以他書易之攸有難色元章曰公若不見從
某不復生卽投此江死矣因大呼據舷欲墮攸遂與之語
林

許叔微

字知可真州人家貧篤意經史尤邃於醫建炎初兵火後
大疫叔微親行里巷視療所活甚衆一夕夢神曰汝生平
有遺恨乎叔微應以三事一以自少失怙不得竭力菽水
一以束髮受書望一第逾五十而不可得二惟後嗣不立
爲不孝神曰帝正欲命汝官子汝子父母則不可見因留

廣陵覽古卷六

六

語云藥市收功陳樓間阻殿上呼臚唱六得五旣覺不審
所謂紹興二年以第六人登第繼升第五人在陳祖言樓
才之上悉如夢中語著有本事方等書數十卷儀徵縣志

林彖

字商卿仙遊人幼孤隨母鞠於舅陳次升家得盡讀六經
百氏之書多聞元祐名臣出處大節與宋累朝典故後遷
居真州又事劉安世任伯雨陳瓘諸公所得益加於前紹
興初簽書樞密院徐俯以禮延致不肯往奉母歸閩菽水
盡歡乾道四年詔特賜進士出身添差興化軍教授未一

考而卒 嘉靖惟揚志

劉宰

字平國金壇人舉進士慶元中調真州司法時詔下州責有出身現任人狀稱不係偽學不讀周敦頤程頤等書方得考試宰喟然曰生平所學者何首可斷此狀不可得卒弗與遷泰興令浙東幹官遂引去屢薦不起隱居三十年有漫堂文集語錄行世 宋史

潘友文

字文叔東陽人嘉定初以承議郎知真州時兵燹後民無

廣陵覽古卷六

十七

屋廬饑饉相望友文開賑民局給餼糧施藥餌全活者三萬戶修築翼城創屋八百間其上開濬壕河民有所恃建瑞芝清邊堂百廢具舉後除福建提舉民立祠祀焉 嘉靖惟揚志

胡彥龍

儀真人善畫人物天神寒林水石草木紹定間苗安撫薦於朝詔爲畫院待詔 儀真志

文天祥

字宋瑞江西吉水人年二十舉進士第一德祐初元人南

下詔天下勤王天祥募兵入衛至臨安上疏乞斬呂師孟
作將士之氣建四鎮以却敵不報除右丞相命如元軍請
和與伯顏抗論伯顏怒拘之北至鎮江與客杜澣等十二
人夜亡入真州知州苗再成出迎喜且泣再成議約兩淮
兵以圖興復天祥大稱善卽爲書遺二制置遣使四出約
結初天祥未至時有脫歸兵言元人密遣一丞相入真州
說降李庭芝信之使再成殺天祥再成不忍給天祥出而
庭芝求之甚急乃變姓名東入海遇兵伏環堵中從樵者
得餘糝羹食之俄兵又至衆走伏叢篠中兵入索之執杜

廣陵覽古卷六

六

澣等澣以金賂免募二樵者以簣荷天祥至高郵嵇家莊
義士嵇聳迎至其家遣子德潤偕館客林願學送至泰州
遂由通州泛海如温州拜左丞相封信國公以兵恢復江
右兵敗被執至燕三年不屈遂遇害

參宋史嘉靖惟揚志

元

郝經

字伯常陵川人金末父思溫避地河南之魯山金亡徙燕
爲守帥張柔賈輔所知延爲上客二家藏書皆萬卷經博
覽無不通憲宗二年世宗以皇弟召經諮治道遂留侍王

府時連兵於宋經屢請與宋議和會宋賈似道亦遣人請和明年世祖卽位以經爲翰林侍讀學士佩金虎符充國信使使宋告卽位且定和議仍勅沿邊諸將毋抄掠經入辭詔曰朕初卽位庶事草創卿當遠行凡可輔朕者亟以聞經奏便宜十六事皆立政大要平章王文統忌之旣行文統陰屬李璫潛師侵宋欲假以害經賈似道方以却敵爲功恐經至謀泄館經眞州經上表於宋曰願附魯連之義排難解紛豈知唐儉之徒歟兵誤國又數上書皆不報驛吏棘垣鑰戶晝夜守邏欲以動經經不屈居九年丞相

廣陵覽古卷六

九

伯顏伐宋問執行人之罪宋懼始禮送經歸道病明年夏至闕錫燕大廷咨以政事賞賚有加秋七月卒官爲護喪還葬諡文忠經尚氣節學務有用及被留思託言垂後撰續後漢書易春秋外傳行人志等書數百卷其文豐蔚豪宕善議論詩多奇崛拘宋十六年從者皆通於學經還之後汴民射雁金明池得雁足繫帛詩云霜落風高恣所如歸期回首是春初上林天子援弓繳窮海纍臣有帛書後題至元五年九月一日放雁獲者勿殺國信大使郝經書於眞州忠勇軍營新館其忠誠如此

元史

吳澄

字幼清撫州崇明人用力聖賢之學嘗舉進士不第遂隱居著書既薦有道歷官國史院編修大德七年秋至真州淮東宣慰使珊竹介等具書致幣率弟子請講學次年除江西儒學提舉召爲國子監丞陞司業謝病去皇慶元年春至真州舊學者強留講學秋還家俄拜集賢直學士延祐五年起至京秋次真州疾作不果行使者亟欲復命澄固辭遂留淮南英宗卽位詔遷翰林學士卒年八十五諡文正

參元史嘉靖惟揚志

廣陵覽古卷六

三

珊竹介

字仲清中統間歷官江東宣慰司以目疾去官家於真州嘗延三學教授張璠國子監丞吳澄爲諸子師朝夕講論遂有所得篤行於家至大元年疾作隱几諸子跪受其言遂絕明日復蘇置酒高會以勞唁者又二年預爲兆蜀岡營葬如朱子家禮疾篤麾妻妾環侍者出口男子不死婦人之手遂卒葬義城里

儀徵舊志

王君迪

字居中儀真人以醫著所述古方論至詳脈別二十四狀

參之以外候偏邪如燭照鑑別吳澄爲作可山記以贈儀
徵縣志

以上儀徵縣志

廣陵覽古卷六

三

廣陵覽古卷六終

男朝生校字

廣陵覽古卷七

江都顧鑾謝唵氏述

南齊

亘公

寓居高郵結庵土山煉丹種藥歲久仙去因名其山曰神

居山至今產何首烏及諸藥

地輿廣記

邾道光

高郵人與其女居城西南迎仙橋井旁煉丹丹成與女皆

仙去後人名其井曰玉女井橋曰通仙橋

萬歷府志

廣陵覽古卷七

一

陳

杜僧明

字宏照廣陵臨澤人形貌眇小有勇力善騎射梁時從盧

安興後從陳祖爲主帥征交阯討元景仲並有功與蔡路

養戰於南野馬被傷陳祖馳往救之以所乘馬授僧明復

進因大敗路養高州刺史李遷仕將襲南康陳祖令僧明

等拒之連戰百餘日擒遷仕侯景遣于慶等寇江南陳祖

頓豫章令僧明爲前鋒所向克捷仍隨東討軍至秦州僧

明率麾下燒賊水門大艦及景平以功除明威將軍南兗

州刺史進爵爲侯

陳書

鑿按高郵州春秋時爲邗溝地屬吳後屬越戰國時屬楚秦并天下始於其地築臺置郵亭因名秦郵漢置高郵縣屬廣陵國東漢高郵屬廣陵郡三國時廢晉太康元年復立高郵縣屬臨淮郡南渡後於高郵之北阿鎮僑置幽州劉宋高郵屬廣陵郡大豫初析置臨澤縣屬海陵郡南齊因之梁析高郵置竹塘三歸二縣置廣業郡尋改爲神郡至隋開皇初廢郡又併竹塘三歸臨澤三縣入高郵屬揚州陳因蕭梁建置時仍號臨澤云

廣陵覽古卷七

二

宋

崔希甫

高郵人有才略宋將沈承禮攻江南請爲府判官江南平潘美薦於太宗召見拜太子中允面賜金紫命知原州召還拜監察御史凡朝廷更置諸道事務及指揮沿邊將帥多命希甫乘傳處分輒稱上意賜金帶仍命懸魚時號重金御史子琮擢進士第

萬歷府志

桑景舒

高郵人皇祐五年進士善聽百物音知災祥又精於音律

嘗製虞美人曲對虞美人草鼓之輒動搖不已今其曲行於世

高郵舊志

喬竦

字立之高郵臨澤人教授州里倡明孔孟之教從遊者多以文行知名一時淮南數千里間共視高郵若齊魯孫龍圖覺亦其徒也卒贈朝奉大夫

高郵舊志

孫覺

字莘老高郵人少從胡瑗學登進士第嘉祐中擇名士編校昭文書籍覺首選進館閣校勘神宗卽位直集賢院擢

廣陵覽古卷七

三

右正言神宗將大革積弊覺言弊政固不可不革革而當其悔乃亡神宗稱其知言熙寧二年詔知諫院同修起居注知審官院王安石早與覺友善驟引用之將援以爲助青苗法行議者謂周官泉府民之貸者至輸息二十而五國之財用取具覺條奏其妄曰成周賒貸特以備民緩急不徒與也故以國服爲之息說者不明鄭康成釋經乃以王莽計贏受息無過歲什一爲據不應周公取息重於莽時况載師所任地漆林之征特重所以抑末作也今以農民乏絕將補耕助斂顧比末作而征之可乎國事取具蓋

謂泉府所領若市之不售貨之滯於民用有買有予并賒
貸之法而舉之倘專取具於泉府則冢宰九職將安用耶
聖世宜講求先王之法不當取疑文虛說以圖治安石覽
奏怒始有逐覺意會曾公亮言畿縣散常平錢有追呼抑
配之擾安石因請遣覺行視虛實覺既受命復奏言如陳
留一縣前後曉示請錢卒無一人至者以此見民實不願
望賜請罷安石以覺爲反覆出知廣德軍徙湖州松江隄
沒水爲民患覺易以石隄下悉化爲良田歷知亳揚徐諸
州知應天府入爲太常少卿哲宗卽位遷諫議大夫時諫

廣陵覽古卷七

四

官御史論事有限毋許越職覺請申唐六典及天禧初詔
書凡發令奏事之未便皆得奏陳論宰相蔡確韓縝進不
以德確自訟有功無罪覺隨所言折之確竟去縝白遷覺
給事中辭曰間者執政畏人議已則遷官以餌之願與縝
俱罷踰月縝去進吏部侍郎領右選改左擢御史中丞數
月以疾請罷除龍圖閣學士提舉靈仙觀以歸覺有德量
爲王安石所逐及安石退居鍾山覺駕往道舊從容累夕
迨其死又作文以誄談者稱之所著有文集奏議春秋易

傳行世

宋史

鑿按語林稱孫龍圖覺喜讀書晚年病目乃擇卒伍中識字稍解事者二人使其子取西漢左氏等書授以句讀每瞑目危坐室中命二人更讀於旁終一策則易一人飲之酒一盃使退卒亦自喜不以爲難又按宋史覺弟覽字傅師屢立邊功議論多觸執政遂遭黜削卒降爲寶文閣待制卒

孫升

字君孚高郵人治平二年進士哲宗立爲監察御史朝廷更法度逐奸邪升多所建明嘗上疏曰自二聖臨御登用

廣陵覽古卷七

五

正人天下端良之士俊偉之才俱收並用近世得賢之盛未有如今日者願於耳目之臣論議之際置黨附之疑杜小人之隙疑間一開則言者不安其職使循默之風熾而壅蔽之患生非朝廷福也遷殿中侍御史以梁燾事出知濟州踰年提點京西刑獄復拜侍御史論翰林承旨鄧偁溫草蔡確制稱其定策功比漢周勃欺天負國豈宜親承密命不報紹聖初翟思張商英摭升過劾之削職知房州再貶果州團練副使汀州安置卒

宋史

喬執中

字希聖高郵臨澤人父竦教授里中從遊多以文學知名
執中初入太學補五經講書五年不謁告王安石見而器
之命子弟與之遊治平四年擢進士調須城主簿時河役
大興部使者不得人一夕譟而潰致大獄執中往代遂帖
然富民賂吏將創橋所居以罔市利執中疏其害使者入
吏言使成之執中曰官可去橋不可剋也卒不能奪王安
石爲政引執中編修熙寧條例選提舉湖南常平時張惇
討五溪檄執中取大田離子二峒峒路險絕期迫執中但
走一校諭其酋卽相率歸命召爲司農丞提點開封縣鎮

廣陵覽古卷七

六

諸縣牧地民耕歲久議者將取之當夷邱墓伐桑柘萬家
聚泣執中請於朝詔復予民改提點京西北路刑獄時河
決廣武埽危甚相聚莫敢登執中不顧立其上衆隨之如
蟻附不日埽成元祐初爲吏部郎中遷起居郎權給事中
有司以天下讞獄失出入者同坐執中駁之曰先王重入
而輕出卹刑之至也今一旦均之非好生之意也進刑部
侍郎紹聖初上官均撫執中爲呂大防所用以寶文閣待
制知鄆州執中有仁心屢典刑獄活以百數一夕夢神人
昇以騎都尉詰曰爲客言之少焉談笑而逝

宋史

崔公度

字伯易高郵人口吃不能劇談而內絕敏劉沆薦茂才異等辭疾不應用父命補三班差使非其好也益閉戶讀書歐陽修得其所作感山賦以示韓琦琦上之英宗卽付史館授和州防禦推官以母老辭英宗召對延英殿進光祿丞遷崇文校書刪定三司令式元祐紹聖間歷兵禮部郎中知潁潤宣通四州直龍圖閣卒所著有曲轅集四十卷詩賦百篇

宋史

按補世說云公度嘗與文與可同館職一日見與可京

廣陵覽古卷七

七

南殊無言及將別但云明日復來乎與子話公度意以話爲畫明日再往與可曰與公話則左右顧恐有聽者公度方知其將有言非畫也與可曰吾聞人不安語者舌可過鼻卽吐其舌三疊之如餅狀引之至眉間公度大驚及京中傳與可死公度乃悟所見非生者

朱壽昌

字康叔揚州天長人徙居高郵以父與蔭試將作監主簿歷知閬州鋤姦擿伏郡稱爲神遷知廣德軍壽昌母劉氏與妾也初與守京兆母劉氏方娠而出壽昌生數歲始歸

父家母子不相聞五十年後壽昌行四方求之飲食罕御
酒肉言輒流涕熙寧初與家人辭訣棄官入秦曰不見母
吾不反矣行次同州得之劉時年七十餘嫁黨氏有數子
悉迎以歸京兆錢明逸以其事聞詔還就官由是以孝聞
天下壽昌以養母求通判河中府數歲母卒居喪幾喪明
既葬有白鳥集墓上拊同母弟妹益篤累官司農少卿遷
中散大夫 宋史

按蘇軾有賀壽昌刺血寫經求母五十年得之蜀中詩
云嗟君七歲知念母憐君壯大心愈苦羨君臨老得相逢

廣陵覽古卷七

八

喜極無言淚如雨不羨白衣作三公不愛白日昇青天愛
君五十着綵服兒唬卻得償當年烹龍爲炙玉爲酒鶴髮
初生千萬壽金馬詔書錦作囊白藤肩輿簾蹙繡感君離
合我酸辛此事今無古或聞長陵謁來見大姊仲孺豈意
逢將軍開皇苦桃空記面建中天子終不見西河郡守誰
復譏潁谷封人羞自薦

秦觀

字少遊高郵人少豪雋能文舉進士不第見蘇軾於徐州
爲黃樓賦軾以爲有屈宋才介其詩於王安石安石亦謂

其語似鮑謝軾勉以應舉爲親養始登第調臨海主簿蔡州教授元祐初軾以賢良方正薦於朝除太學博士校正祕書省書籍遷正字復兼國史院編修官紹聖初坐黨籍出通判杭州御史劉拯論其增損實錄貶監處州酒稅使者承風旨伺其過無所得則以謁告寫佛書爲罪削秩徙郴州繼編管橫州又徙雷州徽宗立復宣德郎還至藤州遊華光亭爲客道夢中事索水飲水至而卒先自作輓詩語哀甚有淮海文集其四十卷觀長於議論文麗而思深及死軾深惜之弟覲字少儀覲字少章皆能文子湛字處

廣陵覽古卷七

九

度亦以文名

參宋史高郵志

王鞏

字定國莘縣人爲揚州倅居高郵以詩酒自娛從蘇軾遊軾守徐鞏往訪之與客遊泗水登鼉山吹笛飲酒乘月而歸軾觴之於黃樓上謂鞏曰李太白死世無此樂三百年矣軾得罪鞏亦坐謫監濱州鹽稅在濱窮經著書豪氣不少挫罷還注論語十卷上之朝

嘉靖惟揚志

馬永卿

字大年高郵人大觀元年進士初赴永城縣簿外家張氏

諸舅命其求教劉待制元城永卿到任卽上謁元城問王鞏安否蓋定國時居於郵也永卿答曰王學士安元城因謂永卿可教曰後生不稱前輩字此爲知禮永卿自是日造其門所與問答莫非粹言要論皆載所撰元城語錄中後永卿官終左朝請大夫

萬歷府志

陸仲仁

高郵人精繪事嘗畫王右軍支道林許遠仁三高圖獻晁以道張表臣題詩於後中有句云已有雲氣翳鳳麟六百餘歲無斯民想像璧月何當親虎頭摩詰俱沉淪誰其畫

廣陵覽古卷七

十

者陸仲仁遠紹乃祖高無倫以道歎曰後世視陸生不知當爲何等人耶

萬歷府志

曹仁熙

高郵人善畫水米芾畫史云高郵寺壁水乃仁熙畫一筆長丈餘水勢分激如崩劃有聲世所寶惜張表臣觀仁熙畫水作詩呈晁以道云曹生畫水信有神豪端風雨生淵沄波濤不合來翻屋鯨鵠何須欲噬人末又云此身端的老江湖雨笠煙蓑是所圖他年但飽揚州米此日寧論璧社珠以道覽之曰此詩波瀾亦可駭矣其畫爲名公稱許

如此 高郵舊志

陳造

字唐卿高郵人年踰二十直院崔大雅奇其才勸以求仕
初調繁昌尉既分教姑蘇范成大見其詩文曰唐卿亦高
郵人使遇歐蘇盛名當不在少游下尚書尤袤得其騷詞
雜著手之不置尋宰定海倅房陵攝郡事皆有最績兩為
試官亦稱得人官至淮浙安撫使參議晚年自號江湖長
翁有詩文雜著四十卷 萬歷府志

翁彥約

廣陵覽古卷七

七

字行簡崇安人政和二年進士知高郵軍郵當江淮孔道
商旅出入多以貿易茶鹽為業姦民計圭撮銖兩之私連
逮抵罪者不可勝計彥和初下車有告訐者片言立決案
無留牘吏猶欲以支辭蔓其獄彥約曰兩獄充斥若等尚
恨少耶吏錯愕失對不敢倚法為姦一郡相慶歲大旱步
禱疲甚既雨得疾或以是尤之彥約曰民蘇而吾病吾無
憾矣乞休未報而卒行道之人莫不出涕 高郵舊志

顏筆仙

無姓名高郵人少落魄江湖建炎初鬻筆遇仙日售筆十

管則止轉運使見之問曰能飲否曰可飲一斗飲畢長揖而去遺所攜筆籃俾左右取還之盡力莫能舉凡得其筆者剖視管中必有一詩或紀其破毀歲月及人禍福姓名無不驗故以筆仙稱之年九十二一日積葦庭中坐其上自舉火焚之人見烈焰中乘火雲飛昇而去

嘉靖惟揚志

趙默

字子聲高郵人紹興乙丑赴禮部試其婦兄臧倬語之曰子聲必登高第昨夢吳興葉利用先生得官與君俱往賀焉上馬回首則君亦着藍袍吾殊爲君喜暨揭榜葉中選

廣陵覽古卷七

七

而默不然至來春又試倬復語之曰吾侍妾韻兒爲君作一夢嘉兆默笑曰前已不驗豈復兒戲耶謾叩之倬曰此妾昨早持一手帕來用絨刺狀元及第四字其上至夕夢吾手執帕而爲趙姑夫所奪君必魁天下無疑旣又不然後數年倬死淳熙戊戌乃用累舉恩試大廷爲第一人始念倬夢上馬回首者蓋拜官在其身後而韻兒之夢歷二十七年乃驗云

嘉靖惟揚志

汪立信

字成甫六安人咸淳十年爲荆湖制置使元兵日迫以三

策移書賈似道似道得書怒抵之地詬曰瞎賊狂言敢爾
中以危法廢之元兵大舉伐宋似道出師江上召立信爲
江淮招討使俾就建康府庫募兵援江上諸郡立信受詔
卽日上道以妻子託其將金明執其手曰我不負國家爾
必不負我遂行與似道遇蕪湖似道拊立信背曰不用公
言以至於此立信曰瞎賊今日更說得一句不似道問立
信何向曰今江南無一寸乾淨土某去尋一片趙家地上
死第要死得分明耳旣至建康守兵悉潰四面皆元兵立
信乃率所部數十人至高郵欲控引淮漢以爲後圖及聞

廣陵覽古卷七

三

似道師潰歎曰吾今日猶得死於宋土也乃置酒召賓佐
與訣手爲表起居三宮與從子書屬以家事夜分起步庭
中慷慨悲歌握拳撫案者三遂失聲三日扼吭而卒後伯
顏聞其策歎曰宋有是人若果用之我安得至此求其家
厚恤之

宋史

元

龔璠

字子敬高郵人善屬文工書有晉人風格憲舉和靖學道
兩書院山長官寧國路儒學教授調宜春丞以江浙儒學

副提舉致仕後寓家吳門所著有存悔齋集 嘉靖惟揚志

李齊

字公平廣平人知高郵府至正十三年張士誠爲亂陷泰州行省遣齊招降被拘久之縱歸令守甓社湖士誠尋據高郵城已而有詔赦之詔至不得入賊給曰李知府來乃受命行省強齊往至呼齊使跪齊曰吾膝如鐵豈爲賊屈士誠怒扼之跪齊立而詬之乃曳倒槌碎其膝而尚之齊舉進士第一時謂不負所學云 元史

以上高郵州

廣陵覽古卷七

西

宋

元生先

無姓名熙寧間人遊興化館於鬻金賈氏會邑宰喚其金有贖先生掘地熾炭置金其中卽成赤金運神術能爲人起死一日謂賈曰吾將去能從我遊乎言訖設一葦席坐溪上泛泛然不知所往 興化舊志

胡滋

王介甫子雱爲待制卒興化尉胡滋妻宗室女也自言夢中人衣金紫云王待制來爲夫人兒妻尋產子介甫聞之

自京師至金陵與夫人常坐於船簾下見船過輒問得非胡尉之船乎既而得之舉家悲喜亟撫視涕泣遺之金帛不可勝數邀與俱還金陵滋言有捕盜功應詣銓求賞介甫使人爲營致除京官留金陵且半年欲得其兒其母不可乃遣之

嘉靖惟揚志

時丹立

興化人元祐間任高郵司理洩政仁恕民德之鄉人稱其所居曰時堡卒秦觀以詩挽之有懸知青史上又載一于公之句

興化舊志

廣陵覽古卷七

五

俞集

溧水人宣和中赴泰州興化尉挈家舟行淮上多蚌蛤舟人日買以食集見必輒買放諸江他日得一籃甚重衆欲烹食倍價償之堅不可遂寘諸釜中忽大聲從釜起火焰相屬舟人大恐熟視之一大蚌裂開現觀世音像於殼間其傍有竹兩竿如生菩薩相好端嚴冠衣瓔珞及竹葉枝幹皆細珠綴成者集令舟中皆誦佛悔罪而取其殼以歸

堅夷志

陳俊卿

字應求興化人登進士第累遷中書舍人時孝宗志在興復方以閩外事屬張浚以俊卿忠義沈靖有謀卽本職充江淮軍撫判官興元初建都督府俊卿除禮部侍郎參贊軍事張浚初謀大舉北伐俊卿以爲未可及浚請出師已而兵潰俊卿退保揚州主和議者幸其敗議罷浚都督改宣撫使治揚州俊卿奏浚果不可用別屬賢將若欲責其後功降官示罰古法也今削都督重權寘揚死地人情解體尙何後效之圖疏再上上悟卽復浚舊職且召爲相俊卿官至同平章事以少師魏國公致仕卒諡正獻

宋史

廣陵覽古卷七

六

方信孺

字孚若興化軍人有雋才開禧間三使金能以言辭折強敵不辱君命累遷淮東轉運判官兼提刑知真州卽北山水壘築石堤袤二十里人莫測其所爲金人薄城守將決堤退敵城以獲全

舊載儀縣志

徐景

嘉定中爲興化令楚賊胡德等率衆掠縣景諭以逆順禍福賊怒欲害之景曰人誰無死得死王事何憾但勿殘吾民賊義之不加害景練兵設備數月賊平

興化縣志

郭忠

字恕甫興化人時仁宗后喪明忠以針愈之賞賜甚厚賜號金針先生有傷寒直格行世

興化舊志

元

董搏霄

字孟起磁州人至正十四年以樞密院判官從丞相脫脫駐高郵分戍鹽城興化賊巢在大縱得勝兩湖間凡十餘萬悉勦平之卽其地爲芙蓉砦賊入輒迷故道盡殺之自是不敢復犯後授淮南行院判官十八年拜河南右丞與

廣陵覽古卷七

七

賊毛貴猝遇拔劍督戰賊突前刺殺之無血惟白氣衝天

元史

高椿

江都人元季避亂姑蘇張士誠據吳郡遣幣聘之椿峻拒不就閉戶讀書歸隱興化

康熙府志

以上興化縣

漢

臧旻

廣陵射陽人有幹事才熹平元年會稽妖賊許昭起兵旬

章攻破城邑衆以萬數拜旻揚州刺史進兵連戰破之遷旻爲使匈奴中郎將還京太尉袁逢問其西域諸國土地風俗人物種數旻具言道里近遠人數多少風俗燥濕山川草木鳥獸異物名種不與中國同者口陳其狀手畫地形逢奇其才歎曰雖班固作西域傳何以加此轉拜長水校尉終太原太守

參後漢書謝承漢書

鑿按府志寶應秦時屬九江郡漢置平安縣屬廣陵國新莽改曰杜鄉東漢屬廣陵郡漢末改曰安宜晉縣省地入射陽蓋縣有射陽湖射陽鎮射陽阜也

廣陵覽古卷七

六

三國魏

陳琳

字孔璋廣陵射陽人初爲何進主簿進欲誅宦官太后不聽進乃召四方猛將並使引兵向京城欲以劫恐太后琳進諫曰易稱卽鹿無虞諺云掩目捕雀夫微物尚不可欺以得志况國之大事可以詐立乎今將軍總皇威握兵要龍驤虎步高下在心以此行事無異鼓洪爐燎毛髮但當速發雷霆行權立斷而反釋利器更徵他兵倒持干戈授人以柄祇爲亂階耳進不納竟以取禍琳避難冀州袁紹

使典文章爲檄討曹操袁氏敗歸操謂曰卿昔爲本初遺書但可罪狀孤而已何乃上及父祖耶琳謝罪操愛其才不咎以爲司空軍謀祭酒管記室軍國書檄多琳作也徙門下督卒始五官將丕及平原侯植皆好文學琳與王粲徐幹阮瑀應瑒劉楨孔融並見友善號建安七子魏志按典略曰琳作諸書及檄草成呈操操先苦頭風是日疾發臥讀琳所作翕然而起曰此愈我病數加厚賜

唐

尼真如

姓李氏嫁於賀若氏舍俗爲尼天寶元年七月七日真如於鞏縣精舍盥濯忽有五色雲自東來雲中引手不見其形以囊授真如曰寶之慎勿言天寶末安祿山亂真如展轉流寓於楚州安宜縣上元二年建子月十八日夜見二人皂衣引真如東南行可五六十步樓觀嚴飾兵衛森肅皂衣者曰化城也殿上一人衣碧衣戴寶冠稱天帝有二十餘人衣冠亦如之呼爲諸天命真如進諸天相謂曰下界殺戮過多腥穢達於諸天當以神寶壓之一天曰用第三寶又一天曰今沴氣方盛三寶不足以勝須以第二寶

授之曰然因出寶授真如曰汝往令刺史崔侁進於天子
前所授小囊有五寶人臣可見今八寶惟王者得見慎勿
易也具以寶名及所用之法授真如復令皂衣者送之翌
日真如詣縣以狀聞刺史以爲妖令從事盧恒就訊真如
以囊中五寶示恒出寶盤照之光皆射日仰望不知所極
恒異之白於侁聞之節度使崔圓圓召真如詣府欲歷視
之不可固強之真如不得已乃出八寶置之日中則白氣
貫空措諸陰室則照燭如月侁遣盧恒隨真如上獻時肅
宗寢疾召太子謂之曰汝自楚王爲儲嗣今獲寶於楚州
今真如所居得寶地在河壩景物暢茂相傳西域賈人過
其旁者無不望而瞻禮也

康熙府志

宋

徐天錫

字日休故吳忠武王溫之後幼有奇志以學自業天禧中
以進士起家累遷著作郎知寶應縣時寶應之人大饑疫
募民出米爲餽粥以食民聚醫藥以治病者其家屢戒之
使自愛無身行民間以切近病人天錫以爲令當然不聽

也竟卒以疫後二十五年甥呂倚過寶應吏民猶能記其
卒之年月日時蓋稱念不亡也 王令廣陵集
以上寶應縣

漢

董永

海陵西溪鎮人少失母獨養父父亡貧不能葬乃從人貸
錢一萬以身作傭葬畢道遇一婦人求爲永妻永與俱詣
錢主令織絹三百匹以償甫一月而畢辭永去曰我天上
織女也緣君至孝上帝命我織絹償債言訖凌空去今丁

廣陵覽古卷七

三

溪場永與父墓並存

參方輿勝覽諸舊志

三國吳

呂岱

字定公海陵人初爲郡縣吏孫權召署錄事出補餘姚長
募精健千人平定會稽賊督十將取長沙三郡留鎮長沙
又與魯肅禽斬叛將遷廬陵太守代步騭爲交州刺史降
高涼賊帥又討鬱林夷賊破之桂陽滇陽賊起詔岱討之
斬首獲生萬餘人封都鄉侯交阯太守士燮卒其子徽不
受朝命岱請急進兵徽肉袒降斬之進封番禺侯岱旣平

交州復進九真斬獲以萬數進拜鎮南將軍還鎮長沙會
武陵蠻叛岱與潘濬共討定之廬陵會稽賊並起岱督劉
纂唐資等分部討擊皆見斬獲廖式作亂諸郡搔擾岱自
表輒行悉討斬之時年已八十拜上大將軍晉大司馬岱
清身奉公初在交州歷年不餉家妻子饑乏權聞歎息以
讓羣臣加賜錢絹始岱親近吳郡徐原慷慨有才志岱知
其可成賜巾襦與共言論後遂薦拔官至侍御史原性忠
壯好直言岱時有得失原輒諍又公論之或以告岱岱嘆
曰是我所以貴德淵者也原死岱哭之甚哀曰德淵岱之
益友今不幸岱復於何聞過談者美之卒年九十六遺令
殯以素棺疏布葬送制從儉約子凱皆奉行之

吳志

廣陵覽古卷七

三

晉

樂子長

海陵人白日飛昇今樂真橋乃其遺跡當時號爲樂真人
云梁昭明太子至海陵以樂子長故宅爲觀

泰州舊志

王冶

海陵人隱居天目山修靈寶法煉丹存神歷宋齊梁百餘
年白日飛昇有羣仙導引步虛清樂之音四遠皆聞山有

二井封鑄甚密藏靈寶符杖履水襪隱形帽於左丹井梁
昭明太子聞冶昇舉同邵陵王綸詣山致禮

嘉靖惟揚志

王鹿女

海陵人王冶居天目山時有五色鹿產一女於山左草間
冶聞啼聲往視之見鹿乳焉冶養於庵至七歲爲築鹿女
臺居之冶飛昇後女欲南渡邑人餞之橫浦云後百年復
來履江水而去唐景雲二年十一月山忽鳴聲聞遠近適
勅遣天台山女道士王妙行行天下名山大川洞天福地
投金龍玉璧王妙行卽鹿女計其時正百年矣

名勝志

廣陵覽古卷七

七

劉宋

劉善明

泰始中爲海陵太守郡邊海無林木善明課種榆檟後獲
其利人咸德之

泰州舊志

隋

賀若弼

洛陽人開皇元年爲吳州總管與史萬歲韓擒虎帥兵同
至海陵征捕海寇八千郡人念其功立祠忠義河側後以
平陳功封宋公

晏溪志

法響

海陵李氏子年十六出家多神奇縣有虎害響設齋召虎
虎悉至彌伏不動響杖其脛與背自是絕跡唐初於濟川
鎮南小孤山建寺以居涅槃後弟子造浮圖葬之名伏虎
禪師祠禱雨輒應後山塾於江徙祠北岸至今歲旱縣人
迎以禱雨

康熙府志

五代

荆罕儒

冀州人周顯德初授泰州刺史世宗幸泰州以罕儒爲團

廣陵覽古卷七

西

練使賜金帶銀器鞍勒馬六年春軍吏者艾詣闕請留恭
帝詔褒之罕儒輕財好施在泰州有煮海之利歲入鉅萬
詔聽十收其八用猶不足家財入有籍出不問其數雖不
知書好禮接儒士然驍勇善戰不顧勝負常欲削平太原
志未果而及於害人皆惜之

宋史

宋

胡令儀

陳留人淳化至道間以大理評事令海陵法無假貸吏民
憚之天聖中任發運使先是范仲淹請築捍海堰甫役會

大雨雪驚濤洶湧役夫有旋濇而死者謹言堰不可成朝廷以令儀會令海陵命為淮南轉運使按役之可否令儀力主仲淹議不可奪堰卒成民至今利之州人於張范祠增祀令儀為三賢祠

泰州舊志

曾致堯

南豐人咸平中知泰州有山亭六詠詩後子易占知如臯紹聖中孫肇復典是郡因立三至堂焉

名勝志

歐陽觀

廬陵人由綿州軍事推官於大中祥符三年移監泰州軍

廣陵覽古卷七

七

事判官時子修甫四歲觀卒於任囊底蕭然妻扶櫬歸葬吉水縣瀧岡課督其子為宋名臣

泰州舊志

晏殊

字同叔撫州人嘗官泰州西溪故溪亦以晏名本鎮有書院有南風亭皆殊所也范仲淹居政府時有詩云誰道西溪小西溪有大才參知兩丞相曾在此中來仲淹與殊俱嘗官此故云殊歷官觀文殿大學士卒諡元獻

泰州舊志

變按晏元獻赴杭州道過惟揚憇大明寺瞑目徐行使傳吏誦壁間詩板戒勿言爵里姓名終篇者無幾又俾別誦

一詩問名則江都尉王琪作卽召至同飯畢同步遊池上
時春晚已有落花因言每得句書牆壁間或彌年未嘗得
聯且如無可奈何花落去至今未能對王應聲曰似曾相
識燕歸來公大歎賞自此碎薦館職遂躋侍從事出類志

范仲淹

字希文蘇州吳縣人舉進士第歷監泰州西溪鹽稅遷右
司諫時歲大蝗旱江淮滋甚仲淹請遣使循行未報乃請
間曰宮掖中半日不食當何如帝惻然乃命仲淹安撫江
淮所至除淫祀賑乏絕民有食烏啄草者擷草以進請示

廣陵覽古卷七

三

六官貴戚戒其侈心因陳八事以諫除參知政事會盜起
淮南州縣官有不能守者朝命悉按誅之仲淹曰平時諱
言武備寇至專責守臣死事可乎守令由是皆免死以資
政殿學士遷戶部侍郎卒諡文正

參宋史東都事略

滕宗諒

字子京河南人天聖中爲郡從事建文會堂招延賓友時
范仲淹監西溪與宗諒談論相得胡瑗亦以文行爲宗諒

所厚

康熙府志

趙抃

字閱道衢州西安人進士及第知海陵崇學校重師儒不立異政以拂民情因俗施教寬猛不同惟以惠利爲本夜坐必衣冠露香告天不可告則不敢爲也至和初參知政事後新法興極論不可而去卒贈太子少師諡清獻

參宋

史嘉靖惟揚志

陸佃

字農師吳縣人紹聖四年知泰州州有淮東道院佃到任謝表云飛蚊漸少頗無澤國之風過客甚稀至有道院之號是年建貢院開鳳凰池置堂閣亭庵以經術課士以平

廣陵覽古卷七

七

易臨民事簡政清人甚感頌

泰州舊志

鑿按名勝志云宋貢院在南山寺西紹聖初陸佃爲守時建內有鳳池朝陽守雌二亭鷗閣鳧庵凡六十二所

張次山

通州人進士元祐初知泰州見水鶴集戒石前長鳴若訴次山諭使先飛令胥隨之鶴止大樹上蓋近鄰有烹其二雛者卽拘其人至鶴亦飛來次山爲斷罰之鶴乃飛去後爲西京轉運判官

泰州舊志

徐守信

泰州人號神翁居天慶觀遇異人授仙術言吉凶禍福如響徽宗嘗召入朝言事多驗高宗時爲康王叩以國事與之詩曰牡蠣灘頭一艇橫夕陽西下待潮生與君不負登臨約同上金鰲背上行後高宗避金兵入海爲淺沙所滯待晚潮行上問此何處曰牡蠣灘登岸問何山曰金鰲山因思神翁語乃屏蹕易衣入臨濟寺見此詩新書於壁墨蹟未乾始知翁爲異人

嘉靖惟揚志

潘汝一

字古玉海陵人博貫經史工爲文靖康初徽宗南幸童貫

廣陵覽古卷七

天

等勸渡楊子汝一至江都上書乞回鑾慰天下建炎間許容攝州事降金汝一不食者數日所親強之乃起金將遣人通意且曰不獨免死孤城將北借濟上富且貴焉汝一罵曰吾生於宋死於宋闔門爲忠義鬼含笑入地矣容欲作賀僞齊表召之不往金又命容擇文士草檄容迫遣之汝一以死拒金人取城中圖書或求其所著文以獻汝一指篋曰此豈可充雞林庭幣邪鄉人高之紹興中以進士久次得官更歷州縣卒有羣玉府鳳池集共二十卷

嘉靖

惟揚志

岳飛

字鵬舉相州湯陰人以應募屢戰皆捷建炎四年遷通泰鎮撫使兼知秦州飛辭乞淮南東路一重難任使收復本路州郡乘機漸進使山東河北河東京畿等路次第而復會金攻楚急詔張俊援之俊辭乃遣飛行而命劉光世出兵援飛飛屯三壑即今三壑鎮爲楚援尋抵承州三戰三捷殺高太保俘酋長七十餘人光世等皆不敢前飛師孤力寡楚遂陷詔飛還守通泰有旨可守卽守如不可但於沙洲保護百姓伺便掩擊飛以秦無險可恃退保柴墟戰於南

霸橋金大敗渡百姓於沙上飛以精騎二百鍛金兵不敢近後官少師樞密副使封武昌公爲秦檜所害追封鄂王諡武穆宋史

萬鍾

字元亨錢塘人淳熙十年知秦州購名書藏於州學修城東南北三水門建譙樓其上增祀胡瑗王居正於三賢祠鍾以儒雅飾吏事澹然不事功利而蠱弊盡除民甚德之嘉靖惟揚志

堯允恭

字克遜海陵人景定咸淳兩領鄉薦宋亡專意經傳邃於易深得性命之理江浙行省兩檄充濂溪東川書院山長允恭皆不赴安貧樂善學者多從遊自號觀物老人大司農燕公嘗稱其古心絕俗清氣逼人有詩文二十卷嘉靖惟揚志

唐甘粥

海陵人初爲小吏廉恪無他技一日晨出若有所遇忽裂巾毀履褻語裡程家人以爲狂語中休咎人始稍就占訊喜怒語嘿無不驗張榮來據城聞其神異執於大雪中露

廣陵覽古卷七

三

坐左右數尺獨無雪髮膚略不沾潤乃積雪丈餘穿洞穴埋其中彌日出之怡然也後抱薪自焚有田夫中途遇之問先生安往曰吾歸也入城聞其已自焚矣葬響林原歲餘有見之於江右又蜀人亦見之青城云泰州舊志

元

袁智

字道濟泰州人世爲丁溪鹵戶至正間父敬夫爲總催劉正二虐辱死智周誓復讐陰佩刀伺間便凡六年會正二爲人所殺乃以刀棄之邗溝州守趙儼上其事旌之參梧